



VLUM se 25-jarige verjaarsdag is 'n besondere geleentheid en daar word met groot dankbaarheid erkenning gegee aan al die vroue wat in die afgelope 25-jaar hul gewig ingegooi het en VLUM gedien het met onderskeiding en onbaatsugtigheid.



VLU-Mpumalanga (VLUM)

Communiqué

Uit die

Redakteur se



*Ons vertrou dat u hierdie spesiale
“Herinnerings-verjaarsdag”-
uitgawe sal geniet”*

In die VLUM -geledere word daar met groot verwagting uitgesien na 2020 – die 25ste bestaansjaar van hierdie besondere vroue-organisasie van Mpumalanga. ‘n Spesiale kongres word in die vooruitsig gestel om die mylpaal van die VLU-Mpumalanga te vier. Dan tref Covid-19-pandemie die wêreld met ‘n slag, alles kom tot stilstand en alle feesvieringe moet afgestel word.

VLU-vroue, soos orals in al die berigte gesien sal word, laat hul egter nie onderkry nie en daar word besluit om kongres op ‘n digitale manier aan te bied. Beoordeling van artikels vind steeds plaas met die nodige maatreëls in plek. Alles word netjies saamgevat in die Communiqué en lede kan al die nodige inligting vir 2021 hier te lese kry.

25 jaar is ‘n lang tyd. Vele lede is nie meer met ons nie en om al die geskiedenis weer op te diep is omtrent ‘n proses. Ons wou graag die streke en takke se geskiedenis in hierdie uitgawe uitlig en dit het omtrent gelei tot ‘n groot geskarrel. Ou argiewe word uitgegrawe, takalbume word weer opgediep en streeksvoorsitters en skakels moet bontstaan

om inligting te voorsien. Baie dankie aan elke medewerker vir feite, staaltjies, gebeure en foto’s wat opgediep is om VLUM se lewensverhaal te kan vertel.

Grendeltyd het uitdagings aan takke en lede gestel en nuwe maniere moes gevind word om kommunikasie te behou, maar ook hier het vroue gewys van watter stoffasie hul gemaak is en is vele nuwe talente ontgin.

Ons vertrou dat u hierdie spesiale “Herinnerings-verjaarsdag”-uitgawe sal geniet en die wêredvol sal versprei ten einde VLU te bemerk.

Mag dit vir die ouer lede vele mooi herinneringe oproep en mag dit vir die nuwe generasie VLU-lede insae gee in die aktiwiteite van VLUM die afgelope 25 jaar en hul ook aanspoor tot nuwe hoogtes vir VLUM.

Baie geluk VLUM met hierdie besondere mylpaal.

Mag hierdie jonge dame van 25 jaar groei en blom en tot volle wasdom kom.

Elsie Coetzee

Tobie van Middelburg Observer skryf

My eerste herinnering aan die Vroue Landbou-unie was ‘n ma wat gebak en brou en vergaderings bygewoon het as lid van die Arnot Vroue-Landbou-unie. Dit is so 60 jaar gelede.

Om VLU-Mpumalanga geluk te wens met sy 25ste verjaardag is kosbaar, want die VLU is vir my meer as ‘n werksverhouding, meer as redakteur en net nog ‘n organisasie, dit is persoonlik.

Oor die jare was VLU-takke dikwels die lig in die donker wêreld wat ons as joernaliste beleef: ‘n blommetjie, boodskap, beskuit, botteltjie ingelegde lekkerte en soms net ‘n mooi boodskappie, het ons weer nuwe moed gegee.

Met die bekendstelling van my eerste boek, “Hang die redakteur, maar God is liefde”, het die VLU-vroue die kos gemaak. Ek het ook die voorreg gehad om die takalbume te beoordeel en ‘n paar keer as spreker op te tree by VLU-geleenenthede. Met die afsterwe van Susan Kidson hierdie week het ons weer besef watter kosbare verhouding daar tussen die VLU-lede en ons as redaksie is. Die stralende vrou, met die sonskyn glimlag, was ‘n paar maande gelede by ons kantoor en ons kon saam bid.

Somtys wonder ek egter of die VLU-lede besef watter stukkie goud hulle werklik is, watter glans hulle verskaf?

Elke VLU-lid is geskep deur God se hand, perfek geweef, besef dit, glo, dit, beleef dit...

Vandag wil ek vra: Ken jy jou waarde kosbare VLU-vrou?

Jy is ‘n ligstraal... ‘n Stukkie juweel... ‘n Pêrel... ‘n Blink diamant... Laat julle lig voort skyn op God se aarde...

Mooi woorde van Elbie de Lange

Liewe Elsie en Ilse,

Ek wil hiermee my oopregte gelukwensing aan julle oordra met die puik nuwe Communiqué. Dit het my en al die ander lede se asems weggeslaan. Alles pas soos ‘n legkaart presies inmekaa. Dit lees lekker en maklik. Baie dankie vir julle fyn beplanning en ure, dae en weke se harde werk wat julle hieraan spandeer het.

Wie sou kon dink dat ‘n dodelike nuwe virus die hele wêreld se planne hierdie jaar totaal sou verander? Ons moes skielik leer wat beteken Covid 19: ‘n Pandemie, ernstige siekte, dood, inperkings, maskers, sanitisers, sosiale distansiëring, leë Kerke en om nie vergaderings en kongresse te hou nie.

Ons het ook geleer om elke dag in dankbaarheid te leef en mekaar in gebed aan ons Skepper op te dra. Ons het ook geleer wat die VLU-gebed régtig beteken: dat ons in die groot dinge van die lewe EEN is en dat ons nie onnodig oor nietighede moet verskil nie. Kom ons gun mekaar vrede op aarde, sodat ons dít wat ons doen, met lekkerkry kan klaarkry. Dankie Elsie en Ilse dat julle ons VLU-nuus en elke tak se werkzaamhede in hierdie tyd op sosiale media plaas en vir die nuwe Communiqué bymekaa maak. Baie dankie dat julle sorg vir ‘n silwer randjie om die donker wolke om ons. Baie dankie dat julle vir VLU-Mpumalanga ‘n opwindende nuwe moderne, vrolike en vroulike tydskrif ontwerp het. Baie sterke! Wees verseker van ons groot waardering met die pragtige nuwe Communiqué.

Baie liefde, vreugde, voorspoed en gesondheid vir elkeen in die VLU.

In hierdie

Mitgawe

Jaargang 25
Lente 2020
Ons vier 25 jaar!



VOORBLAD
Foto AdobeStock.com

Redaksiebrief

Tobie van Middelburg Observer

Elbie se gelukwensingsbrief

Kontak ons

WEBBLAD www.vlumpumalanga.org

Cindy Coetze | President
082 770 7747 | vlumpp@gmail.com
Alna Kapp | Vice-president
082 440 3669 | kappbdy@carfone.net
Elsie Coetze | Webblad, Facebook en
Communiqué Redakteur
082 492 4688 | vlumcommic@gmail.com
Sunette Barnard | Skakelbeampte
082 808 9711 | Barnard.sunette@gmail.com
Engela Thompson | Tesourier & Metaalvoorraad
084 585 3651 | Tesourierevlum1@gmail.com
Isobel Geyser | Beoordelaarsameroeper
082 414 5497 | isobelgeyser@webmail.co.za
Dané Ferreira | Sekretaresse
082 922 6043 | dane.ferreira3@gmail.com
Debbie du Plessis | Carpe Diemstreek
082 556 9330 | debbiedplessis@gmail.com
Sophie Hugo | Hoëveldstreek
083 701 9709 | hugos@secunda.co.za
Alice de Beer | Kosmosstreek
083 225 2243 | debeer.alice@gmail.com
Elena Martens | Malieveldstreek
082 341 5469 | Elenaom309@gmail.com
Elsie Coetze | Suikerbosstreek
082 492 4688 | vlumcommic@gmail.com
Alna Kapp | Tambukistreek
082 440 3669 | kappbdy@carfone.net



ONS VIER 25 JAAR

Boodskappe van gelukwense van
provinsies

Voormalige streekvoorsitters

Gelukwense van Gemeenskap

VLUM 25 jaar oorsig

Ons gesels met oud-presidentes

Huldeblyk aan Ann Goslin van
SANCU en Mabel Moya van ACWW



KONGRESSAKE

Kongreswenners 2020

Tandemuis storie

Jaarinligting 2021

Kompetisie-inligting 2021

Tesourierverslag

CARPE DIEM

Inspirasie-stasie met Debbie

Vaandel en simboliek

So onthou Irene Keet die **geskiedenis van Carpe Diem**

Debbie en Wilma skets **hoogtepunte van Carpe Diem se bestaan**

Grendeltyd in Carpe Diem

Takke: Celebre

Delmas

Devon

Magnolia

Nocturne

Soiree

Witbank



HOËVELDSTREEK

Inspirasie-stasie met Sophie

Streekgeskiedenis

Vaandel

Bethaltak groet: Ysobel Snyman en Anette von Wiellich

Grendeltyd in Hoëveldstreek!

Takke: Balfour

Bethal

Grootvlei

Kaalspruit

Secunda

Vaalrivier

KOSMOSSTREEK

Inspirasie-stasie met Alice

Alice bedank lede

Streekgeskiedenis

Elbie onthou 25 jaar

Vaandel

Oukliptak groet: Yvonne Deiner en Susan Kidson

Grendeltyd in Kosmosstreek

Takke: Arnot
Hendrina
Lenata
Leeuklip
Magrietjie
Ouklip
Swartgoud
Willie Hamman

MALIEVELDSTREEK

Inspirasie-stasie met Elena

Streekgeskiedenis

Vaandel

Grendeltyd in Malieveldstreek

Takke: Barberton
Finesse
Flamboyant
Fleur de Lis
Lebombo
Loerie
Querida
Schoemanskloof
Vlamlelie



TAMBUKISTREEK

Inspirasie-stasie met Alna

Streekgeskiedenis

Vaandel

Grendeltyd in Tambukistreek

Takke: Amersfoort
Kaleidoskoop
Piet Retief
Platrand
Robyn
Saligna
Talento Mulher
Volksrust
Wakkerstroom



SUIKERBOSSTREEK

Inspirasie-stasie met Elsie

Streekgeskiedenis

Vaandel

Aalwyntak groet: Amanda Lombaard verhuis

Belfasttak groet: Mari du Preez verhuis

Grendeltyd in Suikerbosstreek

Takke: Arum
Aalwyn
Belfast
Hibiscus
Graskop
Suikerbekkies
Visarend

Gelukwense vanaf SAVLU

25 jaar

OMHELS JOU VROU- WEES



B aie, baie geluk al jul pragtige vroue van VLU-Mpumalanga met julle organisasie se 25ste verjaarsdag. Julle kan baie trots wees met alles wat julle in die tydperk vermag het. Ek wens vir julle Gods rykste seën toe vir die jare wat voorlê.

Augustusmaand vier ons Vrouemaand. Wat 'n voorreg is dit om 'n vrou te wees! Ons almal weet dat vroue vandag, en ook deur die eeu, 'n reuse rol in die samelewing en in die wêreld speel – van Moeder Theresa tot en met die hedendaagse Andrea Merkel.

Waar ons die grootste verskil maak, is in ons eie gesinne. Die manier waarop ons optree binne ons gesin, hoe ons ons kinders grootmaak en toerus, het 'n enorme impak op die wêreld. Ons voorbeeld en woorde bepaal hul optrede en ook hul toekoms.

Dit bly 'n uitdaging om al die verskillende rolle van vrouwees met gracie te hanteer – van lewensmaat, ma van jou kinders, jou loopbaan en ook jou invloed en bydrae tot jou gemeenskap. Om 'n balans in alles te handhaaf verg deeglike beplanning.

VLU-Mpumalanga het die pragtige leuse – "In belang van vroue en die gemeenskap" Liewe lid, jy kan met jou unieke vrouwees hierdie leuse uitleef. Maar moenie iemand se voorbeeld probeer volg nie – word die vrou wat God bedoel het jy moet wees. Liese Krause-Wiid het eendag gesê: "Wees 100% jouself. Moenie iemand anders se resies probeer hardloop nie."

Omhels jou vrouwees, dit is wat jou anders as die manlike geslag maak. Maak daardeur 'n verskil in jou organisasie en ook die gemeenskap waarvan jy deel is.

Geniet jou vrouwees, dit wat-niemand-anders-kan-wees-nie, met (vroulike) oorgawe en passie!

Ek dink julle stem met my saam dat hierdie jaar ekstra baie druk op ons almal geplaas het met die pandemie en alles wat daarmee saamgaan. Ek het in die sosiale media opgemerk dat julle soveel as moontlik aangegaan het met julle bedrywighede en ek is dankbaar daarvoor. As ons die kommunikasie tussen mekaar afskeep, gaan ons in die proses baie kontak verloor.

Mag jul vir die res van die jaar inhaal wat jul in die maande wat verby is verloor het!

Liefdegroete

Tharina Rossel

SAVLU-PRESIDENT



Gelukwense vanaf VLUM

Hartlike
geluk

Hiermee my hartlike gelukwense aan VLU-Mpumalanga en lede met die **ongelooflike mylpaal van 'n volle vyf en twintig jaar jong wees!**

Ons het reikhalsend uitgesien om hierdie 25ste jaar te kan vier met 'n spesiale Jaarkongres. Daar was egter ander planne met **2020 wat nie een van ons kon voorsien nie.**

Laat hierdie jaar ons inspireer en nadink. Mense laat hulle nie in wysheid en deugde in argumenteer of preek nie, maar stories laat ons onthou: Dit gee ons moed, dit laat ons hoop.

Laat 2020, asook ons 25ste verjaardagjaar-herdenking, vir ons 'n geskenk wees van tyd, oordenking, nader aan ons familie en vriende lewe, al is ons ver uitmekaar.

Laat ons onthou-stories maak wat ons eendag vir ons nageslag kan vertel, die van hartseer, maar ook van hoop, hoe ons 'n verskil gemaak het in **2020, die grappies, maar veral van moedhou, uithou en aanhou.**

Mag VLU-Mpumalanga geseen word met leergierige lede, vrede, vreugde en liefde onder mekaar en met mekaar, sodat elkeen van ons weer met nuwe moed en krag die nuwe seisoen wat voorlê kan omhels.

Dankie aan ons voorgangers wat vir ons mentors was en nog steeds is. Grys elke geleentheid aan om te leer of iemand te leer, kom ons voeg waarde toe aan mekaar selewens. **Dit is ons wenresep vir die toekoms.**

Baie liefde

Cindy Coetzee

VLUM-PRESIDENT



Laat 2020, asook ons 25ste verjaardagjaar-herdenking, vir ons 'n geskenk wees van tyd, oordenking, nader aan ons familie en vriende lewe, al is ons ver uitmekaar.

Gelukwense vanaf VVLU

Liewe Cindy en Mpumalanga-vriendinne

Wat 'n voorreg vir Vrystaat-VLU om julle baie geluk toe te wens met julle 25-jarige bestaansjaar!

'n Mens maak lewenslange vriendinne en beleef dat lojaliteit een van die wonderlikste waardes is wat ons kan ontvang en uitdeel. So het ons dit ook met julle President, Cindy Coetzee ervaar.

VLU het ons geleer dat elke mens uniek is met verskillende talente en persoonlikhede. Ons het geleer om na ander te luister, ook na dit wat hulle nie sê nie!

Eienskappe wat ons vroue laat uitstyg bo ander, is: geestelike weerbaarbaarheid, 'n sterk geloof, 'n wil, vermoë en kreatiwiteit om in haar tak en organisasie van middelmatigheid uit te styg na uitnemendheid!

Ons moet weer begin nuut dink en ons idees spontaan op die tafel plaas. Ons moenie bestaande tegnieke ignoreer nie, maar ook nie bang wees om te vernuwe en uitdagings te aanvaar soos wat 2020 ons hierdie jaar geleer het nie. **Weet ook dat die Here ons nooit aan ons eie sal oorlaat nie!**

Koester die mooi herinneringe van ons verlede wat ons help vorm het en ons as organisasies uniek gemaak het en bou voort op dit wat saak maak. Kom ons droom groot drome vir VLU.

Bid julle die Here se seën toe vir die res van die jaar.

Kyk mooi na julleself.

VVLU- groete

Cjerdie Pienaar
PRESIDENT-VVLU

Koester
die mooi



Gelukwense vanaf Overvaal VLU



“Normal is just a cycle on a washing machine.”
Whoopi Goldberg

Liewe VLU-vriendinne

Dis so 'n heerlike voorreg vir my om so 'n klein bietjie met julle te gesels. Overvaal se tema vir 2020 was Droom, Glo en Bou. Ons was so opgewonde in Januarie want wat is nou lekkerder as om drome te droom en 365 dae te bou en te werk aan die werklikheid. Ons het buite die boks gedink. Dit was die tyd vir nuwe drome en nuwe dinge.

Wie wil normaal wees? Whoopi Goldberg het gesê: “Normal is just a cycle on a washing machine.” Ons, die VLU-dames wil nie normaal wees nie. Ons wil anders wees. Ons wil dans op die maat van ander musiek. Die VLU-dames is vreugdevol en hulle sien nuwe horisonne en hulle stap nuwe paaie van genade. Die VLU-dames besiel en inspireer die mense gedurig met hulle verhale van goedheid en aanpasbaarheid, veral in die pandemie tyd.

So liewe lede van Mpumalanga, **soek steeds na nuwe redes om jou lewe met humor en geluk te vul.** Deel 'n stukkie vreugde met medelede en leef uitbundig. Julle het net een kans, gryp dit blymoedig en met vreugde aan.

Liefde Groete

Ina Booyse
PRESIDENT:
OVERVAAL VLU

Liewe VLU-vriendinne,

Besoek aan julle was altyd 'n hoogtepunt in my ses jaar as president van NWVLU. So kom alle goeie dinge tot 'n einde. Graag bedank ek elkeen van julle vir vriendelikheid, bande smee, oregtheid en sommer net omdat julle my ook met liefde aanvaar het!

Ons tema van "Blom waar jy geplant is" het nuwe uitdagings gebring toe ons almal skielik in ons eie huise geplant is met inperking! Gou het die VLU-vrou se inisiatief dinge laat gebeur. Maak maskers, hou werkswinkels by jou eie huis, die digitale ontploffing vind plaas soos almal groepies stig, Zoom-vergaderings hou en sommer sien hoe maklik tegnologie vir ons kan werk!

Jy, liewe lid en president, is ook geplant by jou tak, streek en provinsie. Nie nou eers nie, maar 25 jaar gelede toe ons afgestig het van Transvaal Landbou-unie. Hoe wonderlik dat selfs daardie besluit ons nie gedemper het om steeds te kon blom waar ons geplant was nie. Ons sien uit na die volgende 25 jaar!

It is so true that in every flower bed, some weeds appear and should be handled. We have either changed them into perfume by applying extra pressure, or in some severe cases we had to let them go elsewhere! Thank you for your little flower-face that we could enjoy and appreciate even in times when the sun did not shine and your only water was your own tears!

My diepste wens vir Mpumalanga-lede is dat julle positief sal voortgaan! Bou voort aan julle wonderlike projekte en mag julle almal pragtige kleurvolle, welriekende blomme wees – enige plek -en veral waar jy geplant word as lid, bestuurslid in jou geliefde VLU!

Baie dankie vir al julle ondersteuning tydens my siekte. Dit het my gedra in moeilike tye en weet ek waardeer elke gebed, boodskap en goeie wens.

Gaan nou, kry vriende-water sodat julle in blommeprag verander!

VLU-liefde

Gelukwense vanaf Noordwes VLU



Pam van Rensburg

VLU-NOORDWES-PRESIDENT

*"Thoughts lead on to purposes; go forth in action;
actions form habits, habits decide character; and
character fixes our destiny."*

Tyron Edwards

On behalf of Federation and its members, I would like to wish VLUM a HAPPY 25th BIRTHDAY.

There is nothing more special than when working together over the years has brought you this far. 25 years of selfless devotion, limitless sacrifice has created this special occasion, and most of all the greatness of being a part of VLUM! I wish you all, the members of VLUM a wonderful 25th years celebration on your great achievement.


"Thoughts lead on to purposes; go forth in action; actions form habits, habits decide character; and character fixes our destiny."

Tyron Edwards

May this Proverb characterize the next coming years for VLUM.

Cjolie Dely

PRESIDENT OF THE FEDERATION OF
WOMEN'S INSTITUTE, KZN.



Lieve Mpumalanga VLU-vriendin

In 1994 het die Transvaalse Vroue Landbou Unie ontbind en 'n vierling is gebore: Mpumalanga, Noordwes, Noord en Overval en saam vier ons, ons 25ste bestaansjaar in 2020. Daar's wyd beplan vir hierdie spesiale jaar en toe kom Covid-19 en ons maak kennis met grendeltyd. Grendeltyd het ons tot stilstand laat kom en vir ons 'n nuwe bril gegee om die lewe te beskou en te laat besef wat belangrik is in ons lewe – ons waardes – ons geloof – ons bestaansreg.

Ons leer dat ...

- ons met minder kan klaarkom;
- ons onderwysers kan wees;
- ons die tegnologie kan bemeester, as ons moet;
- ons, as betrokke VLU-lede (bywoon en deelname aan VLU-vergaderings, werkklasse, demonstrasies en kompetisies) onself met kennis en vaardighede bemagtig het om vele vraagstukke te kon oplos; en
- ons in grendeltyd oor 'n wonderlike VLU-vriendinnehulplyn en -ondersteuningsraamwerk beskik.

Die Vroue Landbou Unie se doelstelling is "**Die opvoeding van**

die volwasse vrou". Daar lê vir ons VLU-lede 'n groot uitdaging voor om na grendeltyd in buitengewone ekonomiese en sosiale omstandighede ons organisasies te laat voortleef en te laat groei, maar niks moeiliker as bykans 90 jaar terug nie. Ons moet net ons - oopmaak en ons kennis onbaatsugtig deel en altyd die groter sake in gedagte te hou. Saamstaan en omgee gaan die wa deur die drif kry.

VLU-vriendin, mag VLU jou lewe verryk en verruim, sodat jy **unieke vrou** kan blom waar jy geplant is. Gryp die geleenthede aan wat VLU jou bied – soms kom 'n geleenthed net een keer na jou kant toe.

VLU Noord-groete

Gelukwense vanaf VLU-noord



Leanda E Le Cornu

VLU-NOORD-PRESIDENT

Gelukwense uit NAMIBIË

Lieve VLUM

Aan die begin van 2020 het ons elkeen 'n verwagting gehad van 'n voorspoedige jaar. Min het ons geweet watter uitdagings vir ons voorlê.

Vroue is soos "onkruid", groei sterker onder druk en kom soos 'n "blomtuin" anderkant uit. Ons het geleer van geduld met tegnologie en dat daar 'n nuwe "normaal" is wat ons moet bemeester. Baie geluk met julle silwer bruilof en dat die Namibiese Vroue Vereniging 'n blommemeisie kan wees. **Blom so voort vir nog 25 jaar.**

Namibiese groete

Hernien van den Berg

NAMIBIESE VROUE VERENIGING

Gelukwense vanaf Voormalige streekvoorsitters

Ek voel werklik bevoorreg om 'n paar woorde met ons Communiqué vriendinne te deel.

Om volkome vrede in jou hart te hê en te belewe, moet mens nederig wees. Niks moet jou jaag, irriteer of kwel nie.

Dit is egter maklik om hierdie woorde te uiter of hier neer te skryf – veral in die dae waarin ons leef. Dis vreemde tye en vir ons almal 'n eerste keer want geeneen van ons was hierdie inperkings en beperkings te wagte nie. Elkeen van ons reageer anders daarop. **Party het moed om hierdie bul by die horings te pak terwyl ander baie depressief oor alles is, maar laat ons trapklippe van struikelblokke maak!**

Een wete wat mens egter in hierdie tyd ondervind, is 'n dieper soek na geestelike waardes en om jou gesin en familie te koester en lief te hê.

Graig wil ek my gelukwense met VLUM se 25ste bestaansjaar oordra en mag die organisasie asook die Communiqué en al die lede steeds van krag tot krag gaan.

Ek wil ook hulde bring aan diegene wat voor ons was en die voorbeeld en rigting aangedui het.

Gelukwense ook aan dié wat tans voorloop en leiding gee - ons is trots op elkeen!!



Groetewense

Rosy de Jager

**VOORMALIGE VISE-PRESIDENTE VAN
TVLU ASOOK STREEKVOORSITSTER VAN
BETHALSTREEK VOOR ONTBONDENING IN
1994. HET TYDENS ONTBONDENING IN
1995 'N HELE PAAR NUWE STREKE GESTIG
O.A OOK KOSMOSSTREEK.**



VLU-Mpumalanga, baie geluk met jul 25ste verjaarsdag!!

**VLU-vroue het 'n lang geskiedenis van voortreflike diens,
opleiding en ontwikkeling van vroue se talente.** Lede se bydrae en jare van diens het ons organisasie uniek gemaak in Suid-Afrika.

2020 was beslis 'n unieke ervaring ook vir VLU. Skielik kon ons nie meer bymekaar kom nie, die afsondering was beslis moeilik vir ons lede. Maar onderkry beslis nie! Takke en streke het bygevolg met aanlynvergaderings, konferensies en selfs 'n kongres. Dit het beslis ons lede se belangstelling en deelname lewendig gehou in 'n moeilike tyd van inperking. **Aan oorspronklikheid en kreatiwiteit het VLU nog nooit 'n tekort gehad nie.** Ons sien almal uit daarna om weer saam te kom en te kuier.

Bokkie Badenhorst

BOKKIE BADENHORST HET BY OGIESAK IN 1978 AANGESLUIT. IN KOSMOSSTREEK WAS SY BY ARNOT, MARLOTTI EN OUKLIP. SY WAS OOK DIE STIGTER VAN AALWYNTAK, ANNA BOSHOFF SE VISE-PRESIDENT EN STREEKSVOORSITTER VAN KOSMOSSTREEK. ONS SAL HAAR ALTYD ONTHOU AS VOORBEELD VAN CHRISTENVROU DAME, LEIER, VRIENDIN EN GESINSMENS. BOKKIE HET IN 2014 VERHUIS NA PRETORIA.

Om vrou te wees

is nie om anders te wees nie.

is nie om minder te wees nie.

is nie om swak te wees nie.

Is nie om ondergeskik te wees nie.

Om vrou te wees, is om jouself te wees.

Ockie Raubenheimer

Gelukwense van Gemeenskap

Vroue Landbou-unie Mpumalanga

Baie Geluk!!

Hiermee wil ons van Metal Art se kant net baie geluk sê, met VLU-Mpumalanga se 25ste verjaarsdag. Hoop dat julle nog baie jare sal voortbestaan en baie dankie vir al die jare se ondersteuning.

Vriendelike Groete

André Hermann

METAL-ART

Hartlik geluk VLU-Mpumalanga met die viering van 'n besonderse 25-jarige mylpaal,

'n tydperk waartydens die VLU as maatstaf gebruik word wat inisiatiewe betref om, nie alleen die gemeenskap op te hef nie, maar ook om vroue in die gemeenskap te bemagtig.

Vir ons as Metson is dit 'n voorreg om met u geassosieer te wees. Mag ons verhouding van krag tot krag gaan.

Adri Truter

METSON-PRODUKTE

Aan Cindy Coetze (VLUM-President) en elke ander dinamiese vrou by die Vrouelandbou Unie, Mpumalanga, veels geluk met jul 25ste bestaansjaar!

As ek moet terugdink aan die 25 jaar wat ek net met die vroue in die Kosmosstreek as deel van Mpumalanga gewerk het, is dit mooi onthoujare.

Jare waarin 'n organisasie hande gevat het met die koerant om plakboeke vol herinneringe te bou. Spesiale herinneringe wat elkeen, van die ouer lede tot die nuwer geslag, nie net sal onthou nie, maar kan oordra van geslag tot geslag.

By die VLU word jy nie net vaardighede geleer nie, jy word geleer hoe om 'n ware vasvat-vrou te wees. Jy bou vriendskapsbande wat familiebande word. Liefde en respek wat jy kan raaksien.

Verlede week blaai ek deur ou koerante van 1984 en ek kry 'n warm gevoel om my hart. Al het dinge deur die jare verander, bly die VLU 'n voorbeeld van konstante positiewe groei wat dieselfde bly, al is daar chaos in die wêreld om ons.

Julle het deur die jare ook deel van die Middelburg Observer se "familie" geword en is ek trots om te sê dat elke berig vir elke tak, vir my spesiaal is en was.

Weereens geluk. Dit is 'n voorreg om julle te kan ken.

Daleen Naude

Assistant Editor

MIDDELBURG OBSERVER



Gelukwense van Gemeenskap

Namens BERNINA Lydenburg, wil ons graag VLU-Mpumalanga geluk wens met die 25ste verjaardag. Voorspoed vir die toekoms. Seënwense vir elke lid.
Groete Johan en Petro
BERNINA LYDENBURG

Baie geluk aan die VLU (Vroue Landbou Unie) van Mpumalanga met jul 25ste verjaarsdag. Dankie dat julle die dames se "universiteit" van huishouding en soveel meer is. Mag ons Hemelse Vader julle seën en mag julle groei van krag tot krag.

GPS REDAKSIE EN SPAN SABIE

VLUM 25 jaar!!

WOW, wat 'n eer en voorreg om deel van julle Organisasie te wees.

Baie geluk met jul 25ste verjaarsdag.

Dankie dat julle vrouwees so ophef deur verryking met nuwe vaardighede en die samesyn van VLU-vriendinne. Ons wens jul 'n hartlike geseënde verjaarsdag toe.

KOSMOSSTREEK

Vroue Landbou Unie Mpumalanga,

Dankie vir julle praktiese en fisiese voorbeeld aan die gemeenskap.

Met die skrywe wil ons graag die VLU Mpumalanga geluk wens met hul 25ste bestaansjaar.

CHRISTA KREEFT

VLU-MPUMALANGA

Veels geluk met julle vyf-en-twintigste verjaarsdag. Mag julle van krag tot krag voortbeweeg.

P & E ENERGIE BK

VLU-Mpumalanga vier 25ste verjaarsdag

Die VLU is 'n organisasie wat aan vroue geleenthede bied om hulself te verryk op alle terreine van vrouwees sodat die vrou 'n bydrae kan lewer tot haar gesin en die gemeenskap. Die dames van VLU-Mpumalanga vier hierdie jaar die groep se 25ste bestaansjaar. Oor die jare het die vroue hulle vaardighede, talente en lewenslus met mekaar gedeel en hulle sien uit na wat die volgende 25 jaar vir hulle inhou. xVanaf die Excelsior Nuus en die gemeenskap wens ons dié dames 'n baie gelukkige verjaarsdag-. Mag die toekoms blink wees en die groep suksesvol wees in die doelwitte wat hulle nastreef.

KATE-MERIE FERREIRA

Hartlik geluk aan VLU Mpumalanga met die 25ste bestaansjaar. Mag daar nog vele wees.

CHRIS CRAFT PANEELKLOPPERS NELSPRUIT



Gelukwense van Gemeengkap



Intaba Trading 125 cc
P O Box 1447
Barberton
1300
Office – 067 935 5744
Mail – admin@intabatrading.co.za

BAIE GELUK
MALIEVELD STREEK
MET JUL 25 JAAR
VIERING!



JATHIRA GUESTHOUSE

P.O. Box 682, Barberton, 1300
Cell: 0823881404
jathira@wol.co.za

VLU Malieveldstreek.

Baie geluk met jul 25ste verjaarsdag!

Thinus & Ina Breedt



Ladies' Clothing & Accessories
Corner of Enos Mabuza Drive
Next to Medi Clinic
West End Shopping Centre, Shop 4A
Mbombela
1200
BAIE GELUK MALIEVELD VLU
MET JUL 25STE BESTAANSAAR.
DANKIE VIR DIE DIAMANT DAMES WAT JUL IS.

ANICA ODENDAAL TROTSE BARBERTON VLU LID



YHWH REGNAT NIL DESPERANDUM



03 September 2020

Wie dit mag aangehaal:

Wilt net hoor hoe ons VLU Malieveldstreek so baie gelukkige 25ste verjaarsdag... Julie is voorneem danes wat u verself maak in die gesensie.

Byvoortsel daar,

Rene Botha

072 207 4552



HOE? WAT EN WAAR

*pas wie in
die legkaart*

GESKRYF DEUR EL SIE COETZEE



Die stigting van die Transvaalse Vroue Landbou-unie (TVLU) was 'n direkte uitvloeisel van 'n versoek van die Transvaal Landbou-Unie - 'n vereniging van manne wat reeds sedert 1897 bestaan - dat daar ook 'n organisasie vir dames gestig moet word.

Gevollik word op 8 September 1925, deur inisiasie van Majoor Hunt, TCLU in Pretoria se stadsaal gestig met Edith O' Connor as president. 55 dames was teenwoordig.

Die eerste kongres vind plaas in Augustus 1926 met agt takke teenwoordig.

Ander provinsies volg hierdie voorbeeld: Natal in 1928, Kaapprovinsie in 1929 en Vrystaat in 1930.

Ses jaar later, in 1931, kom die TLU-manne bymekaar vir hul jaarlike kongres in Bloemfontein en verteenwoordigers van die Vroue-organisasies van die vier provinsies word genooi om die stigting van 'n nasionale vereniging vir vroue te bespreek.

1931

So word SAVLU (Suid Afrikaanse Vroue Landbou-unie) in 1931 gestig met Edith O' Connor as eerste president.

Die Wêreldbond van Plattelandse Vroue is reeds in Junie 1933 gestig met mevrou Watt as eerste president. Die doel van hierdie vereniging was om die plattelandse vrou geleentheid te bied om kennis op te doen ten opsigte van onder andere tuisteskepping, opvoeding, gesondheid en voedselbenutting.



Die TVLU is dan ook hierby geaffilieer, eers deur SAVLU, maar vanaf 1957 direk.

WBPV (ACWWW), SAVLU, TVLU en VLUM

25 JAAR OORSIG

1994

In 1994 kom daar groot veranderinge in die land en ook TVLU moes verander.

Daar was nou nege provinsies waar daar vroeër slegs vier was. Gevolglik moes die organisasie ook planne beraam om al die takke te huisves. Uit Pretoria, waaronder ons as Transvaal-VLU bekend was, is onder leiding van die president, Anna Boshoff, verdelings gemaak en die naam word verander na VLU-Mpumalanga (VLUM). "VLUM is die plek waar die son opkom, h nuwe provinsie soos die opkomende son" (Aldus Anna Boshoff, president SAVLU.)

Aanvanklik was daar slegs drie streke, naamlik Kosmos, Hoëveld en Malieveld.

VLUM het 'n eie nuusblad, Die VLU-nuus, asook h Gebed en 'n VLU-lied.

Die eerste president was Magdie de Kock, wat tans die presidente van die Wêreldbond van Plattelandse vroue is, 'n organisasie wat ook al vir baie jare deur ons land se VLU ondersteun word.

Mevrou de Kock is verkies op die eerste kongres wat te Aventura Loskopdam gehou is op 22 en 23 Mei 1996 vir 'n termyn van twee jaar.

VLUM bestaan uit 69 takke waarvan 60 by die kongres teenwoordig is.



1997

In 1997 word daar besluit om die nuusblad se naam te verander na die Mpumalanga Communique en redaktrise Elsabey Luus neem die blad na nuwe hoogtes. Sy beklee hierdie pos tot 2009 wanneer Marie Scheepers oorneem. Daarna behartig Elbie de Lange die redaksie van die Communique tot en met 2019, aanvanklik as hulp-redaktrise saam met Marie en dan as redaktrise.

Elke jaar hou h streek 'n eie konferensie (streeksjaarvergadering) en dan jaarliks h kongres (die algemene jaarvergadering van die provinsie) waar al die streke van Mpumalanga bymekaar kom. Dit is die hoogtepunt van die jaar waar VLUM se beste artikels uitgestal word en vrouwees geniet word. Die hoogtepunt is sprekers, asook h dinne met h gaskunstenaar wat optree

1998

So word in 1998, met die derde jaarkongres, Anphia Grobler verkies as opvolger vir Magdie de Kock en VLUM se nuwe embleem, ontwerp deur Elsabey Luus word onthul. VLUM wen ook hierdie jaar R25000 met h SASKO-kompetisie en die geld word aangebied vir die opleiding van vroue.

2000

Na vyf jaar (2000) is daar besluit dat VLUM te groot is vir slegs drie streke en word die streke weereens verdeel.

Drie nuwe streke ontstaan naamlik Carpe Diem, Tambukie en Suikerbos.

Met kongres 2001 kom die nuwe ses streke byeen met hul streeksvoorsitters

Carpe Diem: Elsabey Luus

Hoëveld: Ursula Smit

Kosmos: Henrietta Schoeman

Malieveld: Santa Kruger

Suikerbos: Karen Steenekamp

Tambuki: Ursula Greyling.

Daar word ook h kompetisie in 2000 uitgeskryf vir h nuwe VLU-lied en met kongres 2001 ontvang Tambukie-lede, Helena Blignaut en Susan van Rooyen, wat die woorde geskryf het, die prys van R500. Die lied is getoonset deur Helena.

Anphia Grobler word verkies as SAVLU-president en Henriëtte Schoeman neem die stoel oor as president van VLUM. Sy beklee die pos vir ses jaar.

2005

Met die tiende Kongres van VLUM in 2005 word daar feesgevier. Magdie de Kock ontvang ere-presidentskap van VLUM terwyl die pos van redaktrise en skakelbeampte ook geskei word en Rina Potgieter oorneem as skakelbeampte van VLUM terwyl Elsabey Luus aanbly as redaktrise van die Communique.



2010

In 2010 neem Mandie Steenkamp die stoel in as president vir h termyn van twee jaar waarna sy om gesondheidsredes bedank en Rina Potgieter die leisels oorneem. Tydens haar termyn geniet die lede elke jaar kongres by Numbi Hotel.

Hoogtepunte in 2011 was h somerskool in September asook h Weskustoer wat onderneem is.

Die Vroue Landbou-unie is h organisasie wat hom van ander organisasies onderskei deur die deelname aan kompetisies. Bo en behalwe die tak- en streekkompetisies waaraan lede elke jaar deelneem, is daar jaarlikse provinsiale kompetisies en driejaarliks SA-kompetisies. Aanvanklik was dit slegs in die borduur, handbrei, handvlyt en masjienwerkafdelings, maar met die jare het nuwe afdelings bygekom en word daar vandag ook deelgeneem in fotografie, skilderwerk, skryfkuns en borduurmasjienwerk.

Beoordelaarskursusse en opleiding word aangebied en lede kan hulself bekwaam as beoordelaars.

2015

Op tegnologiese gebied het VLUM ook nie agtergebly nie. Christelle Nel skep vir VLUM h eie webblad in 2015. Vandag het elke tak en streek h eie facebookblad waarop nuus en foto's van takaktiwiteite gedeel word. Elsie Coetze neem oor in 2020 as redaktrise met Ilse Pretorius wat die bladuitleg doen en die eerste digitale uitgawe sien die lig in April tydens die die rendeltydperk.

VLUM het ook h nuwe opgedateerde webblad wat lede toegang bied tot argiewe, VLU-verwante inligting en die Communique.

2018

Vanaf Kongres 2018 staan Cindy Coetze aan die hoof van VLUM as president.

Sy word bygestaan deur haar uitvoerende bestuur -UB-wat saamgestel word uit die ses streeksvoorsitters van elke streek, 'n skakelbeampte,'n sekretaresse,'n tesourier asook 'n provinsiale beoordelaarssameroeper. Hierdie bestuur vergader drie keer per jaar en is verantwoordelik vir die gladde verloop van die organisasie.



Uitvoerende besture van 25 jaar



2020

Met die 25ste bestaansjaar van VLUM sien die bestuur as volg daar uit:

President:	Cindy Coetzee
Streeksvoorsitters:	Carpe Diem: Debbie du Plessis Hoëveld: Sophie Hugo Kosmos: Alice de Beer Malieveld: Elena Martens Suikerbos: Elsie Coetzee Tambuki: Alna Kapp (vise-president)
Sekretaresse:	Dane Ferreira
Skakelbeampte:	Sunette Barnard
Tesourier:	Engela Thompson
Beoordelaars-sameroeper:	Isobel Geyser

VLUM se 25 jarige verjaarsdag is 'n besondere geleentheid en daar word met groot dankbaarheid erkenning gegee aan al die vroue wat in die afgelope 25-jaar hul gewig ingegooi het en VLUM gedien het met onderskeid en onbaatsugtigheid.

IN KOSMOSTREEK GEE ONS GRAAG ERKENNING AAN:

Anphia Grobler en Henrietta Schoemann: Uitvoerende Bestuurslede, Mpumalanga-en SAVLU- presidente asook lede van WBPV.

Mandie Steenkamp en Cindy Coetzee: Uitvoerende bestuur en VLUM Presidentes.

Bokkie Badenhorst en Rosie de Jager: Vise-president van voormalige TVLU, uitvoerende bestuur VLUM, asook stigter van verskeie takke.

Lecia Steele: Uitvoerende bestuur VLUM, vise-president Mpumalanga asook mev. Groter Mpumalanga.

Elbie de Lange: Uitvoerende bestuur VLUM, redaktrise Communique.

Alice de Beer: Rabbedoekamp organiseerde en uitvoerende bestuur VLUM, asook beoordelaar.

Ria Roets: Skakel en ambassadeur vir VLUM op verskeie vlakke.

IN TAMBUKIESTREEK HET DIE VOLGENDE DAMES PRESTEER:

Alna Kapp: Uitvoerende bestuur Vlum, vise-president Mpumalanga.

Ursula Greylings: Uitvoerende bestuur en vise-president Mpumalanga.

Davida Laas, Amanda Shand, Rika Wolmarans: Uitvoerende Bestuur Vlum.

Elbie van der Schyff: Uitvoerende Bestuur en Skakelbeampte VLUM.

IN CARPE DIEMSTREEK BEDANK VLUM:

Irene Keet: Uitvoerende bestuur VLUM en vise-president Mpumalanga, bestuurslid SANVU.

Elsabey Luus: Uitvoerende bestuur en provinsiale skakelbeampte VLUM, redaktrise Communique,

Debbie du Plessis: Uitvoerende bestuur VLUM asook VLUM Beoordelaarssameroeper.

Christell Nel: Uitvoerende bestuur VLUM asook webblad redaktrise.

Poppie Coetzer: van Kokkedoorn-faan.

HOËVELDSTREEK SPOG MET:

Jeanette Coetzer: Uitvoerende bestuurslid VLUM en vise-presidente Mpumalanga.

Ursula Smit: Uitvoerende bestuur VLUM

Tjoekie Nel: Uitvoerende bestuurslid en jarelange beoordelaars-samerooper.

Annetjie de Beer en Sophie Hugo: Uitvoerende bestuurslede VLUM.

MALIEVELD KAN TROTS WEES OP:

Rina Potgieter: Uitvoerende bestuur en skakelbeampte VLUM, president Mpumalanga en vise-president SAVLU.

Lillian Weber: Uitvoerende bestuur VLUM, asook vise-president Mpumalanga.

Jean Coetzer: Uitvoerende bestuur VLUM.

Santa Kruger: Uitvoerende bestuur en beoordelaarssamerooper VLUM, vise-president Mpumalanga.

Mariette Joubert: Uitvoerende bestuur VLUM asook Tesourier Mpumalanga.

Sunette Barnard: Uitvoerende bestuur en skakelbeampte VLUM, beoordelaar Mpumalanga-skou

Elena Martens: Uitvoerende bestuur VLUM.

SUIKERBOSTREEKDAMES WAT PRESTEER IS:

Elzebe Brits: Uitvoerende bestuurslid TVLU asook 70-jaar lid van VLU.

Stella Sephton: Uitvoerende bestuurslid TVLU, 60-jaar lid VLU en opgeleide beoordelaar.

Karin Steenkamp, Marie Venter en Titia Engelbrecht: Uitvoerende bestuurslede VLUM

Elsie Coetzee: Uitvoerende bestuurslid VLUM en huidige redaktrise VLUM-web en FB-blad asook Communique

Ons is dankbaar vir presidente Magdie de Kock, Anphia Grobler, Henriette Schoeman, Mandie Steenkamp, Rina Potgieter en Cindy Coetzee wat voorgeloop het hierdie afgelope 25 jaar saam met bogenoemde vroue en elke VLU-lid vanaf die ontstaan van Vroue Landbou-unie. Ons bede is dat VLUM net van krag tot krag mag gaan en groot hoogtes mag bereik.

Volgende jaar, 2021, is SAVLU se negentigste bestaansjaar en VLUM wil hiermee die vertroue uitspraak dat beide organisasies steeds in die jare vorentoe saam mag groei en blom en mag lei tot die opheffing van alle vroue in Suid Afrika.

Ons gesels met Magdie de Kock

Ons gesels met Magdie de Kock, eerste president na ontbondeling van die Transvaalse Vroue Landbou-unie oor haar betrokkenheid by VLU en hoe sy haar presidentskap ervaar het:

"Met die ontbondeling van Transvaalse Vroue Landbou-unie in Maart 1995 word ek eenparig verkies tot die stigtingspresidente van VLU-Mpumalanga. Ek dien in hierdie amp tot 1998.

Met my verkiesing as die eerste president om VLU-Mpumalanga te stig, vestig ek 'n nuwe bedeling binne 'n veranderde struktuur op plaaslike en provinsiale vlak. **Rasionalisering, besparing, groter betrokkenheid in die gemeenskap en minder voorskriftelikhed is 'n paar voorbeeld van die moontlikhede en geleenthede wat aan die lede van VLU-Mpumalanga gebied word tussen 1995 en 1998.**

Die organisasie word gestig met 64 Takkie met 'n ledetal van 1310 dames in 3 streke: Malieveldstreek in die Oostelike deel van die provinsie, Kosmosstreek in die sentrale gebied en Hoëveldstreek in die Suide.

Die Hoofkantoor van VLU-Mpumalanga word in Middelburg gevestig. 'n Sekretaresse, Alda Bosman, asook Elsabey Luus, die skakelbeampte en die redakteuse van die splinternuwe kwartaalblad, Communiqué,



Stigtingspresidente van VLU-Mpumalanga

beman die kantoor. Alhoewel ek nie in Middelburg woon nie, bestuur ek die kantoor, sonder hedendaagse elektroniese toerusting, maar gebasseer op 'n goeie en standvastige vertrouensverhouding.

Die Uitvoerende Bestuur van VLU-Mpumalanga vergader gereeld in die hoofkantoor en 'n argief word ook hier ingerig. Jean Coetzer (wyle) was die voorsitter van Malieveldstreek, Jeanette Coetzer, die vise-president, dien ook in die amp as voorsitter van Hoëveldstreek en Anphia Grobler dien as voorsitter van Kosmosstreek. VLU-Mpumalanga neem ywerig deel aan al die kompetisies en projekte op Provinciale- en SAVLU-vlak en nuwe projekte ontstaan binne die pasgestigde organisasie.



1

FOTO 1: Magdie de Kock met SA Vlag by Driejaarlike Konferensie van ACWW met verkiesing tot Wêreldpresidente in 2019

FOTO 2: Rina Potgieter saam met Magdie de Kock.

FOTO 3: Magdie de Kock dra met trots die kenteken van VLU Mpumalanga-Presidente 1995-1998



...sonder hedendaagse elektroniese toerusting, maar gebasseer op 'n goeie en standvastige vertrouensverhouding.

In 1998 bied die lede van VLU-Mpumalanga saam met ander SAVLU-organisasies die driejaarlikse konferensie van die Wêreldbond van Plattelandse Vroue in Pretoria aan.

'n Geleentheid wat steeds as een van die beste konferensies ooit beskou word!

Onder Elsabey Luus se entoesiastiese leiding en met haar man, Willie, se hulp word die baie gewilde "Kannetjie-kamp" jaarliks aangebied. Tydens hierdie wegbrekkans wat aan minderbevoorregte seuntjies tussen die ouderdomme van 10 en 13 jaar gebied was, word die avonture en vreugde van seun-wees met goed deurdagte ontwikkelingsprogramme herontdek. Later word die gewilde projek aangevul met soortgelyke kampe vir dogters. In Oktober 1997 bied VLU-Mpumalanga die eerste SAVLU-Somerskool aan, 'n tradisie wat deur die ander VLU's gevolg word en steeds voortbestaan.

VLU-Mpumalanga is in 1995 gevestig op die **lojaliteit en volharding van lede, 'n toegewyde Uitvoerende Bestuur en bekwame personeel**. Met my man, Johan, se liefdevolle aanmoediging kon ek met ywer en entoesiasme die uitdagings wat my gebied was, aangryp in die sekere wete dat "ek tot alles in staat is deur Christus wat my krag gee".

VLU beteken vir my vrywillige dienslewering aan my medemens en om daardeur God te verheerlik. In my diens aan die organisasie en aan die lede, wat oor meer as 40 jaar strek, ontvang ek veel meer as wat ek gee. Die VLU bied aan my geleenthede om my Godgegewe talente in diepe afhanglikheid aan Hom, uit te oefen.

Oor die afgelope 40 jaar dien ek in verskillende ampte binne TVLU en VLU-Mpumalanga. Aanvanklik as voorsitter op takvlak en later verteenwoordig ek Hoëveldstreek

as streekvoorsitter op die hoofbestuur van TVLU. Ek beklee ook in hierdie tydperk op die hoofbestuur die amp van provinsiale skakelbeampte en verteenwoordig die organisasie by verskillende nasionale en provinsiale rade, organisasies en geleenthede. Ek dien as senior-vise-president van TVLU asook vise-president van SAVLU tot en met die ontbondeling van Transvaalse Vroue Landbou-unie in Maart 1995.

Ek is dankbaar dat ek my VLU-loopbaan binne VLU-Mpumalanga kan voortsit en my passie steeds uitleef – aanvanklik as president en tans as ere-president en lojale lid van Grootvlei-tak en ook as Wêreldpresidente van die Associated Country Women of the World sedert 2019. (Die Wêreldbond van Plattelandse vroue).

As ek vandag oor my VLU-loopbaan terugkyk, dan besef ek dat al die jare in diens van VLU en in diens van my medemens, my geskool het en my voorberei het vir my huidige taak as Wêreldpresident van ACWW waartoe ek verkies is in April 2019.

Die Here het inderdaad my grondgebied vergroot en ek gee aan Hom al die eer! Steeds voorsien Hy in al die behoeftes wat ek benodig om die groot en invloedryke wêreldwyre organisasie met byna 10 miljoen lede, te dien en te lei. Met my man en kinders se volgehoue en liefdevolle ondersteuning en met lojale lede se vriendskap en aanmoediging, vind ek dat ek steeds "tot alles in staat is deur Christus wat my krag gee".

Magolie de Kock

ACWW Wêreldpresident 2019-2022

"As ek vandag oor my VLU-loopbaan terugkyk, dan besef ek dat al die jare in diens van VLU en in diens van my medemens, my geskool het en my voorberei het vir my huidige taak as Wêreldpresident van ACWW waartoe ek verkies is in April 2019.



Ons gesels met Anphia Grobler

A nphia deel haar VLU-Presidentskap hoogtepunte met ons:

"In 1981 sluit ek aan by Middelburgtak van die Middelburgstreek van die destydse Transvaalse Vroue Landbou Unie. Die tak word Ouklip, die streek Kosmos en TVLU word VLU-Mpumalanga!"

Ek was bevoorreg om 'n leidende rol te speel in die ontbondeling van TVLU (as streekvoorsitter van Middelburgstreek van TVLU), die skryf van VLU-Mpumalanga se Grondwet en dien as die eerste voorsitter van die nuutgestigde Kosmosstreek!

VLU was vir my 'n verlengstuk van my liefde vir huis en haard en my tersi re opleiding as Huishoudkundige. Ek dra graag my kennis oor en groei ook as VLU-lid in leierskapsrolle.

As streekvoorsitter en later president leer ek baie vroue ken, beleef ek liefde en deel in vele vreugdes en hartseer.

VLU is vir my 'n pad waarop die lewe my gelei het om in die voetspore van Jesus te volg – binne my menslike vermo .



FOTO 1: Ontvang speldjie na verkiesing as presidente van Suidelike Afrika area



FOTO 2: Anphia by ACWWW in London



Oud Kosmosstreek Voorsitster,
President
VLUM en SAVLU

"Hoogtepunte was daar oorvloedig: Vergaderings, takbesoeke, konferensies, kongresse! Te veel om te noem! Ek kan die hele tydperk wat ek president was, as 'n hoogtepunt beskou!"

Anphia is met verskeie meriete toekenning vereer:

Sy ontvang van Anna Boshoff h Transvaalse VLU-verwelkomingssertifikaat in 1993, Meriete toekenning van Middelburg Rotarier klub vir dienste gelewer in gemeenskap van Middelburg in 1996, van Maggie de Kock in 1997 vir dienslewering aan Kosmosstreek, van VLUM vir diens van ses jaar as president, as vonkelvrou van Kosmosstreek in 2016 en van SAVLU vir werk as lid van SAVLU beoordelaarspaneel.

Van Unisa ontvang Anphia h sertifikaat vir uitsonderlike diens gelewer aan Vroue-organisasies. Sy word vereer deur Solidariteit saam met 14 ander dames vir uitbou van SAVLU en op internasionale gebied by WBPV.



FOTO 3: Anphia en Nesia de Beer by 'n SA-kongres



FOTO 4: Anphia word vereer deur Solidariteit saam met 14 ander dames

FOTO 5: Anphia Grobler Ouklip lid is verkiest tot Kosmosstreek Voorsitster en Mpumalanga

Ek kan die hele tydperk wat ek president was, as 'n hoogtepunt beskou!



BO: Anphia Grobler en haar twee dogters Ohna en Sumé, Annetjie Viljoen en Elsie Versfeld is besig om die koekies te verpak

ONDER: Anphia Grobler oorhandig maskers aan Doornkop se Skool



LINKS:
Anphia Grobler is 'n omgee mens.
Hier oorhandig sy twee maskers



"VLU is vir my 'n pad waarop die lewe my geleei het en steeds lei, om in die voetspore van Jesus te volg – binne my menslike beperkings!"

Middelburgse munisipaliteit vereer haar ook in 2006, 2011 en 2015 met **"Star performer of the Year"** toekenning.

SA-erelid toekenning is by SA-Kongres in 2015 ook aan haar toegeken.

Anphia bly besig met die **Dignity-projek** waar aan skooldogters wasbare en herbruikbare sanitere doekies uitgegee word. Sy is ook besig met borduurklasse aan Middelburgse dames en naaldwerkopleiding, waar dames van Doornkop-nedersetting allerhande produkte vervaardig om self h'inkomste te verdien

"VLU is vir my 'n pad waarop die lewe my geleei het en steeds lei, om in die voetspore van Jesus te volg – binne my menslike beperkings!

"Die meetsnoere het vir my op mooi plekke geväl."

Danksy God drie-enig het ek baie geleenthede in die lewe gehad. Ek het elke geleenthed om kennis en vaardighede op te doen benut.

Danksy die hande van VLU-vroue wat my hande hoog-gehou het, kon ek baie groot hoogtes bereik!

Danksy 'n baie spesiale eggenoot wat my die ruimte gegee en die geleenthede gegun het, kon ek 'n wonderlik VLU-lewe geniet!

Anphia Grobler



Rina en Anphia



Twee streeksvoorsitters van Kosmos

Ons gesels met Henrietta Schoeman



Henrietta deel die volgende oor haarself:

Gunsteling kleur: Rooi is my geliefkoosde kleur.

Wat maak my opgewonde: Om te kan reis en nuwe plekke te ontdek, maak my opgewonde. So ook my kleinkinders en hulle manewales.

Ek hou nie van: Ek hou nie daarvan om elke dag te wonder wat om te kook nie. Somtyds bak ek, maar wil dit nie te gereeld doen nie want dan eet ekself te veel daarvan.

Ek hou van: Ek hou van die winter en boontjiesop so dik dat jy dit met 'n mes en vurk kan eet.

Stokperdjies: Ek lees vier boeke op 'n slag en die boeke lê die hele huis vol. Partymaal hekel ek, maar dit verveel my gou.

Musiek: Dis nog steeds vir my lekker om na Meatloaf en Bon Jovi te luister, maar ook na Rachmaninoff se klavierkonserte.

Rolprente: Ou rolprente maak my nostalgie en laat my verlang na iemand wat ek nie eers ken nie.

Ontspanning: Bosveldvure en wildritte is my tonikum as ek wil battery laai. Roodwyn-aande saam met dierbare vriende is kosbaar.

Hoe ek oorleef: Lag en laf wees is deel van elke dag en my manier om moeilike situasies te ontlont.

Henrietta sluit by Hoëveldtak, Middelburgstreek in 1985 aan en hier beklee sy die amp van skakelbeampte en takvoorsitter vir ses jaar. Dan is sy Kosmosstreek se sekretaresse (in Bokkie Badenhorst se tyd) en word streeksvoorsitter vir ses jaar.

Vanaf 2003 tot 2008 beklee Henrietta die amp van VLU-Mpumalanga president en word in 2009 verkies as SAVLU-president waar sy die amp tot in 2015 beklee.

Tussendeur raak sy weens VLU-Mpumalanga se affiliasie by WBPV betrokke en dien ses jaar op die finansiële komitee asook ses jaar lank as sekretaresse en lid van die raad van trustees.

Sy is nog steeds lid van Swartgoudtak (Hoëveldtak moes naam verander) en is huidiglik vise-voorsitter van die tak.

Henrietta het ook beoordelaarssertifikate verwerf in preservering en gebak.

Henrietta vertel verder: "VLU het 'n geweldige invloed op my lewe gehad vir die laaste 30 plus jare. As nuwe lid het ek nie die omvang besef van hierdie organisasie nie. As daar een aspek uitstaan van lid was, is dit vir seker die kosbare vriendskappe wat gesmee is. Ek het geleer by my voorgangers van entoesiasme, harde werk, om 'n visie te hê, maar veral lojaliteit. Om met almal te kan klaarkom, selfs al stem mens nie altyd oor 'n saak saam nie, om te kan weet dat jy deel is van 'n staatmakergroep, om te sien hoe lede ontwikkel en selfvertroue uitstraal, om onder druk te kan werk, maar ook om in jouself talente te ontdek en te kan ontwikkel. VLU het my gehelp om altyd die beste van myself te wil wees, om my foute te kan sien en te erken, maar bowenal om te alle tye almal met respek te behandel, in hulle geselskap, maar ook as hulle nie daar is nie."



FOTO 1: VLU gee om.
Solidariteit-Helpende Hand
vir tassie- projek

FOTO 2: Rina en Henrietta
is laf!



Lag en laf wees is deel van elke dag en my manier om moeilike situasies te ontlont.

Henrietta verdeel die hoogtepunte van haar tydperk as president onder drie afdelings:

VLU-lede werk saam

- In haar tyd as president van VLU-Mpumalanga is die WBPV-Area-konferensie van 3-5 Mei 2005 te Secunda gereël en aangebied. Hiertydens is onder ander sweisklasse aangebied, geleer om blomme van krale en draad te maak en bewusmaking van die hartseer en trauma van mensehandel.
- In dieselfde jaar word VLU-Mpumalanga tien jaar oud. Die kongres te Graceland, Secunda in Augustus van 2005 is propvol vieringe. Wynbottels word graveer met ons embleem en elkeen kry 'n verjaardagkoek met 'n vonkelstokkie in.



VLU lede maak 'n verskil

- Tydens kongres 2006 te Riverside Middelburg, dra almal swart strikkies as deel van die bewusmakingsveldtog oor misdaad. Tydskrifte word versamel en letterlik bakkievragte vol word versprei na skole.
- In 2009 dink ons aan ons dierenvriende en word kos en komberse ingesamel wat oorhandig is aan die DBV.
- Tydens die kongres van 2010 word fondse, ingesamel ten bate van Solidariteit se Tassieprojek, aan hulle oorhandig. Die bedrag beloop R62000.00



VLU laat ons lag

- UB-vergaderings is op verskeie plekke gehou en elke keer was dit sommer ook 'n spanbou geleentheid. Ons kuier in die Bosveld, die Laeveld en die Hoëveld. Ons braai self, ry self en skink self.
- Santa Kruger is die polisiekoffie spesialis.

Gedurende die jare het baie vroue my aangeraak en besiel. Van hulle is nie meer met ons nie, maar ek wil graag erkenning aan hulle gee:

Nellie Cullen, Dora van der Merwe, Marie Venter, Pieta van Vreden, Baby Jacobs, Hessie van der Westhuizen, Annatjie de Beer.

Ook kan ek nie genoeg dankie sê aan: **Nesia de Beer, Elsabey Luus, Anphia Grobler, Bokkie Badenhorst en Mandie Steenkamp nie. Elke liewe lid van VLU was vir my kosbaar.**

Henrietta Schoeman



BO: UB -lede op 'n wildrit

REGS: Tjoekie Nel en Nesia de Beer braai vleis



Ons gesels met Mandie Steenkamp



President VLUM
2008 tot 2010

Mandie is 'n persoon wat doelbewus verantwoordelik leef en hoop dat sy met haar voorbeeld dit na ander kan oordra. Sy beskryf haarself as volg: "Ek het 'n vrolike geaardheid en nikks kan my vir te lank onderkry nie. Ek voel bietjie skaam oor my galge humor! Verder is die lekkerste plek in my huis my kombuis, maar my naaldwerkmasjien en hekelpenne gaan darem ook nie te veel stof op nie. Ek het 'n swak vir mooi breekgoed en ek het ALTYD geld vir 'n boek en skoene. Dan pak ek ook maklik my tas en spring in as 'n wiel draai of 'n vliegtuig vlieg. **My spesiale wens: dat ek saam met my man, Sias, stokoud kan word en dat ons die voorreg sal hê om ons seun Juan te sien trou en kleinkinders sal kan bederf."**

Mandie sluit in 1986 aan by VLU waar sy verskeie kursusse doen in koekversiering en blommerangskikking asook haar beoordelaarsdiploma in drie afdelings verwerf. Sy dien op takvlak as vise-voorsitter en daarna het voorsitterskap van Veldblomtak gevolg, 'n aandtak wat ongelukkig intussen gesluit het. A.g.v. haar onderwysberoep verskuif sy tussen takke om haar skoolpligte en VLU-betrokkenheid te kon inpas. In Kosmosstreek het sy Bonsoirtak gestig en was hul voorsitter toe sy in 2005 as streeksvoorsitter van Kosmosstreek verkies is.

Met kongres 2010 in Middelburg is Mandie verkies as nuwe VLUM-president terwyl sy ook nog die streeksvoorsitter vir Kosmosstreek was. Sy kon eers in Maart 2011 na vyf jaar uit die pos tree en daarom is kongres in 2011 verskuif na Augustus 2011. Nege jaar later word dit steeds in Augustus en by Hazyview aangebied.



BO: Mandie word president, Heleen Ehlers wens Mandie geluk.



Mandie was slegs twee jaar in die stoel, van Mei 2010 tot Augustus 2012 en moes uittree vanweë gesondheidsredes.

"n Blommetoer deur Namakwaland in September 2010 vir VLUM-lede was 'n wonderlike hoogtepunt.

Daarna volg die ACWW-area-konferensie in Lesotho in 2011 met die tema: "Women walk the world" waar ek ons organisasie met trots verteenwoordig.

Saam met Henrietta Schoeman, wat toe SAVLU-presidente was, het ek gehelp met die uitsorteer van resepte vir ons Spog SAVLU-resepteboek. Dit was kort na my verkiesing in 2010 en 2011 sodat die boek met Vrouedag op 9 Augustus 2011 vrygestel kon word.

Ek het verskeie bakkursusse in my streek aangebied en die bekende "Mandie-kombers" is destyds (lank voor Pinterest) deur my onder lede en takke gewild gemaak. Die idee van die kombers het ek tydens 'n besoek/reis aan die VSA gesien, en dit toe saam teruggebring.

Die SAVLU-roos was my breinkind. Aanvanklik het ek dit vir VLU-Mpumalanga probeer reël, wat egter te klein was vir dié groot moeite van 'n spesiale kwekking te doen. Met Henrietta Schoeman se hulp is dit toe wel goedgekeur vir h SAVLU-Roos. Ek is nou nog trots op ons pragtige roos en tien roosbome prunk in my tuin. Die onthulling van dié roos was met 'n geleentheid by die Voortrekkermonument.

REGS: SAVLU 80 jaar
Bekendstelling SAVLU Roos



'As jong vrou wat 1986 aangesluit het, het ek nooit besef watter invloed die organisasie op my sou hé nie.

"As jong vrou wat 1986 aangesluit het, het ek nooit besef watter invloed die organisasie op my sou hé nie. Dit was in sekere opsigte vir my lewensveranderend. **Ek het my voorgangers en mentors soos Elaine Bosman en Bokkie Badenhorst bewonder en nooit geweet dat dit ook in my steek om te volg in hul spore nie.** Daar was egter baie ander mentors wat my as mens gevorm en geskaaf het. Ek het tot volwaardige VROU en mens gegroeи vir die feit dat ek blootgestel was aan werksklasse, kursusse, bestuurspligte en sprekers van formaat. **Dit was ook 'n leerskool en voorreg om saam met andere te kon reël, organiseer en saamwerk.**

In swaar en hartseertye was VLU al vir my 'n toevlug en het ek dikwels huiswaarts gekeer met 'n ligter gemoed.

Wonderlike, lewenslange en ooprechte vriendskappe is gesmee en my hart se wens is dat ek elke vrou wat ek ken, aan hierdie organisasie kon blootstel. Ongelukkig sluit te min jong lede vandag aan.

Geluk aan ons harts-organisasie VLUM met die 25ste bestaansjaar en mag daar nog soveel geseënde jare vir ons voorlê.

Mag VLU-Mpumalanga voortbou op die hoë standaard en voorbeeld wat in die verlede aan hulle gestel is en mag die Here se seën altyd op ons organisasie rus."

Mandie Steenkamp



Uittrede 2012 saam met opvolger Rina Potgieter

REGS: Mandie bied opleidingskursus aan in Belfast

ONDER: Mandie Steenkamp en Henrietta Schoeman



Mandie Steenkamp geniet kongres



Lesotho ACWW Konferensie



BO: Lesotho ACWW met Annatjie de Beer een Elbie vd Schyff



Ons gesels met Rina

Potgieter

Rina deel die volgende oor haarself:

"Job description": Rina is tans 'n ouma-mamma-juffrou wat die voorreg het om baie nou betrokke te wees by haar drie kleindogters se grootwordtyd. Sy geniet elke oomblik daarvan en besef weer eens dat die Here se tyd altyd reg is. Haar ampstermyn was klaar toe die dogtertjies haar nodig gehad het.

Gunsteling blomme: Haar gunsteling blommetjies is kappertjies, pronkertjies en gesiggies.

Ek hou nie van: Sy is glad nie lief vir strykwerk en 'gim' nie! Sy hou glad nie van onmin nie, ook nie wanneer iemand vir haar jok en dan dink sy sal dit nie agterkom nie.

Ek hou van: Teedrink saam met spesiale vriendinne is voedsel vir haar siel.

Stokperdjies: Rina het nou weer eie-tyd om dinge waarvan sy hou te doen, soos borduur.

Ontspanning: Rina geniet die rustigheid van die natuur, rustige musiek en sal nooit nee sê vir 'n lekker stukkie kaaskoek nie!




FOTO 1: Rina en Hykie Berg

FOTO 2: Ontvang oorkonde van Tharina Rossel in 2018



26 | Communiqué Lente 2020 | Ons vier 25 jaar!



President VLUM
2012 tot 2018

Oor haar tydperk as president sê Rina die volgende:

"My tydperk as presidente het gestrek van kongres 2012 tot kongres 2018. Ek het heerlik saam met my bestuursspanne gewerk en dit was verrykend om te kon ervaar hoe elkeen haar uniekheid ingespan het om net haar beste te gee vir ons organisasie. Hierdie spesiale vroue het my baie ondersteun en so ook my presidente voorgangers.

Toek in 1996 by die VLU aangesluit het, het daar 'n nuwe wêreld vir my oopgegaan. Die prentjie wat ek in my kop gehad het van VLU, was totaal anders as die werkelikhed. Uit respek vir tannie Ria Kritzinger wat my saamgenooi het na 'n byeenkoms, het ek gegaan (al wou ek nie eintlik nie) en het heel agter gaan sit om alles eers mooi uit te kyk! Gou het ek besef dit is die plek waar ek wil wees en waar elke vrou moet wees en het my vriendinne saamgenooi. Ek het elke geleentheid aangegegryp om die organisasie te leer ken en het in verskeie ampte gedien.



3



4

FOTO 3: ACWW AREA CONFERENCE 2014 te Modimolle

FOTO 4: Ernstig aan die dink!

FOTO 5: Rina by Embleem van VLUM met leuse



"Ek het heerlik saam met my bestuursspanne gewerk en dit was verrykend om te kon ervaar hoe elkeen haar uniekheid ingespan het om net haar beste te gee vir ons organisasie."



BO: Indië en Dubai 2013 by ACWW Byeenkoms

ONDER: Pret tydens besoek aan Binnelanders Ateljee



LINKS:
Trots Suid-Afrikaans!
ACWW te Indië



VLU bied soveel geleenthede om vaardighede aan te leer en te deel, om ander en ook jouself op te hef, om lewens te verryk, mensekennis op te doen, jouself te leer ken, jouself bietjie te waag...en te wen!

Ek het gedoen wat ek geniet het en stadig maar seker het die Here die pad vir my voorberei om die voorreg van presidente te kon ervaar en te geniet. Om die ere-presidente toekenning in 2019 te kon ontvang, was 'n groot eer en ek kon terugkyk na 'n wonderlike verrykende tyd met mooi herinneringe.

Daar was vele hoogtepunte, nie maklik om uit te sonder nie.

- WBPV-konferensie 2013 in Indië en elke WBPV se Suider-Afrika Area-konferensie wat ek kon bywoon.
- Toekenning vir VLUMP se betrokkenheid by Mpumalanga Landbou.
- Lede se passie en entoesiasme vir VLU by konferensies en kongresse.
- Elke konferensie, kongres en ander geleenthede wat ek kon bywoon.
- Om vise-presidente van SAVLU 2013-2018 te kon wees.
- Die spanbougeleenthed op eie koste na die TV-program Binnelanders se ateljee!

VLU is 'n leerskool op alle terreine van die lewe. **Dit het aan my die geleenthed gebied om al my vrouwees talente te ontgin en te geniet.** Vriendskappe met baie spesiale vroue wat dieselfde belangstellings en waardes het, het my lewenspad verryk en bygedra dat ek as mens kon groei op die pad wat die Here vir my bestem het. VLU bied soveel geleenthede om vaardighede aan te leer en te deel, om ander en ook jouself op te hef, om lewens te verryk, mensekennis op te doen, jouself te leer ken, jouself bietjie te waag...en te wen! Dit het my laat besef om elke dag te doen wat my hand vind om te doen, in myself te glo en nie myself te onderskat nie. Binne my VLU-vriendinnekring kon ek met sage oë na ander kyk, altyd nederig bly en myself waardig ag. Ek het ook geleer om nie toe te laat dat ander jou van stryk bring nie - nie met 'n kyk of met woorde nie!

VLU het my opnuut die uniekheid van elke vrou laat besef en dat daar soveel vroue is wat hunker na erkenning.

Rina Potgieter



Ons gesels met Cindy Coetzee

My VLUM-loopbaan begin 22 jaar gelede en 'n hele nuwe wêreld het voor my oopgegaan.

Ek is verkies as Meyersbrug se sekretaresse, daarna as takvoorsitter en die groot voorreg om as Kosmosstreek se voorsitter verkies te word, het my te beurt gevall in 2011.

Ek het ook Magrietjietak gestig – die jongste tak in Kosmosstreek.

Op uitvoerende vlak het ek gedien as vise-president waar ek verantwoordelik was vir die metaal, Facebook en webblad en in 2018 word ek verkies as President van VLUM.

My streeksvoorsitterjaar is afgesluit met 'n groot hoogtepunt: die aanbied van 'n provinsiale kookkompetisie met ALZU-Eiers.

De bywoning van SAVLU-Kongres in Namibië te Windhoek in 2018 en my eerste amptelike bywoning as VLUM-president rondom die Ronde Tafel was 'n lewendige leerproses.

Bywoning van die Area Konferensie WBPV te Melbourne Australia 2019 was 'n groot voorreg en hoogtepunt. Om as afgevaardigde te kon stem vir drie



Huidige president
van VLUM

kandidate uit ons pragtige land, het almal uit Suid-Afrika breëbors laat pronk.

Die eerste kongres wat ek aangebied het as president in 2019 sal my ook lewenslank bybly. **Die hoogtepunt was toe Tannie Elzebé Brits minute voor kongres begin, my omhels het en hardop vir my, die lede en die kongres gebid het.**

Die verbintenis wat ons met Metson@Home tuinprodukte gesluit het om hulle produkte eksklusief te verkoop en so takke en streke se fondse aan te vul.

COVID-19 het ons gepootjie, maar die kookkompetisie met Oja-Farms sal beslis voortgaan.

Ons het COVID-19 uitgeboul met 'n pragtige nuwe selfoon-vriendelike Communiqué en splinternuwe webblad waarop verskeie informasie beskikbaar is vir lede -byvoorbeeld die ouer weergawe Handleidings asook VLUM-grondwet. Besoek gerus www.vlumpumalanga.org



FOTO 1: ACWW Melbourne

FOTO 2: Kongres 2018 Kerspret

FOTO 3: Cindy oorhandig 70- jaar diensknopie aan Ezebe Brits



'n hele nuwe
wêreld het
voor my
oopgegaan.



Ek geniet VLU en put groot vreugde uit die bywoon van VLU-geleenthede.

VLU is my uitgebreide familie. Hier het ek as'n groentjie en jong vrou baie geleer, gegroei, mensekennis opgedoen, my grense van kennis en vaardighede verbreed en veral geleer om die doelpale te skuif, nie in 'n gemaksone te verval nie en elke moontlike geleenthed wat voorkom aan te gryp. VLU het my oog vir detail ontwikkel, my geleer om fyner te kyk na wat ek in my inkopiemandjie pak en sodoende nooit tevreden te wees met tweede beste nie.

Ek is 'n ma van drie manne, waarvan die jongste twee, 'n tweeling. Dan is ek geseënd met twee pragtige kleindogters waarop ek dolverlief is.

Ek is resultaat gedrewe en vertrou volkome op die mense rondom my om hulle kant te bring, sonder om oor hulle skouers te loer. Ek luister graag na my voorgangers om my gedagteproses te help.

Met 'n positiewe uitkyk op die lewe, kry dinge my nie sommer maklik onder nie, bowenal probeer ek altyd deur Jesus se oë na mense te kyk.

Ek put my energie uit bome en die natuur en is daar is min dinge lekkerder as 'n "roadtrip" saam met VLU-vriendinne of familie.

My lewe sou soveel armer gewees het sonder VLU se liefde en omgeeharte. Dankie vir die voorreg om trots VLUM se presidente te kan wees, die besondere taak hou my nederig en laat my wyer kyk as my eie klein wêreldjie. VLU-Mpumalanga se lede en belang sal altyd my grootse inspirasie wees!

Cindy Coetzee

"VLU is my uitgebreide familie. Hier het ek as'n groentjie en jong vrou baie geleer, gegroei, mensekennis opgedoen, my grense van kennis en vaardighede verbreed en veral geleer om die doelpale te skuif, nie in 'n gemaksone te verval nie en elke moontlike geleenthed wat voorkom aan te gryp."



4



5

FOTO 4: Alzu cook off Kompetisie
FOTO 5: Kongres 2019
FOTO 6: Cindy en Kleindogters



6

Huldeblyk

*aan Ann Goslin van SANCU
en Mabel Moya van ACWW*



ANN GOSLIN

*oorlede 31 Augustus 2020,
van die Uitvoerende Bestuur van SANCU.*

Hierdie is 'n gesamentlike huldeblyk van die Uitvoerende Bestuur van SANCU.

Ann Goslin was SANCU se sekretaresse vir die afgelope 20 jaar en ook 'n baie goeie vriendin van ons elkeen.

Ann het die verbruiker en die verbruiker se uitdagings verstaan. Sy het altyd meer as haar deel gedoen om 'n probleem te help oplos. Niks was te veel moeite vir haar om te verseker dat die belang van die verbruiker beskerm word. 'n Opdrag aan haar was nooit te groot of te onbeduidend om aan te spreek nie. Sy het altyd respek betoon wanneer sy met mense gepraat of onderhandel het en sodoende het sy ook respek afgedwing.

"Ann made me, a girl from the "platteland", feel at home, from the first time that I met her. She became my hero, after solving a problem that I had with my medical insurance".

Ek sal altyd haar vriendelike geaardheid onthou. Sy was altyd professioneel tydens vergaderings en het haar inligting met almal gedeel. Haar heengaan sal 'n baie groot leemte laat by SANCU.

I allways admired Ann's filing abilities. She had an excellent memory.

She exelled in organizing meetings.

I will miss our lunches, the jokes and lots of laughs.

Ann and I discovered that we both loved to do handcrafts. I will miss our breakfast conversations.

Ann se persoonlikheid het mense na haar toe aangetrek en sy was 'n vertroueling vir baie van haar kollegas en ook ander wat haar pad gekruis het.

Ann was 'n baie spesiale mens en haar nagedagtenis sal bly voortleef in ons harte, ons sal haar nooit vergeet nie.



VLUM betuig hiermee hul simpatie met die familie van Mabel Moya van Zimbabwe, voormalige area-president van ACWW wat in Julie oorlede is aan diabetes en hartprobleme.

MABEL MOYA

ACWW

GESKRYF DEUR IRENE KEET

Kongressake Kongres() wenner^s 2020

Baie dankie aan elke streek/organisasie se Beoordelaarsameroepster wat haar lede aanmoedig om deel te neem... altyd daar is om navrae te antwoord en die beste belang van haar streek op die hart dra.

Dankie vir julle geduld met lede asook julle passie vir die amp van Beoordelaar Sameroepster. Dit is beslis een van die warmer stoele om op te sit en ek spreek my waardering ook uit teenoor die streekvoorsitters om hulle Beoordelaar Sameroepsters te respekteer en haar toe te laat om haar -haar werk te laat doen na die beste van haar vermoë.

Elkeen sit op haar eie stoel en doen haar eie werk met groot passie en ywer.

Baie geluk aan die wenners, elke lid wat deelgeneem het, asook die beoordelaars wat elke artikel met respek en waardering hanteer het.

VLIJIM Liefde
Cindy

Lede - Finale plekke Top 5

Plek	Naam	Tak	Streek	Totaal
1ste	Maryna Hartman	Secunda	Hoëveld	542
2de	Maretha Middel	Devon	Hoëveld	375
3de	Marietjie du Toit	Magrietjie	Kosmos	364
4de	Margit Maré	Lebombovallei	Malieveld	330
5de	Elbie vd Schyff	Saligna	Tambuki	322

Streek Totale

Plek	Streek	Totaal
1ste	Kosmos	3197
2de	Tambukie	3151
3de	Malieveld	3055
4de	Hoëveld	2869
5de	Carpe Diem	2689
6de	Suikerbos	1331

Tak Totale

Plek	Tak	Totaal
1ste	Devon	1196
2de	Lebombovallei	1023
3de	Secunda	825
4de	Piet Retief	669
5de	Magrietjie	659



Beoordelingspan Kongres-artikels 2020

Kongressake BEOORDELAARS

verslag

2020 is 'n baie spesiale jaar met groot uitdagings. Niks is normaal aan hierdie jaar van Covid-19 nie.

1. OPLEIDING:

Opleiding vir voornemende beoordelaars sou plaasgevind het in September 2020. As gevolg van die grendeltydperk wat so lank is, en ons ook nie weet wanneer ons grendeltyd oor grense opgehef gaan word nie, is opleiding uitgestel na 2021.

2. KOMPETISIE DEELNAME

2.1 Geborge kompetisie

Oja-Soja se resepkompetisie staan oor na 2021.

2.2 Kongres 2020

Die normale kongres vind nie plaas in 2020 nie. Die kompetisie-artikels is beoordeel deur ons eie provinsie se beoordelaars. Dit is 'n groot voorreg vir die beoordelaars om op kongresvlak te beoordeel en die beoordelaarsspan het baie goed saamgewerk.

2.3 Beoordeling

2.3.1 Masjienvwerk: Toerygwasgoedsak

27 Inskrywings



Spesiale plek	Magriet Burger	Querida	Malieveld	90%
2 de Plek	Mariet van Rensburg	Belfast	Suikerbos	85%
3 de Plek	Louise van Wyngaard	Barberton	Malieveld	84%

Beoordelaarsverslag:

'n Baie suksesvolle artikel. Appliekwerk deurgaans redelik suksesvol en uniek met goeie beplanning. 'n Kursus of twee kan meer sukses aan 'n artikel bring. Materiaalkeuses skep probleme en bemoeilik sukses. Sintetiese stowwe

word verkeerdelik gebruik. Naaldgebruik moet ook na gelet word.

Beoordelaars: Alice de Beer en Lenie Groenewald



2.3.2 Handborduurwerk: Stekeboek

19 Inskrywings



1 ste Plek	Maureen van de Walt	Finesse	Malieveld	85%
2 de Plek	Frances Theron	Magnolia	Carpe Diem	84%
3 de Plek	Santie van der Merwe	Flamboyant	Malieveld	82%

Beoordelaarsverslag:

Kompetisie deelname nie baie gewild. Algemene probleem blyk verkeerde keuse van borduurstof en borduurdraad te wees. Konstruksie van stekeboeke was 'n probleem. Bladsye verskil of word skeef vasgework. Borduurwerk slaan deur as gevolg van voerings wat ontbreek. Borduursoort en borduurstof is nie deurgaans korrekte pasmaats nie. Algemene afronding van boekies nie geslaagd nie. Geen kralewerk was toelaatbaar nie. Pragtige fyn borduurwerk vertoon baie netjieser teenoor groot lomp borduurwerk. Baie geluk aan al die deelnemers.

Beoordelaars: Carien Schabot en Anphia Grobler



2.3.3 Borduurmasjienwerk - Ontdekboekie vir 'n kleuter

6 Inskrywings



1 ste Plek	Annatjie Snyman	Swartgoud	Kosmos	82%
2 de Plek	Anita Hugo	Willie Hamman	Kosmos	81%
3 de Plek	Petro Botha	Hibiscus	Suikerbos	78%

Beoordelaarsverslag

Baie interessante gebruik van verskillende tekture en ontdekkings uitgebeeld. Artikels is baie geslaagd, alhoewel baie tegnieke nie so geslaagd is nie. Dames het mooi artikels gemaak wat baie ure se werk is. Rond artikels mooi af. Lees asseblief die vereistes. Jammer dat groottes oorskry is.

Beoordelaars: Marina Hattingh en Isobel Geyser



2.3.4 Handbreiwerk - Beret vir 'n dame

28 Inskrywings



Spesiale plek	Jeanne-Louise Swart	Devon	Hoëveld	94%
2 de Plek	Mariëtte Bester	Soireè	Carpe Diem	93%
3 de Plek	Elize Oosthuizen	Nocturne	Carpe Diem	92%

Beoordelaarsverslag

Baie dankie vir al die mooi inskrywings. Verskeidenheid van verskillende berette. Goeie gebruik van patroonsteke. Kabels tot gewone koussteek gebrei wat goed uitgevoer is, was indrukwekkend. Goeie gebruik van kleur. Die parswerk ontbreek by berette. Let ook op na party van die berette wat fleur verloor as gevolg van oorparsing.

Werksgehalte en konstruksie bly maar 'n probleem veral by die spanning wat baie slap voorkom, veral by die gebruik van verskillende patroonsteke op een beret. Onegalige spanning kom voor by vermeerdering en verminderung, afheg en aanheg – altyd in 'n patroonsteek. Let op na die tipe breidraad. Kwaliteit maak tog 'n verskil.

Baie goeie beret style. Baie dankie vir die deelname. Baie geluk aan elke lid en baie baie geluk aan die wenners.

Beoordelaars: Debbie du Plessis en Helena Joubert



2.3.5 Hekelwerk - Polssierband

25 Inskrywings



1ste Plek	Stella Bornebroek	Magnolia	Carpe Diem	89%
2de Plek	Frances Theron	Magnolia	Carpe Diem	85%
3 de Plek	Pat Venter	Meyersbrug	Kosmos	80%

Beoordelaarsverslag

Baie hoë gehalte. Regtig interessante patronen en krale oral goed ingeskakel. Party artikels se krale met een draadjie vasgehekkel. Knoopsgate nie omgehekkel nie – knope trek maklik uit. Parswerk benodig aandag.

Beoordelaars: Mariana Bowker en Anna-Marie Venter



2.3.6 Handvlyt - Koordkuns

30 Inskrywings



Spesiale plek	Belinda Duvenage	Delmas	Carpe Diem	91%
2de Plek	Margit Marè	Lebombovallei	Malieveld	90%
3de plek	Marcia Keen	Bonsoir	Kosmos	88%

Beoordelaarsverslag

Baie dankie dat ek kon beoordeel. Dit was 'n voorreg om met die dames se handewerk te werk. Oor die algemeen was die inskrywings goed. Min dames het gewaag om in dimensies te werk. Die spykers bly 'n probleem, tog was daar artikels met perfekte spykers. Daar was een artikel wat te groot was. Hier en daar was die afwerking nie netjies nie. Gom is ook 'n probleem. Oor die algemeen kon ons sien dat die dames hierdie kompetisie geniet het.

Thanks for giving me the privilege of judging with one of my "success" pupils. Quality very good on the whole. As above but just feel that the thicker thread would be more effective. Beware of designs that are not properly designed. Well done ladies – VERY proud of you. Please keep up the good work

Beoordelaars: Sunette Barnard en Robyn Schmidt



2.3.7 Fotografie - Hande met emosie

26 Inskrywings

Spesiale plek	Carien Schabot	Platrand	Tambuki	90%
2 de Plek	Anria Benade	Bonsoir	Kosmos	88%
3 de Plek	Judy Gelderblom	Barberton	Malieveld	85%

Beoordelaarsverslag

Oor die algemeen is die tema goed uitgebeeld. Foto's is mooi skerp en beweging en beligting is goed hanteer. Van die foto's is kleiner as voorgeskryf, maar nie daarvoor gepenaliseer nie. Diepte van veld kan verbeter.

Baie dankie vir die geleentheid wat vir my gegee is om deel van julle fotografie-kompetisie te kan wees. Baie geluk aan almal wat deelgeneem het. Julle is welkom om my te kontak vir enige vrae wat julle mag hê.

Beoordelaar: Peter Cavanaugh (082 929 4755)

2.3.8 Skets - Sonsopkoms/Ondergang

23 Artikels

Spesiale plek	Elbie vd Schyff	Saligna	Tambuki	98%
2 de Plek	Jana Risseeuw	Willie Hamman	Kosmos	90%
3 de Plek	Corrie Ludwig	Willie Hamman	Kosmos	90%

Beoordelaarsverslag:

Baie dankie vir die voorreg om die werk te kon beoordeel. Dit is 'n riem onder die hart dat daar soveel mense is wat hulself kreatief stimuleer.

Die werke was baie netjies gemonteer en goed afgerond. Die meeste kunstenaars het met 'n sterk swart silhouet

gewerk teenoor 'n eenvoudige sonsondergang. Hierdie tema is 'n suksesvolle onderwerp omdat dit maklik uitvoerbaar is.

Ek dink egter dat die deelnemers in vervolg meer gewaagd kan wees en nie te eenvoudige onderwerpe moet kies nie. Hoe meer daar is om te skilder in 'n verwysingprent, hoe beter, interessanter en meer uitdagend.

Die kunswerke wat wel baie hoë punte verwerk het, het bietjie die grense verskuif van eenvoudig silhouet na 'n meer deurdagte tema/onderwerp.

Die deelnemers het oor die algemeen nie 100% by die integriteit van hulle medium gebly en in dun lae gewerk nie. Sommige kunswerk kon amper voor as gouchè werke, waar die pigment sterk en met min water aangewend is. Waterverf se karakter lê in die vele dun lae wat bo-oor mekaar aangewend word om vlakke te skep.

'n Mens moet ook liefs nie tot op elke hoek en kant van die papier werk met waterverf nie. Los oop leë ruimtes wat die fokus terugbring na die onderwerp.

Beoordelaar: Tertia Jacobs

3.9 Prosa - Die tandemuis

27 Inskrywings

Spesiale plek	Alta Roux	Hendrina	Kosmos	92%
2 de Plek	Joelene Caldeira	Lebombovallei	Malieveld	90%
3 de Plek	Linda Rörich	Azaria	Carpe Diem	88%

Beoordelaarsverslag

Dit was vir my 'n baie groot voorreg om die nasienwerk van die finale rondte se skryfstukke te behartig.

Baie dankie vir die voorreg en geleentheid. Vir my sal die tandemuis nooit weer dieselfde lyk, optree, en wéés nie!

Bevinding:

- Wat die inhoud en beplanning betref, was dit opvallend dat die meeste van die skryfstukke goed beplan is en daarom 'n samehangende eenheid gevorm het.
- Enkele skryfstukke het heelwat los drade/los gedagtes gehad wat nie in die slot van die skryfstuk vasgeknop is sodat 'n samehangende eenheid verkry is nie. Dit is besonder jammer, want dit beïnvloed 'n mens se evaluering van die skryfstuk.
- Die respons was, op enkele gevalle na, besonder kreatief, vars, nuut en effektiel!
- In enige skryfstuk van verhalende aard behoort daar 'n interessante kinkel in die kabel te wees wat bydra tot die afgeronde eenheid. Dit verg natuurlik kreatiwiteit – en dit was nie in al die skryfstukke teenwoordig nie. Uiteraard beïnvloed dit nie die evaluering só baie nie, maar dit dra tog by tot die treffende aard van die skryfstuk. Bly die verhaal/besonderhede/gebeure 'n mens by? Stem dit jou tot nadenke?
- By die beoordeling van die inhoud was die volgende vir ons belangrik: respons - hoe goed? Hoe kreatief? Hoe treffend? organisasie van gebeure – hoe verloop

die storie? Is daar in die bou van die skryfstuk 'n hegte eenheid? Dra die inleiding, hoofdeel en slot by tot 'n afgeronde eenheid?

- Wat taalgebruik betref, het ons die volgende oorweeg (ook na aanleiding van die riglyne wat deur die VLU verskaf is):
- Toon, styl, register en woordeskat – is dit gepas vir die doel? Is die taalgebruik effektief?
- Grammatika en spelling – is die taalgebruik korrek. Is daar spel- en leestekenfoute?
- Ten slotte het ek aandag gegee aan paragrafering en hoe dit gedoen is.
- Om werklik reg te laat geskied aan so 'n kompetisie, het ek 'n kollega wat Afrikaans Huistaal vir Gr. 12's onderrig, gevra om my beoordeling van die skryfstukke te verifieer. Wat die eerste sewe plekke betref, het ons punte en indrukke 100% ooreengestem: die briefie aan oom Colgate het ons werklik beïndruk, want dis vars, oorspronklik, anders – en die woordspeling met "tandmuis" en "kerkmuis" was uitstekend!

ENKELE AANBEVELINGS:

1. Inhoudelik is 'n mens se oorspronklikheid/kreatiwiteit so wyd soos die Here se genade! Gebruik dit, maar maak seker dit dra by tot 'n hegte geheel wat handel oor die "tandmuis".
2. Enige verhaal, spesifiek oor die tandmuis, is aanvaarbaar – soos bv. die teks wat handel oor 'n mamma wat haar honde se tande versorg (by gebrek aan kinders) sodat die tandmuis vir hulle iets lekkers kan bring.
3. Bly by die onderwerp.
4. Wat taal betref, was enkele foute opvallend:
5. Die gebruik van direkte rede is plek-plek nie korrek gedoen nie. Kyk na paragrafering wanneer direkte rede gebruik word.
6. Kyk na die hantering van tyd: indien 'n mens in die teenwoordige tyd skryf, moet alles in die teenwoordige tyd wees. Dis onlogies wanneer een paragraaf/sin in die teenwoordige tyd, en 'n volgende in die verlede tyd aangebied word.
7. Leestekengebruik is plek-plek nagelaat. Ook was die spasiëring by die gebruik van leestekens 'n probleem. (Ek het gemeen dis te wyte aan rekenaargebruikfrustrasies?)
8. 'n Teks wat vir 'n kompetisie ingeskryf word, behoort tot 'n groot mate spelfoutvry te wees. Ons het almal woerdeboeke byderhand.
9. Veral wat die los- en vasskryf van woorde betref, was daar heelwat foute. Die geheim is: in Engels skryf ons woorde hoofsaakklik los, maar in Afrikaans is dit hoofsaakklik vas! (Die tandmuis huisie is tog EEN ding, daarom moet dit een woord wees, nl. tandmuishuisie.)
10. Die afwesigheid van idiomatiese taal het my opgeval. Slegs enkele skryfstukke het moeite gedoen om idioome en retoriiese middele te gebruik. Dit is altyd besonder effektief en verhoog onmiddellik die kwaliteit en

trefkrag van die skryfstuk.

11. Kyk na die gebruik van hoofgedagtes en organiseer dit in afsonderlike paragrawe. 'n Korter paragraaf, 'n eenwoord- of eensinparagraaf is soms baie suggestiever/beeldender/veelseggender as 'n langer paragraaf.

Nogmaals baie dankie vir die voorreg! Sterkte vir 'n volgende skryfkompetsie!

Baie geluk aan die wenners!

Beoordelaar: Friena Scholtz

Kerkstraat 1
Die Groot Kerk
Kleindorp
0001

Lieve oom Colgate

Ek wil Oom 'n groot guns vra.

**Sal julle groot asseblief julle tandepasta nié so goed maak nie?
Ek weet julle probeer die heel beste tandepasta maak – die beste in die hele, wye wêreld - want ek weet julle het sóveel mense wat by julle werk en salarisso moet kry, maar dink asseblief ook aan ons arme tandemuse?**

Ai oom Colgate, ons muise het nog al die jare vir ons die mooiste huisies gebou met die mense se tande! As die tande gaan in gehad het, het ons blommetjies daar geplant, en as dit gebreek was, het ons dit op die dak gebruik. Gekleurde tande is gebruik vir die vloere, want dan smeer ons muisvoetjies nie die vloer so maklik vuil nie.

Ons het kiestande gebruik vir die onderste deel van die mure, want kiestande is groot, pak maklik en kan gewig dra. Die snytande het ons gebruik vir die boonste deel van die muur en oogtande het ons gebruik vir deurkosyne. Voordat 'n muismannetjie kon trou, moes hy 'n huisie bou vir sy muisbruidjie en die aand voor die troue is die huisie met 'n groot kaaspartytjie ingewy. Die muisbruidjie moes onder groot gevaar die kaas uit muisvalletjies gaan steel – dit was haar bydrae tot die huwelik. Dit was 'n yslike opskop!

Maar, oom Colgate, nou maak julle die tandepasta só goed, dat ons arme muise nie meer tande kry nie! Hier en daar 'n ou melktandjie, maar melktandjies is só klein, ons kan dit net vir binnemure, wat nie gewig dra nie, gebruik. Die mense verloor nie meer hulle tande nie, en ons hele muis-tradisie is besig om te sneuwel. Daar is net nie meer genoeg tande om mee te bou nie! Ons is skat-skat-skatryk, want ons soek en soek, maar ons kry nie meer skoene met tande in onder die beddens nie! Ons muiskinders trek in 'shacks' in en maak hulle kinders daar groot, want ons kry nie boumateriaal nie.

Ek en my muisgesin was een van die gelukkiges – ons is nou kerkmuse. Hier kry ons nog meer geld wat uit die kollektebordjies val en in die ry afrol, maar hier is geen boumateriaal nie. Ook nie kaas nie, darem wel baie Nagmaalbrood. Dis gelukkig baie stil hier, net Sondae is raserig.

Asseblief, oom Colgate, dink aan ons arme tandemuse?

Dankbare groete,

Piet Kerkmuis (vroeër Piet Tandemuis)

Kompetisie inligting vir 2021

Masjienwerk

VEELDOELIGE SAK	'n Sak wat gemaak word om vir verskeie geleenthede / projekte te gebruik. Dit is 'n veel-doelige sak..
VEREISTE:	<ol style="list-style-type: none"> 1. Sak moet nie groter wees as 50cmx40cm nie en nie kleiner as 30cmx20cm 2. Ten minste 2 verskillende soorte vasmaakkommels bv ritse, knoop en knoepsgat, ens 3. Verskeie sakkies vir veeldoelige gebruik. Binne en/of buite. 4. Handvatsels is nie deel van die grootte nie.
WENKE:	<ol style="list-style-type: none"> 1. Hierdie is 'n masjienwerkartikel – geen gom mag gebruik word nie. Hoe meer tegnieke jy gebruik hoe meer punte gaan jy kry. 'n Netjies afgewerkte artikel trek altyd die aandag. 2. Gebruik stewege materiaal – Verstewig dit ook waar nodig.
HIERDIE IS SLEGS VOORBEELDE	

HANDVLYT

MODERNE LAPPOP VIR SPEEL	
VEREISTE:	<ol style="list-style-type: none"> 1. Troetelbare menslike lappop vir 'n kind – nie vir 'n baba nie. 2. Kind moet dit maklik kan vashou bv aan die arms of bene/hare. 3. Lappop moet ook aangetrek wees. Klere moet aan- en uittrekbaar wees. 4. Nie langer as 60cm en nie kleiner as 30cm lank nie. 5. Moet wasbaar wees. ('n Kind gaan daarmee speel). 6. Geen geværlike tooisels wat kind kan beseer of skade gee nie.
WENKE:	<ol style="list-style-type: none"> 1. Gesig kan geborduur/geverf ook wees....eie keuse. 2. Dis 'n handvlyt-artikel
HIERDIE IS SLEGS VOORBEELDE – GEBRUIK JOU EIE VERBEELDING EN WEES KREATIEF.	

Kompetisie

inligting vir 2021

BORDUURMASJENWERK

'N RYK VERSIERDE HANDDOEK MET RANDAFWERKING EN BYPASSENDE MOTIEF

VEREISTE:	<ol style="list-style-type: none"> 1. Moet 'n stel van 2 handdoeke wees – Wydte van handdoeke nie kleiner as 48cm en nie groter as 75cm nie. – 2. Borduurwerk kan op linne/suiwer katoenmateriaal gedoen word en dan vasgewerk word op die katoenhanddoekke om dit baie netjies as 'n geskenk te laat vertoon. 3. Dit kan ook direk op die handdoekstof gedoen word. 4. Die patroon is vir 'n volwasse persoon – nie vir 'n kind nie.
WENKE:	<ol style="list-style-type: none"> 1. Gebruik goeie katoenhanddoek kwaliteit. Dubbelkantige handdoekstof is die beste. 2. Suiwer katoen/linne vir borduurwerk werk baie goed – indien jy nie direk op handdoek gaan borduur nie. 3. Beplan en dink baie mooi oor die ontwerp en motief.
HIERDIE IS SLEGS VOORBEELDE	

HANDBORDUURWERK

MENSLIKE FIGUUR(E) VERTEL IETS IN 'N TAMBOREERRAAM	Skeppende borduurwerk waarin tekstuur 'n belangrike rol speel. Dit gee 'n nuwe dimensie in borduurwerk.
VEREISTE:	<ol style="list-style-type: none"> 1. Tamboreerraam grootte: (deursnee) 24 – 29 cm 2. Oppervlaksteke. 3. 20% nie-borduurwerk is toelaatbaar (tooisels) 4. Aanbieding: In die Taboreerraam. 5. Artikel moet netjies, fris en skoon aangebied word. 6. In 'n toeritssakkie aangebied word
WENKE:	<ol style="list-style-type: none"> 1. Handborduurkuns in 'n raam 2. Kreatiewe kleurgebruik 3. Enige borduurstof 4. Verskillende tipes en diktes garings
	

Kompetisie

inligting vir 2021

BREIWERK

STEL VAN 2 AFDROOGVADOEKE	Die artikel moet aantreklik, netjies, modieus wees en 'n professionele indruk skep
VEREISTE:	<ol style="list-style-type: none"> 1. Breidraad: 100% Katoen. 2/3 Kleure kan gebruik word. Geen geskakeerde breidraad nie. 2. Kleursamestellings moet harmonieer met mekaar. 3. Die randafwerking - mooi en netjies wees en dit moet help om 'n goeie fatsoen aan die artikel te gee. 4. Artikels moet binne in 'n toerits plastiese sakkie aangebied word. 5. Dit moet afdroogvadoek grootte wees – 30x45cm
PATROONSTEK:	<ol style="list-style-type: none"> 1. n patroonsteek wat pas by die artikel.
HIERDIE IS SLEGS VOORBEEELDE	

HEKELWERK

STEL VAN 2 PLEKMATJIES IN "MOSAÏEK" STEEK.	Die artikel moet aantreklik, netjies, modieus wees en 'n professionele indruk skep.
VEREISTE:	<ol style="list-style-type: none"> 1. Hekelgaring moet suiwer katoen wees 2. 2 x Kleure moet gebruik word. 3. Kleursamestellings moet harmonieer met mekaar. 4. Patroonsteek: " Mosaïek. 5. Grootte: Nie kleiner as A4 nie groter as A3 nie. 6. Artikels moet binne in plastiese toerits sakkie aangebied word.
WENKE:	<ol style="list-style-type: none"> 1. Wees versigtig vir te dik hekelgare. .Bly weg van multikleur gare 2. Moet nie Mosaïeksteek verwarring met Turkse patroonsteek nie 3. Raadpleeg handleiding
AFWERKING EN AANBIEDING:	Die rand afwerking - mooi en netjies wees - moet goeie fatsoen aan die artikel te gee sodat artikel mooi plat lê.
HIERDIE IS SLEGS VOORBEEELDE	

Kompetisie

inligting vir 2021

KUNS

WIT SKETS OP SWART PAPIER

VEREISTE:	1. Slegs wit potlood/houtskool of wit pastel op Swart sketspapier. 2. Nie kleiner as A5. 3. Moet gemonter wees in A4 4. Moet pas in leêrsakkie
WENKE:	1. Potlood" moet sag wees 1. Oefen, oefen oefen
HIERDIE IS SLEGS VOORBEELDE - GEBRUIK JULLE EIE KRETIWITEIT EN WEES VERSIGTIG VIR PLAGIAAT.	

FOTOGRAFIE

TEMA:	PAD NA NÊRENS
VEREISTE:	1. Grootte – Jumbo 2. Matt – Kleurfoto gemonter A4 3. Moet in A4-leêrsakkie pas 4. Dit moet moontlik wees om op die pad te stap of te ry
HIERDIE IS SLEGS VOORBEELDE	

SKRYFKUNS

KORTVERHAAL	Titel: Niemand het dit verwag nie
VEREISTE:	1. Prosa (Kortverhaal) 2. Minimum 350, maksimum 500 woorde. 3. Goeie spasiëring. 4. Dubbel spasiëring tussen paragrawe. 5. Skrif – Calibri 12 6. Naam van deelnemer agterop vasgeplak in toegevoude papier. 7. Moet in plastiese leêr sakkie aangebied word.

EIENSKAPPE VAN 'N KORTVERHAAL

Inligting gekry uit: X-Kit Essensiële gids vir Afrikaans

Vertelperspektief

Die kortverhaal word vanuit 'n bepaalde perspektief en deur 'n spesifieke soort verteller vertel. Dit gebeur selde dat meer as een verteller aan die woord gestel word.

Ruimte

Die meeste kortverhale speel in 'n enkele ruimte af.

Struktuur

Kortverhale het gewoonlik 'n enkele intrigue.

Eksposisie

Die inleidende gedeelte is gewoonlik kort, of die verhaal begin regstreeks met 'n gebeurtenis of handeling. Dit gee die tyd en ruimte waarin die verhaal afspeel. Die belangrikste karakter(s) word bekend gestel. Die sentrale tema kan reeds in die inleiding gegee word.

'n Gebeurtenis van een of ander aard sluit die eksposisie af en gee aanleiding tot en momentum aan die intrigue. Dit word die motoriese moment genoem.

Ontwikkeling

Die besonderhede van die intrigue is gewoonlik nie te ingewikkeld nie, aangesien die skrywer met 'n kompakte gegewe werk. Die gebeure bou op na 'n klimaks.

Klimaks

Dit is die krisismoment van die verhaal.

Ontknoping

Hierdie gedeelte van die verhaal bring die intrigue tot 'n einde na die klimaks. Dit gebeur kort en kragtig dikwels binne die verloop van een sin. Dit is moontlik dat daar geen ontknopping is nie, baie kortverhale eindig met die krisis, wat 'n knal-effek genoem word. In hierdie gevalle word die ontknopping geimpliseer en die leser moet tot sy/haar eie gevolgtrekking kom.

Die slot in die kortverhaal is dikwels 'n verrassing, skok, of 'n ironiese wending, die sogenaamde kinkel in die kabel, om die kortverhaal 'n besondere trefkrag te gee.

Handeling

Die handeling in 'n kortverhaal kan ekstern(gebeure) of intern ('n emosionele belewing) wees. In laasgenoemde geval is daar eerder 'n dramatiese verandering in hoe die karakter dink en voel as in hoe hulle optree. Omdat alles binne 'n kort tydsbestek gebeur, word gebeure gekonsentreer en kry dit daardeur 'n heftiger impak.

Tema

Net een tema word deurgaans gebruik.

Karakters

'n Kortverhaal het 'n beperkte aantal karakters, of selfs net een.

Mpumalanga Tesouriere

Engela Thompson

SUKSES gaan nie altyd oor geld nie, maar meer oor die feit dat jy jou menslikheid behou deur alle uitdagings.

Gedurende die grendelyk, het ons teen verskeie uitdagings te staan gekom. Een van daardie uitdagings was om uitstaande metaal op datum te kry, aangesien ons verskaffers eers gedurende vlak twee kon terugkeer werk toe. Gelukkig het ons voorstel VLU-lede met uitstekende bakvernuf, glo my vry, 'n paar bottels ingelegde produkte het die werk gedoen. Lang uitstaande metaal is ontvang en sal binnekort op julle skouers pryk.

Neem asseblief die vrymoedigheid om verkleurde metaal aan my terug te besorg.

Verglag

'n Verdere uitdaging in die grendelyk was die invordering van ledegeld. Dankie aan al die verskeie takke se uitstekende samewerking. Vir julle goeie werk, gaan ons nie die ledegeld van 2021 verhoog nie.

Aan al die pragtige VLU-vroue, onthou altyd:

Jy is waardig, mooi, spesiaal, belangrik, geseënd, maar bowenal is jy God se Koningskind.

VLUU Liefde

Engela Thompson

Jaar inligting vir 2021

Tema/Theme	Ek kan! Tree uit jou gemaksone I can! Step out of your comfort zone
Projek/Project:	Wat leer ek my kind/kleinkind? What do I teach my child/grandchild?
Produk / Product:	Blomkool as plaasvervanger vir stysel Cauliflower as substitute for starch
Skrywer / Writer:	Jaco Jacobs
Sanger / Artist	Henry-John Williams
Boom van die jaar 1/ Tree of the year 1	Soetdoring Sweet Thorn
Boom van die jaar 2/ Tree of the year 2	Spekboom Porkbush
Kongresprojek / Congress Project	Bruikbare geskenk vir'n bejaarde Usable gift for the elderly

2021



BOME 2021

VACHELLIA KARROO, SOETDORING, SWEET THORN



'n Soetdoring in blom

Waar die Soetdoring sy naam gekry het, is iets waaroor die kenners nou net nie kan saamstem nie. Sommiges sê dit is omdat hy in soetveld groei, 'n soort veld wat bekend is vir goeie weiding en vrugbare grond.

Ander sê die naam kom van die geur van sy blommetjies of van die soet gom, waaroer nagapies mal is, wat vorm wanneer sy bas beskadig word. In die verlede is die gom onder die handelsnaam Kaapse gom uitgevoer en is dit gebruik in soetgebak en lekkergoed. Dit was iets soortgelyks aan die wateroplosbare 'Gum Arabic', 'n verpoeierde gom wat kunstenaars gebruik om by pigmentte te voeg.



Die blommetjies van naderby
Foto: Wikipedia



Gom en bas
Foto: Random Harvest



Die wateroplosbare 'Gum Arabic' wat deur kunstenaars gebruik word
Foto: Wikipedia

Gebruike

Die soetdoring het 'n belangrike rol in ons land se vroeë geskiedenis gespeel: sy dorings is as naalde in kleremaak gebruik, sy bas as tou, sy hout as omheinings en sy gom as medisyne. Daar word selfs gesê dat destyds natuurwetenskaplikes dié boom se dorings gebruik het om die insekte wat hulle versamel het, mee vas te pen.

Die soetdoring se bas, blare en gom het baie medisinale gebruik, van 'n pap wat gekook word om wonde te genees, tot oogbehandeling, verkoue-medisyne en behandeling vir beeste wat tulpvergiftiging het – dit kom van 'n bolplant (*Homeria spp*), wat giftig is vir vee.

Die bas bevat tannien, wat gebruik is om leer 'n rooierige kleur te gee. Ongelukkig gee dié rooi kleur die leer 'n onaangename reuk. 'n Sterk tou kan van die binneste bas gemaak word wanneer dit nog nat is.

Dorings

Die soetdoring is deel van die Fabaceae-familie en het vir baie jare as *Acacia karroo* bekend gestaan. Vandaag word hy *Vachellia karroo* genoem. Sy dorings is gryserig tot wit en is lank en reguit. In volwasse bome kan die dorings korter wees.

Tegnies gesproke moet die dorings eintlik stekels genoem word omdat hulle ontwikkel uit die vervormde steunblaartjies – die klein, blaarragtige skubbe wat aan die basis van die blaarstiel gesien word.

Die rede hoekom die oorsprong van die dorings so belangrik is, is omdat hulle met die identifikasie van die bome help. Dorings word in vyf hoofgroepes volgens hulle grootte, vorm en posisie aan die boom verdeel.

Gehardheid:

Die soetdoring is 'n geharde boom wat vroegsomer massas soet, geel, kwasvormige blommetjies van 10 tot 13 mm in deursnee dra, wat baie voëls en skoenlappers lok. Die boom groei vinnig en begin blom as hy so twee tot drie jaar oud is.

As hy klaar gebлом het, dra hy sekervormige groen peule wat later bruin en droog word. Die peule begin teen Januarie oopbrek om die saadjes te versprei.

Sy baskleur is rooibrui tot swart en hy het dubbelveervormige, saamgestelde blare.

Die boom word 12 tot 15 meter hoog as hy genoeg water kry. Hy groei vinnig, tot soveel as een meter per jaar, en is bestand teen ryk en droogte. Die soetdoring kan 30 tot 40 jaar oud word. Ongelukkig groei daar 'n hele paar soorte fungi op die boom, wat hom vroeg kan laat vrek.

Wortelstelsel:

Sy wortels bevorder die stikstofgehalte van grond en hy is die ideale boom om te plant in swak of versteurde grond. Oppas net, want 'n soetdoring kan 'n stuk veld maklik begin oorneem. Hy word juis as 'n onkruid in Australië beskou en is as indringerplant daar gelys.

Die soetdoring het ook 'n lang penwortel sodat hy water en voedingstowwe diep onder die grond kan bykom. Dit, en die feit dat die wortels stikstof bevorder, maak dat gras en ander plante in die soetdoring se skaduwee floreer. Soetdorings se wortelstelsel word as indringend beskryf en moet nie naby plaveisel of geboue geplant word nie.

Soetdorings kan van saad gekweek word. Week die saadjes oornag in warm water. As die saadjes begin opswel kan hulle die volgendeoggend in saailingbakke gesaai word. Bedek die saadjes met grond wat klam gehou word. Hulle sal tussen drie en 12 dae daarna ontkiem en die jong plantjies sal goed oorplant, ten spyte van hulle lang pendorings.

BOME 2021

PORTULACARIA AFRA, SPEKBOOM



Jy het al gehoor van 'n spekboom, maar waaroor al die bohaai? Of jy dit nou spekboom of olifantkos noem, hierdie ongelooflike plant met sy helder groen, sirkelvormige blare hoort in elke Suid-Afrikaanse tuin.

Die spekboom (*Portulacaria afra*) bevorder die gehalte van die lug wat ons inasem en help teen klimaatsverandering.

Die spekboom het die vermoë om tussen vier en tien ton koolstof per hektaar in te neem. Dit werk soos 'n spons wat koolstof uit die atmosfeer absorber. Oortollige koolstof in die atmosfeer is verantwoordelik vir aardverwarming, so hoe meer koolstof ons uit die lug kan verwys en in die grond kan terugsit, hoe beter.

Die spekboom is 'n eg Suid-Afrikaans plant

Die spekboom is inheems aan die Oos-Kaap, waar olifante dit as 'n heerlike snoepery beskou.

Dit is waterwys

Die spekboom is waterwys en verg baie min onderhoud. Dis maklik om te kweek, want selfs die blare of stukkies van die plant wat op die grond beland, sal worteltjies maak. Die plant is droogtebestand en kan op 250 tot 350 mm water per jaar oorleef.

Jy kan 'n spekboom eet

Dis nie ideaal om 'n hele bord spekboom op te eet nie, maar dit is eetbaar en het 'n lichte sitrusagtige smaak. As jy ooit daarvan dink om deur die Karoo te stap, kan jy aan 'n blaar van 'n spekboom suig – tradisioneel word dit gebruik om uitputting en dehidrasie te behandel.

Wetenskaplikes het reeds in die 1960's en 1970's agetgekom die spekboom werk anders as ander plante. Wat die spekboom nog meer spesiaal maak, is dat sy humus nie kan brand nie. 'n Vuur kan dit dus nie vernietig nie en sy organiese materiaal sowel as die koolstof wat uit die lug opgeneem is, word uiteindelik in die grond opgeberg.

Gesik vir alle seisoene en weerstoestande

Die spekboom (*Portulacaria Afra*) is huis buitengewoon omdat dit twee metodes van fotosintese volg. Gedurende die wintermaande wanneer dit koel en vogtig is, vind gewone fotosintese en beter groei plaas. In droë toestande in die somer of winter volg 'n proses wanneer die plant sy huidmondjies oopmaak en koolsuurgas inasem en sure binne die plant laat opbou.

Gedurende die nag word die huidmondjies gesluit en die sure word afgebreek om koolsuurgas binne die plant vry te stel sonder dat die plant vog deur sy huidmondjies verloor. Die beskikbare vog word dan deur middel van hierdie koolstofverbindings in die blare, stamme en wortels gebêre vir droë tye. Dit is dus 'n wonderplant, huis omdat dit albei hierdie prosesse kan volg.

Wat die boom nog meer besonders maak, is dat sy humus nie kan brand nie. 'n Vuur kan dit dus nie vernietig nie en sy organiese materie, sowel as die koolstof uit die lug opgeneem, word uiteindelik in die grond geberg. Studies wat in die veld gedoen is, toon dat 'n gemiddelde stand van spekbole tot vier ton koolstof per jaar per hektaar vasvang.

'n Spekboom kan tot 100 keer meer koolstof uit die atmosfeer haal as wat 'n denneboom van dieselfde grootte kan doen. Dié unieke karakter is 'n positiewe aanvoerder vir koolstofboerdery.

Spekbole floreer in gebiede met 'n reënval van 250 tot 375mm per jaar met baie warm somers. Dit word van 2.5m tot 4.5m hoog met 'n stam van gemiddeld 20 cm in deursnee en kan tot 200 jaar oud word. Dit het sappige groen blare wat 1.3mm tot 2mm lank, stomp of gerond is en met 'n klein stingel geheg word.

Dit blom in die lente of vroeë somer na goeie reën met stervormige pienk of ligpers dubbelslagtige blomme wat goeie heuning lewer.

Die vrugte is klein Bessie-agtige pienk deurskynende vruggies met drie vlerkies en verlang spoedige reën na vrugval om te ontkiem.

Dis maklik om 'n spekboom te kweek

Die spekboom kan maklik gekweek word. Sny of breek 'n stukkie van die spekboom af, laat dit so vir een of twee dae uitdroog en druk dit dan in die grond. Gee dit bietjie water en binne 'n paar dae sal jy jou eie spekboom hê. Maak seker jy gee dit nie te veel water nie, anders sal dit verrot. Spekbole aard in die meeste grondsoorte mits die dreining goed is. Onthou, enigiemand wat 'n spekboom plant, doen die wêreld 'n guns.

Die spekboom is 'n veelsydige plant

Of jy nou soek na 'n plant wat jy as 'n heining of 'n bonsai kan gebruik of as grondbedekking of 'n groot bos, die spekboom is gesik vir alles. Die spekboom het in die somer fyn pienk blommetjies en is ook 'n pragtige potplant. Dit reageer goed as dit gesnoei word en groei baie dig, wat dit die ideale heining maak. Dit kan 'n hoogte van tot twee meter bereik.



PERSOONLIKHEID 2021

DAWIE ROODT



Dawie is 'n stigterslid, Direkteur en die hoof-ekonoom van die Efficient Group. Dawie se nuutste rol is as voorsitter van Efficient Private Clients, 'n afdeling

Dawie is 'n bekende Suid-Afrikaanse ekonoom met sowat 30 jaar se ervaring en is al 15-jaar die ankeraanbieder van Ontbytsake. Hy spesialiseer in monetêre en fiskale beleid. Hy volg internasionale en plaaslike politieke ontwikkelinge en ontleed die ekonomiese gevolge daarvan. Hy is ook 'nkenner van die ekonomiese gevolge wat krypto bates kan inhou. Dawie is ook aktief betrokke by die bestuur van kliënte se bateportefeuilles.

Facebook: @DawieRoodtEconomist

AGTERGROND EN FAMILIE:

Dawie is gebore op 20 Junie 1961. Dawie is getroud met Marina, 'n veearts. Sy oudste dogter Danielle, het 'n doktorsgraad (PhD) in Genetika. Sy seun Kristoff, studeer regte aan die Universiteit van Pretoria. Sy en Marina se tweelingdogters Daria en Yulia is twee en 'n half jaar oud.

BELANGSTELLINGS EN SPORT:

Hy is 'n amateur igtiooloog. Hy neem aktief deel aan 'n verskeidenheid sportsoorte (skubaduik, kleiduif skiet, draf en swem). Hy het sy eerste Comrades-marathon voltooi in 2015. Hy het 'n besondere belangstelling en doen studies in Kommunisme. Hy het al sy flikdebuut gemaak in "Babelas".

SY LOOPBAAN:

- Meestersgraad in Ekonomie (cum laude)
- Ekonoom by die Suid-Afrikaanse Reserwebank
- Het al meer as verskeie televisie en radio programme aangebied
- Ekonomiese redakteurskap van 'n finansiële tydskrif
- Rubriekskrywer vir 'n aantal publikasies
- Lid van BUSA EN NEDLAC
- Ekonoom van die jaar"-toekenning, 2016 deur Sake-24
- Keurkomiteelid vir die Stalsprys vir Ekonomie – Suid-Afrikaanse Akademie vir Wetenskap en Kuns
- Lid van die Instituut van Direkteurere van SA (IODSA)
- Lid van die SAIRR
- Gereelde gasspreker en dosent: plaaslik en internasional

VERDERE PRESTASIES EN AFFILIASIES:

- Nasionale kleure in gemotoriseerde hangvlerksweef (powered paragliding)
- Outeur van "Tax Lies and Red Tape", 2013
- Erelid van Golden Key International
- Ambassadeur van Child Welfare Bloemfontein en Childline Vrystaat
- Lewenslange lidmaatskap van die Zoologiese Vereniging van Suid-Afrika
- Wenner van die 2015 Pionier Rally met blinde navigator Hein Wagner

SANGER 2021

HENRY-JOHN WILLIAMS



Die joernalis Alita Steenkamp het in 2019 Henry-John soos volg in woorde opgesom: "Daar is vele elemente van kreatiwiteit. Soos 'n ware kunstenaar glip Henry-John maklik van die een kreatiewe rol na die ander. Hierdie Nelspruit verdien sy brood en botter as 'n interieure ontwerper vir 'n welbekende binnenshuise ontwerpmaatskappy. Hy bestuur ook sy eie binnenshuise-ontwerpmaatskappy binne hierdie groter maatskappy. Die ander sy van sy kreatiwiteit kom na vore wanneer hy voor'n klavier of klaverbord inskuif en liedjies skryf of ander kunstenaars begelei. Sy vermoë om die skakelteks vir musiekvertonings te skryf, sy vaardighede as regisseur en sy pragtige omvangryke stem, is alles deel van hierdie kunstenaar se vele talente."

WAAR ALLES BEGIN HET:

Henry-John Williams is in die winter van 1981 gebore. Hy is die jongste in die familie en het 'n ouer broer en suster. 'n Paar maande na sy geboorte het sy familie na Pongola, verhuis. Sy ma was baie kreatief en almal het haar geken vir haar mooi tuin, blommerangskikkings en as eksentriekie haarkapster. Henry het in 'n baie kreatiewe huis grootgeword. Daar was altyd musiek. Die gesin het graag gedans, gesing en konsert gehou. Sy gesin het na Mbombela teruggetrek toe hy tien jaar oud was. In die Laerskool het hy gereeld aan Eisteddfords deelgeneem. In die hoërskool het hy verskeie talentkompetisies gewen en professioneel begin optree toe hy in Graad 9 was.

Desdaan geniet John-Henry dit besonder baie om sy kuns op vele vlakke te beoefen: as binnenshuise ontwerper, radio-aanbieder, teksskrywer en uitvoerende kunstenaar.

MUSIEKLOOPBAAN:

Henry-John het as 14 jarige begin sing. In sy hoëskoolloopbaan het hy verskeie sangkompetisies gewen en ook 'n hele aantal toekenningings ingeryg. Na matriek het hy in 2000 by die Jubilatum Sangers aangesluit. In een jaar het hy byne 300-optredes gehad saam met hulle.

Nadat hy teruggekeer het na Mbombela, het hy begin om ligte musiek te studeer en het ook sy eie musiek begin skryf. In 2005 het hy sy eerste CD vrygestel, "The Classic Rock Album". Hy het ook landswyd opgetree met hierdie musiek. Vir die afgelope tien jaar is Henry-John die konsertpianis vir die kabaretkunstenaar Natascha C. Van hulle musiekproduksies soos Oma Dekkers en Storie en Lied is by die Innibos Nasionale Kunstfees in Nelspruit opgevoer. Hy het ook die hoofrol gespeel in die verhoogproduksie Houtkruis – die musical. Hy het ook al verskeie liedjies vir ander kunstenaars gekomponeer en in 2018 was sy liedjie "Moet My Noot Laat Gaan Nie" genomineer vir 'n Ghoematoekenning as die beste Country Album in Suid-Afrika. Hy het saam met Lizz Meiring as haar verhoogbestuurder en klankingenieur gewerk en het onlangs drie liedjies vir Willie Strauss se nuwe CD geskryf.

ONDERVINDING IN DIE TELEVISIEBEDRYF:

Hy was bevoorreg om as 'n ekstra op verskeie televisieprogramme 'n verskyning te maak. Hy was ook te sien in die televisie-advertensie vir die BMW X-reeks. Hy het 'n paar rolle as byspeler gedoen in reekse soos: 7de Laan, Binnelanders en Villa Rosa.

SOLOKUNSTENAAR:

Hy geniet ligte klassieke musiek, soos die van Andrew Lloyd Weber en Josh Groban. Hy is ewe gemaklik om Afrikaanse of Engelse pop-ballades te sing. Musiek soos "Sometimes When We Touch", "Soos Bloed", "Blou" en "If I Could Fly" van Frank Duval is sy gunstelinge.

KLASSIEKE OPLEIDING EN OPLEIDING IN LIGTE MUSIEK:

Vanaf Graad 6 tot Graad 12 het hy klassieke musiekopleiding ontvang by Petro Piso. In 2000 het hy by die Gospel toergroep Jubilatum Sangers aangesluit. Hulle het meer as 300 keer in daardie jaar opgetree. In 2000 tot 2003 was hy ingeskryf by Nita Lombard se musiek-akademie waar hy 'n kursus in liger kommersiële musiek voltooi het.

LOOPBAAN IN INTERIEURE ONTWERP:

Binnenshuise onwerp Lê Henry-John besonder na aan die hart weens sy skeppende vermoë. In die 14 jaar wat hy in hierdie bedryf werksaam is, het sy ontwerpe en die toepassing van hierdie ontwerpe en die dekor hom reg oor Suid-Afrika geneem. Dit sluit alles in van projekte in woonhuise tot vyfster Lodges in Timbavati. Hy is nie bloot net die binnenshuise versierder nie maar ook die ontwerper. As 'n ontwerper probeer hy dit altyd regkry om mense se asems weg te slaan en vir sy kliënte die mooiste moontlike dekor te verskaf terwyl hy steeds binne die begroting bly.

Hy het sy eie program op Radio Laeveld: DEKOR 101 waar hy idees met die luisteraars deel.

Henry-John se spreekwoord is nie verniet:

'Wees bekoorlik, wees kreatief, wees buitengewoon, wees die allerbeste jy!'

Hy leef dit verseker uit!

SKRYWER 2021

JACO JACOBS



IN 'N NEUTEDOP

Naam: Jaco Jacobs.

Verjaarsdag: 22 Februarie.

Tuisdorp: Bloemfontein

Stokperdjies: Lees, draf, fliek, versamel PEZ-houers

Gunsteling-boek: Te veel om op te noem – maar hy is veral mal oor Stephen King se boeke.

WAAR ALLES BEGIN HET:

Jaco is op 'n Karoodorpie met die naam Carnarvon gebore. Hy was net sewe jaar oud toe hy al sy eerste storie geskryf en geïllustreer het (maar hy sê dit was so simple dat nie eens sy ma en pa dit wou lees nie). Hy was sy hele skoollooppaan in die Hoëskool Carnarvon, en in matriek was hy hoofseun (van 'n klas van net 14 matrieks!). Na skool het hy BA.-Kommunikasiekunde en sy honneurs in Afrikaanse en Nederlandse letterkunde aan die Universiteit van die Vrystaat voltooi, voordat hy by Volksblad in Bloemfontein begin werk het, en daarna as uitgewer by 'n bekende uitgewery. Deesdae spits hy hom voltyds op skryf- en vertaalwerk toe. Hy het sy eerste boek, Pretpark, reeds aan die einde van matriek geskryf (hoewel dit eers heelwat later gepubliseer is). Sy eerste boek wat verskyn het, was Troetelgedrog (2001). Sedertdien het hy al meer as 170 boeke vir kleuters, kinders en jong volwassenes geskryf. Hy woon in Bloemfontein saam met sy vrou, Elize, sy dogtertjies, Mia en Emma, drie honde genaamd Pippie, Otto en Boo, en 'n troetelluisslang.

3 DINGE WAT JY NIE VAN JACO GEWEET HET NIE:

1. Hy ly aan hoogtevrees.
2. Hy kan nie 'n das knoop nie.
3. Hy was op skool glad nie sportief nie, maar deesdae is hy mal oor draf – en hy het reeds twee keer die Comrades-marathon voltooi.

GUNSTELINGE:

- Kos: Lasagne
- Superheld: Batman
- Plek: Die Karoo

HET JY GEWEET?

Twee van Jaco se boeke is verfilm: "suurlemoen!" En 'oor 'n motorfiets, 'n zombieflik en lang getalle wat deur elf gedeel kan word' (verfilm as 'nul is nie niks nie).



PRODUK 2021

BLOMKOOL AS PLAASVERVANGER
VAN STYSEL

ENKELE VINNIGE FEITE:

blomkool is 'n lid van die brassicafamilie en hoewel dit byna altyd wit is, kom ook pers en groen variëteite voor. Dit is die hele jaar beskikbaar, maar is die beste tussen Desember en middel April. Kies blomkool met helder wit koppe (geen verkleuring nie) en skerp, groen blare.

BLOMKOOLRYS:

Wanneer blomkool in 'n voedselverwerker fyngemaak word, lyk dit soos fyn korrels wat as vervanging vir rys of koeskoes gebruik kan word. U kan dit roerbraai, rooster of in die mikrogolfoond gaarmaak vir 'n vinnige en gesonde alternatief vir koolhidrate.

Blomkool is 'n groente wat van nature baie vesel-en vitamiene B bevat. Dit bied anti-oksidante en nutriënte wat kanker kan beskerm. Dit bevat ook vesel om gewigswerves aan te help en vertering te verhoog, cholien wat noodsaaklik is vir geheue, en baie ander belangrike voedingstowwe.

Inspirasie-stasie met Delytjie

du Plessis



STREEKSVOORSITTER CARPE DIEM

GRENDELTYD

Lieve Carpe Diem,

Waar begin 'n mens? My gedagtes dwaal na die tyd wat reeds verby is. My kop staan stil, woorde is min. Die grendeltyd het ons sosiale lewe gesteel! Tussen deur al hierdie negatiewe dinge bly ons positief. Soms plaas die lewe ons onder geweldige druk en moet ons dalk meer doen as waartoe ons instaat is, ons moet 'n pad loop waarvoor ons nie gereed was nie. Hierdie tyd het my baie laat dink. Tyd gegee om myself ook bietjie te leer ken en die bril van hoop op te sit.

Dankie Carpe Diem dat julle regdeur grendeltyd aktief gebly het en nogsteeds elke maand vergaderings gehou het. Die uitgee van maskers, doeke, kospakkies, projekte vir bejaardes en vele ander liefdadigheidswerk.

Ek is regtig baie trots op julle.

Lieve VLU-vriendin, gee vandag sommer net weer jou bekommernisse vir God sonder om dit terug te vat.
Verwag die goeie, sonder om die negatiewe te voorsien. Beskou vandag die wêreld vanuit die positiewe bril van Geloof, Hoop, Liefde.

Kyk weer na die lewe met positiewe oë. Moenie moed verloor nie en bly bowenal GLO

Delytjie du Plessis



1



2



3

FOTO 1: Robyn Schmidt en Debbie du Plessis Voorsitster oorhandig skenkning


FOTO 2: Babsie Wentzel van Immergroen ouetehuis onvang benodigde van Marcelle van Vuuren vise-voorsitster.

FOTO 3: Fondsinname Vleisland spesereye.

Voorsitster Debbie du Plessis en streekskakel

Kyk weer na die lewe met positiewe oë.
Moenie moed verloor nie

...EN BLY
BOWENAL
GLO!



SIMBOLIEK VAN EMBLEEM

Karin Vorster van Witbank is die wenner van die kompetisie wat in 2005 geloods word om die leuse "Carpe Diem-gryp die dag "uit tebeeld, met drie hande wat gryp na die son, wat die dag uitbeeld. Elsabey Luus ontwerp vaandel in die vorm van 'n houtboks met elektriese lig wat son voorstel

40 JAAR

VLU-lidmaatskaptoekennings

WITBANKTAK

Martie Vermeulen, vise voorvorsitter van Witbanktak asook tesouriere van Carpé Diemstreek en Witbanktak behoort 40 jaar aan Vroue Landbou Unie. Witbanktak kroon Martie as Prinses van Februarimaand.

Irene Keet ontvang 40 jaar toekenning op Kongres.

Phyllis Scruton is nog 'n lid van Witbak wat reeds 40 jaar aan VLU behoort.



LINKS: Irene Keet ontvang 40-jaar dienstoekening by Kongres

En so onthou ons Carpe Diem die afgelope 25 jaar

GESKRYF DEUR IRENE KEET - VOORMALIGE VISE-PRESIDENT VLUM

Op 8 September 1925 is die Transvaalse Vroue Landbou-Unie in Pretoria gestig en 70 jaar later het die TVLU so gegroeи, dat die vooruitsig vir 'n moontlike ontbondeling bespreek is en toe ook plaasgevind het op 1 Oktober 1995.

Die oorgang het dan ook behels 'n nuwe naam, opstel van riglyne, stigting van nuwe takke, nuwe besture, met voortdurende opleiding, asook van beoordelaars.

Ledegeld VLUM, in 1996 beloop R36 per jaar.

Drie streke word ses en sestig takke word later ses en sewentig. Lidwerwing word naastigtelik gedoen, somer- en winterskole word gereël, konferensies en kongresse vind plaas en kampe vir skoolkinders word gehou. Vriendskappe word gesluit en talente kan ten volle uitgeleef word! Sal ons ooit die nagtelike swemsessies vergeet Carpe Diem!

2000-2006: Elsabey Luus

Word streekvoorsitter en redakteuse van die Communique. Kegelpret word gehou by Witbank se "Ridge". Irene Keet is vir twee jaar voog vir Klaradyntak totdat Poppie Coetzer gekies word as voorvorsitter. Elsabey doen deeglike ledewerwing en stig twee takke. Die Communique hou haar ook baie besig, maar sy gaan saam met die Kaapse toer, gereël deur Santa Kruger gedurende September 2006.

2007-2014: Irene Keet

Word streekvoorsitter en vanaf 2010 tot 2014 vise-president. Daniel de Kock en Ivy Sutton was onder andere sprekers by die konferensies. Die damesnaweek jaarliks by De Voetpadkloof was vir my altyd 'n hoogtepunt! Esra Bosch word besoek, twee rolstoele geskenk aan Rotariërklub, Meloti-wildplaas skenk gratis verblyf as prys aan ons streek. Nataniel was ook 'n belewenis!! Susan Coetzer was ook spreker by konferensie. Tassie-projek word ondersteun, Teddy-run samel 5252 beertjies in vir kindermolestering. "Mal oor kuns-dag" word baie goed ondersteun. Abrie Coetzee leer ons mooi tafels dek, Anna-Marie Venter maak 'n pragtige vliegtuig-oortreksel vir hul vliegtuig!!

Ons is ook bevoorreg om vir Poppie Coetzer van Kokkedoorn-faan in ons streek te hê. Woon SAVLU-Kongres te Buffelspoort by. Irene Keet word aangewys op die bestuur van SANVU en ontvang in 2019 haar 40-jaar toekenning.

2014 Christell Nel

Streek oorhandig mussels aan KANSA in Pretoria. Hettie Bezuidenhout wen Clover-koekkompetisie. Skenk toontoffels vir Solidariteit, skenkings aan Highveld tydens afleggings. Streek besoek Wolma-eierplaas. Nicolette Steel spreekster by konferensie.

2017 Debbie du Plessis

Damesoggend met Lynette Beer, pakkies vir gevangenis, kleurkarnaval as advertensie vir WBPV, besoek Clover te Olifantsfontein. Hettie Bezuidenhout wenner van VLUM Alzu-eier kompetisie. Corne Caspar bied borduurklas aan, besoek herwinningsfabriek, teepleeltjie-oggend, rolbaldag, Debbie se Kerrie hoenderresep in "Get It", besoek Lindt sjokolade Fourways, Willem Prinsloo Museum. Woon Winterskool by te Nylstroom. President Cindy Coetzee kom kuier tydens streekvergadering. Soja-demo deur Riette en Jannie van OJA-Farms. CD voorsien 4000 maskers aan publiek, R6000 aan Immergroen vir doeke. Geel eendjie-projek bewusmaking van orgaanskenking. Debbie sorg ook dat dames hul kan bekwaam as beoordelaresse. Daar is tans vier beoordelaars en een wat besig is met prakties en wat alreeds haar teorie geslaag het.

Gedurende hierdie 25 jaar was daar 'n totaal van tien takke, maar weens verskeie redes is daar huidiglik sewe takke in Carpe Diemstreek.

Ek het die Communiques vanaf 1995 deurgeblaai en wat 'n fees!! Dis onmoontlik om alles weer te gee, maar na soveel jare wek dit soveel mooi herinneringe en kan mens net 'n groot DANKIE sê aan almal wat deel was en nog steeds is van hierdie spog dames-organisasie!!

Gun my dan ook net hierdie geleentheid om 'n baie groot dankie te rig aan die twee staatmakers, Debbie du Plessis en Lida Posthumus wat gehelp het met inligting en sodoende my geheue verfris het! Dit was werklik 'n groot voorreg om hierdie verslag op te stel.

25 JAAR

Carpe Diem is op en wakker

Onder leiding van verskeie voorsitters bereik Carpe Diemstreek vele hoogtepunte tussen 2011 en 2020:

Vanaf 2011 tot 2012, onder Irene Keet se leiding, word 'n konferensie gehou asook 'n wegbrekkamp by de Voetpadkloof en Witbanktak plant die SAVLU-Roos by NG-Kerk in Klipfontein.

2012 is net so bedrywig en sluit die volgende aktiwiteite in:

- Besoeke aan en van oudiooloog Henriëtte Moolman en Esra Bosch, asook 'n Nataniel-oggend.
- 'n Rolstoel word geskenk aan die Rotariërsklub, geskenksakke aan Immergroen-aftree-oord en plastiesakke word herwin.
- Witbanktak wen 'n midweek by Meloti-wildsplaas.
- CD-Streek hou 'n breidag en 'n marathonstap in Junie en woon die winterskool in Nylstroom by in Julie.

2013 Christelle Nel neem die streekvoorsitterstoel in vanaf 2013 tot konferensie 2017 met die volgende hoogtepunte in 2013.

- Witbanktak besoek drukkery.
- Susan Coetzer is spreekster met konferensie en Lindie Stander by 'n damestee. Ons groet Irene.
- 'n Skattejag word gehou by Imagine Café te Bronhorstspruit en al die takke is deel van die snuffelmark in Augustus.
- Immergroen ouetehuis ontvang skenkings, 'n boom word geplant en daar word heerlik saamgekuier by Delmatak wat hul 60ste verjaardag vier.

2014 Hoogtepunte in 2014 sluit die volgende in:

- 'n Uitreik na Edenpark asook oorhandiging van 220 mussels aan Kansa Pretoria.
- Die SA-inligtingsdag te Riverside Lodge word bygewoon en in November word VLU-jaar uitgebeeld met 'n koekversieringdemonstrasie.

2015 Gedurende 2015 is Hettie Bezuidenhout van Witbanktak die streekwenner van die Clover-koekkompetisie.

2016 is weer 'n bedrywige jaar:

- Skenkings wat gemaak word is toontoffels vir Solidariteit, voedsel en benodighede vir DBV asook aan Highveld afleggings.
- Sprekers Nicolette Steel, met tema "pak dit aan met passie" asook Lynette Beer kom spreek lede toe oor hulle kleur wat pas by persoonlikheid.
- CD-Streek besoek Wolma eierplaas op 30 Junie.

2017 Met konferensie 2017 neem Debbie du Plessis oor as nuwe Streeksvoorsitter

- Ds. Mariaan Beukes gesels met dames oor die Vroue-in-gevangenis-projek waarna CD-Streek pakkies aan gevangenes uitdeel wat onder andere warm kouse bevat vir die winter. Hul maak tyd om bietjie saam met die gevangenes tyd te spandeer.
- Die Rizpa werkers word bederf en vier verskillende werksklasse word vir dames aangebied.
- Alzheimer komberse word aan Solidariteit oorhandig.
- Clover word besoek in Olifantsfontein en CD-Streek hou kleurkarnaval ter bekendstelling van WBPV.
- CD Streek was weer eens die wenners van die VLUM-Alzu-eiers kompetisie. Wenner was Hettie Bezuidenhout (Witbanktak).

2018 Besoeke in 2018 sluit die Lindt-sjokolade-en herwinningsfabriek in.

- Corne de Caspar illustreer Casaquidi-borduurwerk
- 'n Geslaagde Teelepeljie-oggend word aangebied,
- Streekvoorsitter Debbie se kerriehoenderresept verskyn in "Get it",
- En 'n heerlike rolbal dag sluit die jaar af.

2019 is die jaar van werksklasse: 'n rits word ingesit in 'n toiletsakkie, gevvolg deur 'n appliekwerksklas. Royal Icing word gedemonstreer asook 'n beetdemonstrasie word aangebied.

- Tydens streekkonferensie lag gaste heerlik saam met lagterapeute Surain Goosen en Nicorené van Wyk.
- 'n "Local is lekker"-oggend vind plaas en handskoene word gehekel en uitgedeel aan bejaardes en personeel van Edenpark aftree-oord.
- Magnoliatak hou 'n warm-harte-maat-winter-lekker-oggend terwyl Nocturnetak alles oor hekelsteke leer en skoene skenk aan Jabez-huis.
- Soireétak hou 'n bewusmaking van weefselskenking.
- Witbanktak skenk toebroodjie aan onkologie en doen aaneenlopend ook fondsinsameling vir etes vir Probus.
- Die Willem Prinsloo Museum word besoek.

2020 Ten spyte van die inperking het ons nog steeds met hoogtepunte begin met 'n Sojaboon-demonstrasie deur O-ja-Farms

- Corné de Caspar leer lede meer oor Hardangerwerk en 'n groot inligtingsdag word gehou om deur al die kompetisiereëls met die streek te werk.
- 4000 maskers word gedurende grendeltyd aan publiek geskenk asook R6000.00 vir doeke aan Immergroen-ouetehuis.
- Vanaf 2017 was dit elke jaar Maart en September 'n groot opgewondenheid dat lede betrek word met opstel van die reëls en ook dat opgeleide beoordelaars die riglyne en vereistes aan lede deurgee.
- Carpe Diem het tans al vier opgeleide beoordelaars.
- Takke gee elke maand aan verskeie instansies wat in nood verkeer liefdadigheidspakkies.

HIERDIE VERSLAG SAAMGESTEL DEUR:

CARPE DIEMSTREEK

Grendeltyd

Wat 'n nuwe en onvoorspelbare ervaring was grendeltyd vir almal! Grendeltyd het soveel verskillende dinge vir verskillende mense beteken. Celebretak se dames het deurgaans kontak gehou en probeer om mekaar positief te hou deur foto's van hul doen en late aan te stuur sowel as resepte en idees uit te ruil.

Die dames het gewoeker met hul artikels vir die konferensie. Daar is gebak, gebottel, geverf en gehekел en pragtige artikels is voltooi en is gereed vir beoordeling. Lede het baie aktief begin raak deur te stap, sommige tot vier kilometer per dag.

Olive van der Westhuizen van Magnoliatak pak 'Bottels van Hoop' wat bestaan uit gedroogde bestanddele waar die inhoud dan in 2½ liter water gekook word en genoeg is vir vier persone. Hierdie kosuitreik voorsien 'n maaltyd aan meer as een gesin in hierdie inperkingstyd. Meeste van ons lede is betrokke by gemeenskapswerk in die omgewing.

Maskers is vir mense in die gemeenskap uitgedeel, komberse en handdoeke is bymekaar gemaak vir plaaslike SPCA en uitgegee.

Ons help ook die CMR met kastrolle vir die kinderhuis, deel mussies, handskoene en kouse uit aan Immergroen-ouetehuis en aan die blanke plakkarskamp in Witbank.

Helpende Hand se ouer in nood word ook ondersteun en kry babas so klere.

Soirée se hart en hande is altyd oop vir die gemeenskap van Witbank. Een van die ouetehuise in Witbank (Immergroen) het doeke en toiletware benodig. Soirée het dadelik fondse ingesamel en die benodighede gaan koop.

Gedurende die grenelperiode wys lede "VLU memory lane" foto's wat lekker tye herinneringe aanwakker.

Intussen word voortgegaan met die hekel van die streekskompetisie-artikels en die kongresprojek, 'bruikbare geskenk vir 'n bejaarde. Lede skenk op Maandag 27 Julie "legwarmers aan Edenpark aftree-oord wat met groot dankbaarheid ontvang word deur maatskaplike werkster Patience.



FOTO 1: Marcelle het ywerig gebrei
FOTO 2: Handskoene word uitgedeel aan Edenpark
FOTO 3: Grendeltyd artikels Delmaslede
FOTO 4: Magnolia maak Poncho's



FOTO 1: Marcelle het ywerig gebrei
FOTO 2: Rina maak maskers

Die helfte van 2020 is verby en dit voel of ons die helfte daarvan heeltemal gemis het. Grendeltyd het einde Maart begin. Dit sou vir drie weke wees en ons is nog steeds daarin. Vakansies is gekanselleer, winkels is gesluit en mense moet hulle glasie wyn en sigaretjie verbeur.

'n Vreemde tyd waarmee ons moet deel. Dra 'n masker, was jou hande, hou sosiale afstand, is maar 'n paar van die reëls waarmee ons vertroud moes raak. Die maskers het interessant geraak. **Mense het kreatief geraak met die maskers en maskers wat glimlag, tong uitsteek en nog vele het kop uitgesteek.**

Die VLU-dames het goedgunstig maskers gemaak vir die polisie, ouetehuise, apteke en sommige winkels. Almal het ywerig meegedoen en Azariatak het net so hard gewerk. **Van stilsit was daar nie sprake nie. Almal was besig met naaldwerk, briewerk, kleinkinders oppas en selfs skoolhou.**

Celebrétak

SKAKEL: CORINE WHEELER

Celebrétak is begin met slegs 3 lede maar moes na drie maande weer sluit. In 2003 heropen hul weer as h middagtak. Ongelukkig het baie foto's en geskiedenis verlore gegaan in h brand.

Celebrétak probeer altyd die pret en plesier te behou in die VLU.

- Die tak besoek Margareth Robberts se Laventelplaas op 1 Julie 2015.
- Op 5 Mei 2009 maak die dames Vadersdagkaartjies.
- On 10 November 2009 ladies from Celebré branch were visited by police and taught about self-defence.
- In 2009 word inkopiesakkies versier.



Delmastak

SKAKEL: CARINE SWART

In 1928 het daar reeds 'n VLU-tak bestaan in Delmas, maar hierdie tak is later ontbind. In 1935 is die tak herstig deur mev Dely, maar is weer ontbind. In die jaar 1953 was daar weer 'n oplewing in belangstelling en op **15 Junie 1953** is die tak vir 'n tweede keer herstig.

Die stigtingsvergadering was gehou aan huis van mev. A Nieman en is waargeneem deur mev. Lulu Gouws, voorsitter van die vroeëre Heidelbergstreek.

Hoogtepunte in die tak is die mondigwording in Februarie 1975 wat spoggerig gevier is met 'n dinne waargeneem deur die Delmastaklede.

- Daarna volg die **50ste bestaansjaar-viering** en koerantdekking is gegee onder die opskrif "Geluk met 50 Goue Jare van Bestaan."
- h Verdere hoogtepunt was die 19de streekskonferensie van Carpe Diem wat gehou is te Delmas in die Nederduits Hervormde Kerksaal in 2019.
- Die Delmas VLU-tak het 'n belangrike rol gespeel in die gemeenskap deur 21 jaar. Projekte soos die gesinsbeplanningsveldtog, die Waterjaar, Ons Groen Erfenis-jaar, en die Ken jou Omgewing is met welslae geloods.

• Die lede het ook meegehelp om 'n kleuterskool oop te maak, en in 1973 was daar die insamelingsveldtog vir die skool vir gestremdes in Pretoria. Die Trans-Oranjeskool vir Dowes is deur die VLU-tak uitgenooi na 'n mielieplaas waar hul onthaal is en waar hulle die hele verwerkingsproses kon sien en meemaak.

• Dames het ook meegedoen aan die borduur van 'n tapisserie, wat die omgewing en boerdery uitgebeeld het, wat uitgeloot was deur die Wolraad. Die tapisserie hang tans in die Nederduits Hervormde Kerksaal.

• Kenmerkend van Delmas is die tak se betrokkenheid by die gemeenskap, hulle bereidheid en gewilligheid om altyd te help.



HEELBO: Tapisserie Hang in Herv. Kerk Delmas
BO: Huidige taklede van Delmas

Devontak

SKAKEL: ANNATJIE KRUGER

Mev. O'Connor het op **13 Junie 1932** die stigting van Devontak waargeneem in die mieliesstoer van die enigste winkel op Devon, nadat Mev Hester Meyer dit versoek het. Die stigterslede was mevroue Penning, Moodie, Curlewes, Walker, Hester Meyer (sekretaresse), Cotie Basson en Lulu Gouws (voorsitter)

Mev. Lulu Gouws se dogter, Jeanne-Louise Swart is nog steeds lid en het haar 60-jaar lidmaatskap-toekenning in Maart 2020 ontvang.

Devontak het 'n nuwe takvaandel laat ontwerp van een van die volkstapisseries wat deur Iede geborduur is en wat steeds in die kerksaal hang.

Devon is betrokke by die gemeenskap. Elke jaar word koekies geskenk aan die bejaardes van die omgewing. Dit is altyd 'n hoogtepunt om die blydsheid op hulle gesigte waar te neem.

Devontak was ook betrokke by opvoedkundige program te Laerskool Devon en het die kinders gewys hoe om groente te plant. Saad, grond en boksies was geskenk deur ons lede.

Vir fondsinsameling is die weeklikse verkoop van verversings by die veeweiling iets om na uit te sien.

Goeie samewerking van lede dra daar toe by dat ons by verskeie konferensies en selfs kongresse beste presteerders was. Van die staatmakerlede Susan Louw en Santie Meyer het by verskeie kongresse en SAVLU- kompetisies eerste prysse gewen. Die VLU bly 'n wonderlike platform om ons kennis te verbreed.

As gevolg van ontvolking van die platteland en die ouderdom van lede het ons ledetal gedaal. VLU bly egter nog elke maand 'n hoogtepunt, want ons leer baie en kuier heerlik saam.

Lena Nolte was jare lank voorsitter en sy was ook Streekvoorsitter tot 1995 toe sy oorlede is.



Mev Marietjie Kriel (vorige voorsitter)
en Maretha Middel (huidige voorsitter)
by die vaandel.



1



100



3



4



5

FOTO 1: Mev Ursula Smit was streekvoorsitter van 2001 tot 2004

FOTO 3: Lena Nolte (regs) saam met Huibreg Muller (sekretaresse)

FOTO 4: Devon skenk elke jaar koekies aan die bejaardes van die omgewing

Soirée Tak

SKAKEL: KARIN DU PLESSIS

Die naam Soirée is Frans vir “n Aandparty”. Elsabé Luus en Lida Schoeman was die stigterslede van Soirée. Elsabé Luus was ook die eerste voorstander. Soirée het met 18 lede begin.

Tydens die stigtingsvergadering demonstreer Elsabé Luus materiaalverfwerk.

Die eerste golfdag is gehou op 21 November 1998 te Tweefontein Golfklub. Dit het ‘n instelling geword vir Soirée se jaarlikse fondsinsameling.

Robyn Schmidt het by die derde jaarkongres (1998) van die VLU-Mpumalanga ‘n eerste plek behaal in borduurwerk. Die nuwe embleem van VLU-Mpumalanga is ook by die derde VLU-Mpumalanga jaarkongres onthul. Dit is deur een van Soirée se stigterslede, Elsabé Luus wat die amp as provinsiale skakelbeamte beklee het, ontwerp.

Soirée was mondig in 2018 en ons vier Soirée se mondigwording op 14 November 2018.

Huis Betsie Louw lê Soirée na aan die hart en Soirée het nou weer “Kersfees in Julie” vir hulle gehou met geskenkpakkies.

Verder doen ons gereeld gemeenskapdiens by Immergroen-Ouetehuis en is daar nou weer in die Lockdown vir hul doekie en toiletware geskenk.

Springvalley Day Care is ‘n kleuterskool in een van die nedersettings hier by ons wat net staatmaak op skenkings. Ons het skryfbehoeftes en eetgoed vir die kleinspan geskenk.

Ons is ‘n klein aandtak met min lede, maar ons harte is groot as dit by die gemeenskap kom en skroom ons nie om ons harte en beursies oop te maak vir ons gemeenskap nie. Ons het al ‘n jong belowende danseres gehelp om haar drome in New York waar te maak, so ook vier matriekmeisies hul matriekafskeiddrome help volmaak. Van ons lede het ook poppies vir die Mensehandel Projek van VLU-Mpumalanga-kongres in 2018 gebrei.

Daar word ook fluks handskoene gehekelt wat uitgedeel word by Edenpark-Ouetehuis vir al die Ouma’s en werkende dames.

Soirée se lede is nie net tot Witbank beperk nie. Ons het selfs ‘n lid wat in Ghana bly. Danksy die nuwe normaal van vergaderings via Zoom of WhatsApp kan sy nou by elke vergadering betrokke wees. Sy het ook ‘n paar plekke in 2020 se kongres behaal.



Magda van der Walt, Magda Prinsloo, Poppy Ets en Wilna Strydom saam met Coleen Prinsloo wat die gelukkige trekking gewen het.

Balle geslaan saam Soirée

Soirée tak van die Vroue Landbou Unie elke jaar ‘n fondsinsameling vir hulle landbouprojek. Die tak het ook elke jaar ‘n projek wat daarby op iets en iemand besluit wat hulle help daarby. Die jaar het die dames besluit op ‘n ghofdienaar wat pogte om in te samel. Die ghofdienaar is gevind op Saterdag, 2 Julie by Bankenveld. Daar was baie deelneemers en die dag was ‘n groot sukses. Albert Cornel was uitgeroep as die algemene wener van die dag en Cobus Prinsloo was die wener van die gelukkige trekking. Die dames van Soirée wil ook almal bedank dat betrokke was en bygedra het tot die dag se sukses.



1



2



3

FOTO 1: Prettige beret

FOTO 2: Huis Betsie Louw

FOTO 3: 21ste Verjaarsdag Stigterslede

Magnoliatak

SKAKEL: STELLA BORNEBROEK

Die stigtingsvergadering, op **10 Februarie 2000**, onder voorsitterskap van Frances Theron, is gehou te Suid Witbankmyn se saal. Daar was nege lede teenwoordig asook twee gaste, Anphia Grobler en Elsabé Luus. **Oorspronklik was die tak se naam Le Grand Femme, wat toe later verander is na Magnoliatak.**

Die aantal lede groei tot 21 in 2002, maar toe begin die myne in die omgewing sluit en die ledetal krimp tot ses lede. Deur die jare het lede volstoombesigheid ingesprong as daar aksies is wat fondse moet genereer, van die hou van 'n Valentynsbal (in Februarie 2001) tot die maak van koeksisters (in Mei 2019). Regdeur is lede bereid om tyd op te offer vir die sukses van die initiatief. Uitstappies na interessante plekke is iets waaraan lede met groot entoesiasme deelneem. 'n Besoek aan Tony Santos se blomplaas, Rock Crete waar teëls vervaardig word, Garden Pebbles waar groot tuinpotte gemaak word en Cullinan se diamantmyn, om maar 'n paar te noem.

Talle werksklasse is deur die jare aangebied en het lede die geleentheid gegee om nuwe vaardighede te bemeester. Verskeie borduurtegnieke, oortrek van meubels, maak van papier, laslapwerk, 'Prick and Stitch' – 'n legio van aktiwiteite, te veel om elk te noem, maar alles so leersaam!

25 JAAR
Takgeskiedenis

Magnoliatak het groot empatie met die gemeenskap en oproepe om hulp word nie in die wind geslaan nie. Die werk wat CANSA in eMalahleni doen word deur lede ondersteun. Selfs die NPO, genaamd Bettie Bandana, het gebaat by gebreide beanies en gemaakte bandanas – 'n uitreik na kankerpasiënte wat plaaslik in Life Cosmos hospitaal behandeling ontvang. Lede het ook as Toktokkies hul bydrae gelewer tot die welsyn van die gemeenskap.

Die bejaardes en gestremdes in die gemeenskap het 'n baie spesiale plekkie in die harte van die Magnoliatak se lede. Ook die vele huise van veiligheid in ons gemeenskap, wat noustrip trek om in die kinders se fisiese behoeftes te kan voorsien, word nie oor die hoof gesien nie. Skenkings van klere asook geskenkpakkies aan inwoners asook werknemers word gereeld gedoen. Die wyere gemeenskap van eMalahleni word ook nie afgeskeep deur Magnoliatak nie. 'n Voorbeeld hiervan is dat daar met Boomplantdag bome geplant is by Thanduxolo Special School. Magnoliatak het ook herbruikbare sanitêre doekies gemaak en dit is ook aan meisies by die skool uitgedeel.

'n Uitstaande kenmerk van Magnoliatak is samewerking en die bereidwilligheid om te help. Lede gee om vir mekaar, reik uit sonder voorbehoud en in moeilike tye doen elk sy deel.



FOTO 1: Madeleine Burger, Frances Theron, Esmé Wepener, Olive van der Westhuizen en Elsa Stevens tevreden met 'n tafel vol vars gebakte koeksisters, reg vir aflewing, om die saldo in die bankrekening 'n hupstoot te kan gee.

FOTO 2: Magnolia lede leer graag

FOTO 3: Magnoliatak lede

FOTO 4: Prick and Stitch

FOTO 5: Yerige Magnolia lede

FOTO 6: Hoenderplaas

FOTO 7: Immergreen

FOTO 8: Thanduxolo Special School

FOTO 9: Bettie Bandana

FOTO 10: Blomplaas

FOTO 11: Cullinanmyn

Nocturnetak

SKAKEL: LIZETTE PANSEGROUW

25 JAAR
Takgeskiedenis

Nocturnetak is gestig op **11 Januarie 2012**.

Tak het afgestig van Soireetak en het met vyf lede begin en staan tans op 27.

Nocturne is 'n aandtak en vergaderings word elke maand met 'n tema gedoen waарoor die gasvrouens self besluit. Fotos word gereeld op fb geplaas.

Nocturne het elke maand 'n liefdadigheidprojek wat vooruit in ons beplanning vir die jaar is, dit is ook lede se eie keuse en glad nie verpligtend nie. Instansies soos CMR-kinderhuise, Huis Jubes-gesinne met nood, Solidariteit-kosprojek asook skryfbehoeftes vir Helpende Hand is h paar instansies wat by Nocturne baat vind. Die plaaslike ouetehuise word bederf met 'n "Blessing in 'n bottle" (Koffiebottel met 'n bederfie in) en tans is Nocturne besig met die Plastiek Proppie-projek van die Sweetheart foundation (rolstoel)

Nocturne se uitstaande kenmerk is meelewing, kameraadskap en betrokendheid.

Nocture is werklik 'n tak met groot harte en baie omgee, en voorwaar 'n groep wat saamstaan in tye van lief en leed



Witbanktak

SKAKEL: LIDA POSTHUMUS

Mev. Anna Bosman, voorsteer van Middelburgstreek, stig tak op **5 April 1978**. VLU, die grootste vrouevereniging in die land, funksioneer onder die leuse "Kennis verryk". Mev. J. van Rensburg was as voorsteer verkies. Witbank was die 11de tak in Middelburgstreek en bestuur het bestaan uit ses lede.

Op 5 April vanjaar was die tak 42 jaar oud en lede vorm 'n hegte eenheid wat omgee, mekaar ondersteun en saamwerk.



FOTO 1: Witbanktak bestaan reeds 42 jaar

FOTO 2: Witbanktak se Memory Lane

FOTO 3: Lief jou land tema word uitgebeeld deur lede van Witbanktak

Inspirasie-stasie met Alice de Beer

STREEKSVOORSITTER KOSMOS

GRENDELTYD



VLU-vriendin in jou lente-fleur

Met Kosmos se tema vir 2020 van "LEEF VOLUIT" is ons almal se lewens tot stilstand geruk deur die onbeplande Covid 19-virus wat ons elke dag se doen en late met 'n omkeer verander het.

Ja Spreeke sê "die mens wik, maar God beskik". Hierdie gebeure was dalk bitter baie nodig om ons gesinne en gesinstyd weer te kon herstel. Ons was op so 'n vinnige pas ingestel en het vergeet wat vir ons as mens belangrik moet wees. – ons gesinne. Terug op ons knieë, saam aan etenstafel, speel en kuier en heeldag in mekaar se geselskap te moet wees. Dit was so lekker!!!

In ons streek en takke is tegnologie ingespan om kontak te hou, dit was fantasties om weer tydens 'n "zoom vergadering" VLU-vriendinne se gesigte te sien. **Na alles het ons ons nie laat keer deur 'n virus nie en is ons alweer volstoom aan die gang.**

So ontluik ons en kruip ons uit ons kokonne en gooi ons ook nou ons winterkleed af en sien ons uit na die eerste saamkuier, lag en gesels saam met vriendinne wat, voel ons, 'n jaar laas gesien is. Dankie Kosmosse dat julle blom en julle positiewe geur afgee aan elke vrou wat ons pad kruis. Mag ons die jaar wat voorlē aangryp en die voorreg om te leef met passie uitleef!"

Kom ons nooi ons vriendinne uit na vergaderings toe sodat hul hulself kan bemagtig met kennis. **Pas julseif op, dra die maskers, want ons is mos verantwoordelik.** Ons hoef nie meer in ons kokonne weg te kruip nie, kom ons sprei die vlerke en nou maak ons op vir die maande wat ons nie kon uitkom nie.

"Mag ons die jaar wat voorlē aangryp en die voorreg om te leef met passie uitleef."

BEMAGTIG MET KENNIS



KOSMOSSTREEK VAN DIE VROUWE LANDBOU UNIE (VLU) reik uit na die gemeenskap.

MASKERNOOD" Na aanleiding van 'n boodskap en telefoonoproep vanaf Midmed Hospitaal, het Kosmosstreek se voorsitter, Alice de Beer, gereageer. Kosmosstreek se dames het aan die werk gespring om ons Gesondheidswerkers van maskers te voorsien. Materiale is uit die kaste bymekaar gemaak, rek is opgebruik, maar planne is gemaak. Dankie vir julle kreatiewiteit wat soos 'n haas uit die hoed getrek is aangesien geen winkel oop was nie en ons moes gebruik wat beskikbaar is.

Ons het besef hierdie personeel bedien duisende mense en hulle word so blootgestel aan die Corona-virus en ons kan 'n verskil maak. Midmed Hospitaal, SAVF-tehuus en KANSA is van die plekke in Middelburg wat maskers ontvang het. Op Groblersdal is daar aan Spar, Aptiek, 'n plaaslike dokter se kamers, en die plaaslike ouetehuis voorsien. Op Marble Hall by hulle aptiek pryk die dames ook met ons maskers. Hierdie is 'n liefdadigheidsprojek wat geloots is in ons streek en het ons dan ook die maskers geskenk aan die instansies.

Graag bedank ek, as voorsitter van Kosmos, elke lid wat 'n verskil gemaak het.

Alice de Beer

Kosmosstreek die afgelope 25 JAAR

Tydens Kongres in 1995 het TVLU ontbondel. Dit was die einde van 'n besonder suksesvolle 70-jarige bestaan. Die einde van TVLU was die begin van VLU-Noord, VLU-Mpumalanga, Noordwes-VLU en VLU-Overval.

Die pragtige pienk Kosmosveld in die omgewing van Middelburg, Ogies, Hendrina, Marble Hall en Belfast, verblaas die naamkeuse vir hierdie streek in die Mpumalanga-provinsie.

Ledegeld aan VLU-Mpumalanga was toe R36 en streeksfooie R5 per jaar.

Herhalende gebeure wat jaarliks min of meer op dieselfde tye plaasvind in Kosmosstreek is:

Streekvergaderings – eerste een is gewoonlik 'n inligtingsvergadering en die laaste een 'n afsluitingsvergadering.

Die jaarlikse Kosmosstreek-konferensie wat gewoonlik in Maart plaasvind. Kosmosstreek staan bekend vir die pragtige konferensies wat elke jaar as streekpoging aangebied word. Temas wissel van Toeka tot Nou met Liezel Krause Wiid, Oggend van rooi en geel, Gatsby,

kuier saam met die Flooze en natuurlike die 21ste verjaarsdagpartyjie in 2016.

VLU-Mpumalanga-kongres wat gewoonlik in Augustus plaasvind en waarheen takke verteenwoordigers stuur.

Die streek bied jaarliks 'n Rabbedoekamp in Oktober aan 40 spesiale dogters. Hulle word uit die streek se skole uitgenooi na 'n naweekkamp waar hulle heerlik bederf en geestelik gevoed word. Vir die skoolseuns was daar die Kannetjiekamp. Instansies word genader vir borge en so is dogters al bederf met sakke en handdoeke van Anglo America en borgskap van Bernina.

2012: In 2012 nooi Anphia Grobler en Henrietta Schoeman vroue van Noord-lerland na Kosmostreek. Cindy Coetzee verduidelik wat streek doen as VLU-organisasie. Hulle word in Kosmos trakteer op tradisionele geregte soos melktert, koeksisters en bobotie, is saam met Anphia Wildtuin toe en het meer geleer oor tradisionele Ndebele-gebruiken deur Henrietta.

Kosmosstreek bied onder andere Snowflake-demonstrasies, Anchor-Gis-demonstrasies, onthaalkursusse, Carolie de Koster kookkursusse, Foodlink 1 en 2 aan en lede presteer op hierdie gebied. Rieth Roos van Oukliptak is bobaas kleinkoeiebakker van Mpumalanga en met die Hulets-kompetisie in 2012 stap verskeie lede weg as wenner. Nesia de Beer ontvang R3500 vir haar atjar, Marina Fourie is algehele wenner met preservering en Ria Roets wen R10000 vir Mpumalanga.



25 JAAR Streeksgeskiedenis

Sy ontvang ook hiervoor 'n spesiale voorskoot.

Rieth Roos en Celia Burger van Ouklip presteer ook as wenner van die Aartappelresepte kompetisie in 2014. Twee van hul resepte is onder die finale ses. Ria Roets ontvang prys vir meeste resep ingestuur en haar resep is ook onder die finaal.

Ambelene Freemantle, ook van Oukliptak, is een van Weg se top vyf finaliste in die Top-tert kompetisie.

Die ALZU Kookkompetisie is ook in Middelburg aangebied.

Die opheffing van Vroue is ook baie belangrik vir Kosmosstreek:

2013: In 2013 word die toneelstuk "Voor ek vergeet" opgevoer deur Hannes v Wyk en Amanda Strydom in Middelburg, as deel van Kosmosstreek se fondsinsamelingsprojek vir SAVF-tehuis.



2014: In 2014 word h "Learn to earn"-projek geloods waar huiswerkers ontwikkelingsvaardighede binne en buite die huis aanleer.

2016: Ria Roets besoek die Pluimvee-organisasie in Pretoria in 2016 waar sy opvoedkundige plakkate ontvang wat aan skole versprei word. Kosmos-dames is ook betrokke by opheffing van vroue gevangenes met die "Invent in my Future"-projek. Hul besoek ook saam met Coenie de Villiers en TV die tronk in Bethal en oorhandig wit T-hemde en denims.

Die mensehandel-projek geniet ook aandag en honderde poppies word aan kinders by skole oorhandig.

Kursusse aangebied sluit in: Borduurkursusse deur Anphia Grobler, piouter-werkklasse, decoupage-

werkklasse, grimeerwenke en klerkasbeplanning.

Uitstappies was daar vele deur die jare, Clover, Monte Casino en koffie-en sjokolade ekspos, gesellige tee-oggende vir afsluitings.

Om fondse in te samel word handleidings en resepteboeke teen 'n wins verkoop, oggendtee's aangebied met sprekers asook lootjieverkope vir elke moontlike oulike item.

Jagkaartjies is verkoop vir privaatkool Excelsior in Nambië. Die helfte van die wins het aan die takke gegaan en die ander helfte na die skool.

Die Flik: "The English Patient" is aangebied.

Vroue-dae sluit in die Potpourri Vrouedag, Tossie Lochner-oggendtee, Elzabe Aldrich-oggendtee en Ivy Sutton met "Geniet jou man" – afstofwerk by die televisie sal nooit weer dieselfde wees nie!

Oktober-bierfees is gehou, Matthys Roets-funksie, Stephan Nortjé, sanger en liedjieskrywer optrede, Thys die Bosveldklong by Gal-aand.

Daar was h Potpourri-verkopeding en dans, sop-ensjerrie-oggend, sop-aand en advokado-dag, asook tuinboukursusse.

Voorwaar is Kosmostreek baie bedrywig.

Redakteuse groet

Na 15 jaar as redakteur, waartydens ek 158 uitgawes van "TVLU-NIUS" gescrewe het, lê ek met hierdie - die heel laaste uitgawe van "TVLU-NIUS" - die rug neer.

Dankie vir die geleenthed my gegun. Die ervaring wat ek in die uitgewerswese opgedoen het, het my veryk en die kontak met die lezers wat 'n besondere voorreg.

Dankie aan elkeen wat gereeld bydraeers ingestuur het. Dankie dat u ook verstaan het wanneer ek nie alles kon plaas nie.

Dankie aan die lede wat die publikasie telkens van voor tot agter gelees het, maar dankie ook aan diégene wat, vóór u dit in die vergaderzaal laat lê het, darem vlugtig daardeur geblaai het en kennis van die inhoud geneem het. Ek waardeer die ondersteuning wat ek deurgaans van lezers ontvang het en ek sal die vriendskappe wat ons via die blad gesmeek het, altyd as kostbare kleinode bewaar.

Terwyl "TVLU-NIUS" ook hiermee groet, wens ons die vier nuwe organisasies bale voorspoed met hul eie publikasies/nuusbriefe toe.

Anna Bothoff



KOSMOSSSTREEK Grendeltyd

SAAMGESTEL DEUR: CILA HARTMAN

Kosmosstreek raak oulik met tegnologie. Op 6 Mei hou ons, in grendeltyd, ons eerste zoomvergadering, die nuwe in-ding. Met 'n gespook en gespartel, is almal op en was dit so lekker om almal se gesigte te sien. Ons hou heerlik vergadering. Voor ons afsluit bemoedig en motiveer ons mekaar "this too shall pass."

Kosmosstreek "zoom" soos bytjies. Op 29 Mei hou Kosmosstreek hulle eerste amp-opleiding via zoom. Elke amp het hul eie vergadering-tydgleuf gehad, sodat daar deeglik inligting en nog 'n tydjie vir vrae ook was.

Die jaar 2020 sal nog vir lank op almal se lippe wees. Ons begin die jaar met "LEEF VOLUIT" en leef voluit sal Kosmosstreek doen. Geen virus sal ons onderkry nie.

Weens die covid-pandemie, was daar 'n groot tekort aan maskers in ons gemeenskappe. Kosmos het dadelik ingespring en lede aangemoedig om maskers te maak.

25 JAAR takgeskiedenis

Leeukliptak

Leeuklip VLU tak **is op 13**

Maart 1950 deur Mev. Kit Smit aan huis van Mev. B. Taback gestig.

17 Maart **1995** was 'n historiese dag vir beide Middelburgstreek en Leeukliptak. Die konferensie, aangebied by Hoërskool Middelburg, het 'n nuwe era ingelei. TVLU soos ons dit geken het, het ontbondel en die streke is ingedeel by onderskeie "nuwe" provinsies. Middelburgstreek word herdoop na Kosmosstreek en word deel van Mpumalanga.

Leeukliptak het hierdie historiese konferensie aangebied. Dit was dan ook die laaste konferensie wat deur'n tak aangebied is en ons het behoorlik uitgehang. Dit het ons tak destyds R8000 gekos.

In **2011** word komberse gebrei en geskenk vir Hospice Middelburg en borg ons 'n dogter vir die Rabbadoekamp.

Leeuklip neem deel aan Afriforum se voedselprojek 'n mynstaking en skenk 'n pakkie koekies aan elke bejaarde by Hendrina-ouetehuis.

2012 besoek Leeuklip die Laventelplaas in Witbank en is die jaarafluiting h uitstappie na Duncan Yard. Lecia Steele word as beste voorsitter van **2014** aangewys, asook Mev Groter Middelburg.

Leeuklip vier sy 65ste bestaansjaar by Hoërskool Middelburg se Voorspoed Restaurant, saam met die VLU-skrywer van die jaar, Nico Moolman. Twee lede kry albei hulle 30-jaar lidmaatskapknopies.

In **2016** vind verskeie aktiwiteite plaas. Op 8 Januarie "high tea" te Cren Cullen, in Februarie het die Leeuwifies bietjie by Tee-Vee Electric gaan kuier en kragwys geraak. Maart was konferensie by Riverside en Leeuwifies pront met verskeie prys. Daar word ook h handborduurwerkswinkel by Anphia Grobler bygewoon. 13 April 2016, vind h uitstappie Johannesburg toe plaas om Giselle, dié balletopvoering, by te woon. Na die opvoering het ons almal saam 'n heerlike



Leeuklip kan beskryf word as 'n dinamiese, "jong" en passiewolle tak.

middagete geniet en die verkeer deur die besige stad huis toe aangedurf.

Ons skop **2017** af met 'n hidroloog wat ons van waterbesparing vertel. Na konferensie pront ons

wyfies behoorlik – Lecia Steele word verkies as jongste voorsitter van Kosmosstreek. In April gaan ons wyfies vir ons jaarlikse uitstappie na Corli's Kitchen in Silverton Pretoria. Tydens Kongres 2017 word Lecia Steele verkies as vice-presidente van Mpumalanga-VLU. Leeuklip bars behoorlik uit hul nate van trots.

2018: SAVF ontvang tydskrifte, tydens Junie/Julie-vakansie is vir die kinders tolletjiebrei geleer.

Met die rabbedoekamp hou ons vir die dogertjies 'n "unicorn"-partytjie en bied drie werksklasse aan. Op Vrouedag word Rivierpark se inwoners bederf.

Ons sluit ons konferensieprojek van die jaar 2018 op 'n hoogtepunt af met die maak van 42 waardigheidssakkies.

Leeuklip se familie braai **2019** was weereens 'n groot lekkerte op die kalender! Die mans het deelgeneem aan 'n braaibroodjie-kompetisie, terwyl die dames heerlik ontspan het!

2020: Skenk melkterte aan SAVF-ouetehuis. Die melkterte is gemaak vir takkompetisie en na beoordeling deur Anphia Grobler, is dit geskenk. 'n Verdere 60 bottels van ons 'Meal in a bottle' projek word geskenk aan die 'Heart, Soul and Mind Project', asook aan Mid hartklop.

Dames maak maskers vir die verpleegpersoneel by Midmed Hospitaal en skoottafels vir fondsinsameling, asook vir die streekskongresprojek, geskenk vir bejaarde of gestremde.

Leeuklip kan beskryf word as 'n dinamiese, "jong" en passiewolle tak. Een groot plus punt van Leeuklip is ons groot hoeveelheid jong bloed.

Ons tak is kindervriendelik, wat veral 'n groot verligting is vir ons ma's met baba's en kleuters. Daar is altyd 'n paar liefdevolle arms en instaan ouma's. Ons meer seniorlede is altyd bereid om hulle gawes en talente met die tak te deel.



Margrietjietak

Op 17 Januarie 2017 word 'n nuwe VLU-tak gestig in Kosmosstreek, naamlik Margrietjietak met stigterslede, Cindy Coetze en Isobel Geyser.

Hierdie nuwe tak skop af met entoesiasme en geesdrif en vele werkklasse en demonstrasies word aangebied: Rose van lap en lint, Dorsetveer handborduurwerk, mixed media en paletverfwerk.

In koekversiering volg 'n kursus saam met Belfastak aangebied deur Amberlene Freemantle.

Taklede word geleer om Mandala-hekelwerk te doen, Zentangle, Macrames en Hardangerborduurwerk om maar 'n paar te noem.

Uitstappies is daar gereeld. So was daar jaarlikse uitstappies na Ludwig Rose in Pretoria asook 'n uitstappie na Cullinan.

Die tak lewer ook hul deel in die gemeenskap en vele fondsinsamelings is al onderneem:

25 JAAR takgeskiedenis

Aan pret ontbreek dit nie by hierdie tak nie.

Woon oggendtee by Hospice ter fondsinsameling, sangeres Cordelia kom tree op by Magrietjies en het damesoggend en fondsinsameling saam met Ronell Erasmus.

Spyseniering vir Hospice funksie asook vir 'n Seeff verjaarsdagfunksie is 'n paar van hul aktiwiteite.

Aan pret ontbreek dit nie by hierdie tak nie. Elke verjaarsdag word uitbundig met 'n genotvolle tema gevier soos waterkaskenades en 'n kinderverjaarsdag-partytjie en afsluitingsfunksies is groot pret.

Barista-koffiewinkel, Cuppacinos en tee en koek by "Daily Coffee" is 'n paar hoogtepunte.

Gedurende grendeltyd hou Margrietjietak hul besig met maak van maskers vir Middelburg Ouetehuis en Midmed Hospitaal as skenking.

Verder raak hul die tegnologie baas deur te leer om Zoom te gebruik vir Juniemand se vergadering.



FOTO 1: Magrietjie vier die tak se 3de verjaarsdag
FOTO 2: Magrietjie maak 'Mense handel Poppies
FOTO 3: Magrietjies maak krake in 2017

Lenatatak

Lenatatak begin met **stigting in 1995** met 20 lede onder voorsitterskap van Koekie van der Merwe. Sy word opgevolg deur Marietjie Rossouw in 1996. Elbie de Lange en Miemie Stoltz het ook die poste gevul.

Leegeld was aanvanklik R35 teenoor die R360 tans.

Ongelukkig is vier lede, Ans Kruger, Petro van Niekerk, Joe Enslin en Lorraine Baker al oorlede.

Die Rabbedoekamp het 21-jaar gelede begin as 'n dogterskursus vanaf 3 tot 10 Oktober by Botshabelo en 'n seunskamp (kannetjiekkamp) het gevvolg in Oktober 1996, waarby baie van ons lede betrokke is.

Lenatatak se lede word sterkte en gesondheid vir die res van die jaar toegewens.

Vele uitstappies, demonstrasie, funksies en sprekers is deur die tak gereël.

In Februarie is 'n uitstappie na Amora-voëlpark onderneem waar ons meer oor ons boom van die jaar, die Kremetart geleer het. Ongelukkig het 2020 se Covid 19-pandemie ons gepootjie en was daar was in Maart 2020 laas 'n vergadering en lekker saamkuier geleenthed.

Lenatatak se lede word sterkte en gesondheid vir die res van die jaar toegewens.

Hendrinatak

Hendrinatak word **gestig op 2 September 1944** te Hendrina. Vergaderings word sedert stigting in die NG-Kerksaal gehou. Die tak is gestig op aandrang van die voorsitter van die plaaslike Landbou-unie, Mnr. Koos Louw.

Mev. Smit, hoofbestuurslid van die streek, het die tak kom stig en mnr. Adler, uitbreidingsbeampte van Middelburg, was ook teenwoordig. Mev. Kitty du Toit was die eerste voorsitter.

In Februarie 1945, te midde van die oorlog is die eerste tentoonstelling, wat 'n babaskou ingesluit het, gehou. Mev. Magriet van Heerden, huishoudkunde-onderwyseres, het die beker gewen vir die meeste punte.



Kitty du Toit

25 JAAR takgeskiedenis

...te midde van die oorlog is die eerste tentoonstelling, wat 'n babaskou ingesluit het, gehou.

Hendrina se 70ste en 75ste verjaardae is onderskeidelik gevier.

Jaarliks word konferensies en kongresse gevier, aanvanklik verskriklik deftig met hoede en handskoene en gepaardgaande etiketreëls!

Aangesien Hendrina 'n klein dorpie is, is die tak betrokke by die SAVF en CMR en donasies in die vorm van geld, kos en klere word geskenk.

Hulp word ook verleen aan Ukhuba-kleuterskool en nasorgsentrum met skenkings soos skryfbehoeftes.



Hendrina vier 75ste verjaarsdag by Smithfield

Swartgoudtak

SAAMGESTEL DEUR: HENRIETTA SCHOEMAN EN RIAANA ROBBERTS

Swartgoudtak is **gestig in Mei 1931** (wat ons van die oudste takke maak) op die plaas Meerlus en het bekend gestaan as Hoëveldtak totdat die naam verander is na Swartgoudtak. Daar was verwarring tussen Hoëveldtak en Hoëveldstreek, volgens die ou TVLU-bestuur, so ons moes verander. Dit is meer as 30 jaar gelede.

Stigterslede: J. Kruger (Voorsitter), A. van Niekerk, M. Blaas, M. de Klerk, G. Robinson, J. Reynecke, D. Kruger, C. Davel, M. Opperman (Sekretaresse) en M. van Niekerk.

Die lede was almal plaasvroue van die omgewing.

Tot in 1936 is die vergaderings gehou saam met die boerevereniging se vergaderings.

Die eerste takkompetisies het in 1936 begin en die eerste demonstrasie op 12 Februarie 1936.

Gestig in Mei 1931

(wat ons van die oudste takke maak)

Die tak begin 'n biblioteek in 1941 en die voorsitter, G. Robinson is die bibliotekaresse.

Neem vir die eerste keer deel aan Middelburg se skou in 1947.

Weens die Covid-tydperk hou ons geen vergadering na Konferensie 2020.

Van ons lede het betrokke geraak by die CMR om sop vir die minderbevoordele mense te maak, asook kolwyntjies vir 'n kinderbederf. Een van ons ystervroue, Annatjie Snyman, het meer as 70 maskers gemaak waar daar 'n tekort was.

In Augustus kon ons 'n "lockdown"-vergadering by Charlee Alberts se huis hou en was dit heerlik om almal te sien. Almal het die n werksklas in "chalkpaint" baie geniet.

VLU - Swartgoudtak 80jaar

31 Mei 2001
Swartgoud 70ste verjaarsdag opgegondel
By Winnie du Plessisaal op Blinkpan.

2



3

FOTO 1: Swartgoud vier 80 ste verjaarsdag
FOTO 2: Swartgoud 70 jaar
FOTO 3: Augustus werksklas

Willie Hamman

SAAMGESTEL DEUR: CORRIE LUDWIG

Koringskuur was die naam wat op **24 Maart 1934** aan die nuutgestigte tak gegee is. Mev. H.A. Rousseau word as voorsitter verkies, terwyl mev. Willie Hamman as sekretaresse verkies word.

In 1949 verander die tak se naam na Groblersdal -vernoem na die pasgestigte dorp. **Die tak was bevoorreg om wyle mev. Willie Hamman vir 35 jaar as lid te hê. In 1970 word die tak na haar vernoem.**

"Ons is nie geroep om die hele Suid-Afrika te verander nie. Bepaal u by u eie ruimte, u is die rolspeler in u gesin, u huwelik, u gemeente en u gemeenskap." Dit was die boodskap wat mev. Maretha Alberts gebring het op die 60ste verjaarsdagviering van Willie Hamman wat op 23 Maart 1994 plaasgevind het in die vorm van'n sjampanje-ontbyt en modeparade.

In **2000** ontvang drie lede spesiale toekennings vir onderskeidelik, 40-jar lidmaatskap aan Mollie Viljoen, 30 jaar-lidmaatskap aan Ella Engelbrecht en 10-jar lidmaatskap aan Alice de Beer.

Zanet du Plessis skitter in **2003** waar sy die trofee ontvang vir algehele wenner op kongres en konferensie. Anina Sadie wen derde plek in die gehekelde afdeling. Alice de Beer word verkies as vise-voorsitter van Kosmosstreek.

25 JAAR takgeskiedenis

Willie Hammanlede is passievol oor VLU, hul gesinne, hul medemens en gemeenskap.

Willie Hamman verower algehele derde plek by die provinsie in **2012**. Maryna Kloppers wen algehele prys vir die meeste inskrywings asook meeste punte in die provinsie.

In **2013** ontvang Willie Hamman twee meriete toekennings by konferensie naamlik: beste takalbum, saamgestel deur Nerissa Bondesio en beste tesouriere in Petro Pieterse. Anita Hugo loop weg met die trofee vir meeste punte behaal, terwyl Maryna Kloppers vir meeste inskrywings wen op streek- en provinsialevlak.

Die tak besoek die Wêreld Orgidee-skou in 2013. Taklede is betrokke by die stigting van Utopia Sentrum, opleidingsentrum vir behoeftige en gestremde studente wat veral voorsiening maak vir outistiese persone. Dina Stemmet ontvang 50-jaar lidmaatskaptrekking.

Nerissa Bondesio ontvang meriete toekenning vir voorsitter van die jaar in **2016** en word verkies as vise-voorsitter van Kosmosstreek.

In Oktober **2018** besoek die tak Ludwig Rose en word die Willie Hamman VLU-roos vernoem. Lede skaf hierdie pragtige roos aan. Die tak se ledetal groei tot 45 in 2018. Willie Hamman verower sewe meriete toekennings op konferensie. Sanel Steynberg word aangewys as skakel van die jaar en wen ook album van die jaar. Anita Hugo was die uitblinker van die jaar in die streek.



Mev. Willie Hamman, beter bekend as tant Willie, was sedert die stigting van die tak in 1934 tot haar dood in 1969 aktief betrokke by die Groblersdal VLU tak. Die tak is later na haar vernoem.

FOTO 1: Willie Hamman taklede

FOTO 2: Annetjie de Klerk Tania Lourens, Sonja Creighton, Anita Hugo en Zanet du Plessis wys dat VLU prettig is

FOTO 3: Bokkie Badenhorst Anphia Grobler en Van Dalen

FOTO 4: Die Kombuispan tydens die Rabbedoekamp

FOTO 5: Annetjie de Klerk, Saartjie Hessels en Sonja Creighton is aangetrek soos superhelde tydens superheld dag by Utopia Sentrum

FOTO 6: Alice de Beer, Marietjie Kirchner, Zanet du Plessis, Nerissa

Bordesio en Maryna Kloppers

FOTO 7: Modelle tydens die 60 jaar viering. Adele Kloppers, Anneline Vosloo, Maritha Jonker, Nerissa Bondesio en Annelita Carpenter

Willie Hamman

**25 JAAR
takgeskiedenis**

Op 4 Oktober **2019** word die tak se 85ste verjaarsdag gevier met 'n oggendtee. Die tak is bevoorreg om ses voorsitters as aktiewe lede te hê. Alice de Beer, Marietjie Kirchner, Zanet du Plessis, Nerissa Bondesio, Maryna Kloppers en Sonja Creighton. Willie Hamman spog met heelwat jonger lede aangesien moeite gedoen word om jonger dames blootstelling te gee aan VLU-bedrywighede. Natasha Bondesio en Danika Scheepers onthaal 10 jong dames tydens die verjaarsdagtee.

In **2020** word die takfoto geselekteer om in die VLU-kalender te verskyn. Die foto van dames in rooi geklee beeld 'n positiewe, passievolle groep dames uit.

Willie Hamman se betrokkenheid by die gemeenskap is hoofsaaklik in die vorm van liefdadigheid en in samewerking met ander organisasies in die gemeenskap. Bejaardes in die gemeenskap word bederf en gehelp. Loskopvallei-rusoord word ondersteun deur middel van die skoenboksprojek. Lede maak 'n skoenboks vol bederfies soos sjampoe, deodorant, waslappies en 'n kersfeesgeskenk vir die inwoners. Willie Hamman bak en lewer heerlike koekies aan inwoners .

Onderwys-instansies lê lede na aan die hart. Willie Hamman raak betrokke by Ben Viljoen se Beradingsentrum en skenk kos en klere aan hulle. Willie Hamman help met die reël van 'n tee ter bewusmaking van die sentrum en skenk geld aan Utopia-sentrum. Die tak reel 'n golfdag vir die sentrum in samewerking met Loskop Agri en Obaro. Die golfdag skenk R150 000 aan die sentrum. Taklede gee gereeld skenkings aan Utopia Sentrum vir gestremdes en lede bied elke Vrydag kunsklasse aan leerders.

In samewerking met die tuinbouklub en Obaro word 'n insiggewende tuinbou-oggend gereël.

Lede ondersteun ook die plaaslike liefdadigheidswinkel deur die skenk van klere.

Die tak het 'n jarelange verbintenis met die rabbedoekamp. Dogters uit die dorp woon die kamp by en die tak borg dogters, bied vervoer, skenk kos en bederfgoedjies. Alice de Beer organiseer die kamp en

taklede tree ook as vrywilligers by die kamp op. 'n Jong dame getuig dat sy elke jaar die kamp bygewoon het en dat dit die enigste positiewe ervaring in 'n baie donker kinderlewe was. Sy sal nooit vergeet wat die kamp vir haar beteken het nie.

Lede skenk wol en help brei trooskombersies wat in die gemeenskap uitgedeel word. Plaaslike kleinsake woon VLU-vergaderings by, stal hul produkte uit en kry die nodige mediablootstelling. So ondersteun ons plaaslike inwoners wat woeker met hulle talente.

Elke maand word lede se verjaarsdae op facebook geplaas. Willie Hamman se lede hou hulself produktief en kreatief besig tydens die inperking. Dames word aangemoedig om hulle werk, idees en wenke met mekaar en op fb te deel.

Willie Hamman lede is veeldoenie en baie fluks, hulle pas kleingoed op en maak terselfde tyd komberse, musse en maskers. Lekkers word gemaak, konfyt gekook, beskuit gebak, terwyl ander hul kreatief besig hou en 'n uitlaat vind in skilder en die omskep van meubels in ontwerpers-dekorstukke.

Lede van Willie Hammantak se harte is warm en hulle hande staan vir nik s verkeerd nie. Taklede se omgee vir-mekaar is sigbaar in die heerlike kuier tydens en soms tot laat na vergaderings. Willie Hammanlede is passievol oor VLU, hul gesinne, hul medemens en gemeenskap. Alice de Beer beskryf die tak as 'n familie. Marietjie Kirchner meld dat lede alles uitleef wat in die VLU-gebed staan.

*Op 4 Oktober **2019** word die tak se 85ste verjaarsdag gevier met 'n oggendtee.*



8



9

FOTO 8: Willie Hamman Roos in Maryna Kloppers se tuin
FOTO 9: Sanel Steynberg en Nerissa Bondesio saam met personeel van Destiny Huis

Oukliptak

ONS GROET

Huldeblyk

Yvonne Deiner

Ouklip groet 'n formidabele lid en vriendin.

Yvonne Deiner is gebore op 28 September 1928 en oorlede op 6 Mei 2020.

Yvonne was 61 jaar lid van Middelburgtak, wat later Oukliptak geword het.

Sy sluit aan by die VLU in Februarie 1958 en dien op die bestuur as sekretaresse en vertel altyd van die dae toe vergaderings in Afrikaans en Engels aangebied is

Yvonne neem deel aan kompetisies en het baie presteer in die gebak en brei-afdelings. So het sy 'n eerste plek behaal met haar handgebreide oortrektrui in die "Fair Isle" patroon.

Sy was baie betrokke by fondsinsamelingsprojekte vir die VLU en ook vir die Middelburgse gemeenskap.

So het sy beywer vir fondsinsameling vir die Engelse skool Steelcrest want dit het haar hartseer gemaak dat die kinders na Witbank of Pretoria moes gaan.

Sy was ook die sekretaresse van Sir De Villiers Graaf van die destydse Verenigde Party.

Tannie Yvonne het vele harte gesteel met haar warm glimlag en vele kennis wat sy gedeel het met haar mede-VLU-lede. Sy was die laaste klompie maande in en uit die hospitaal maar, soos sy herstel het, het sy ywerig die vergaderings bygewoon. Haar plekkie is leeg en sy sal verseker onthou word.



Yvonne Deiner het hier haar 60 jaar toekenning ontvang

Huldeblyk

Susan Kidson

Ouklip groet 'n geliefde vriendin

Op 31 Augustus groet Ouklip 'n lid en geliefde vriendin aan kanker.

Susan Kidson het ons haar Susses genoem. Wanneer sy die vertrek ingestap het, het sy die sonskyn en warmte ingebring. Susan het liefde uitgestraal oral waar sy gegaan het. So was die Sondagskool kindertjies by haar kerk ook baie geheg aan haar. Susan het Februarie 2006 aangesluit by Ouklip. Susan was van die begin af 'n baie aktiewe, deelnemende lid. Sy het in elke moontlike kompetisie afdeling deelgeneem, behalwe Masjienborduurwerk. Sy 'n veral uitgeblink in die Middelbaar blomme-afdeling. Skilder was haar groot liefde. Sy het geskilder totdat sy te siek begin word het. Susan het ook vir 'n tydperk op die takbestuur gedien as addisionele lid.

Susan ons is hartseer, maar weet jy is nou by ons Hemelse Vader. Jy 'n jou liefde vir ons Here uitgestraal. Altyd gesê, hoe goed die Here vir jou is. Rus sag, sonder pyn. Jou pragtige glimlag en positiewe gesindheid sal altyd onthou word. Ons innige simpatie aan die familie.



Annette Strydom (voorsitster) drapeer die omgee komberse om Susan Kidson se skouers.

25 JAAR takgeskiedenis

Oukliptak

SAAMGESTEL DEUR: RIA ROETS

Op 16 Mei 1933 word Oukliptak gestig te Middelburg Hoërskool se Kooksentrum, De Kockgebou, Kerkstraat as deel van streek twee.



Die tak het as Middelburgtak bekend gestaan onder leiding van Mev. Kitty Smit, later Pansegrow. Die eerste ampsdraers was mev. Dohman (voorsitter) en Mev. Kitty Smit (Sekretaresse) en in September/Oktobre 1994 is die naam na Ouklip verander.

Tydens Maart 1995 se streekkonferensies is die 21 bestaande streke ontbind en 13 splinternuwe streke met pragtige nuwe name gestig. **Anphia Grobler, lid van Oukliptak, word as eerste streeksvoorsitter verkies.**

Hoogtepunte in die afgelope 25 jaar is daar volop.

Ouklip presteer by verskeie konferensies en op 2 Oktober

*Ons is 'n omgee-tak,
altyd daar vir mekaar.*

2010 vier Ouklip sy tagtigste bestaan met 'n oggendtee by Riverside.

Ouklip kry 'n nuwe vaandel, wat tydens Annette Strydom se tydperk as voorsitter begin het.

Ouklippies is baie betrokke in die gemeenskap. Van die lede dien op die Hospice-raad en CMR-raad.

In 1995 is daar koekpakkies opgemaak vir die minderbevoorregte kinders van die voedingskema van Laerskool Middelburg en Laerskool CR-Swart.

Neutbome, geskenk deur Dawn van Baalen, word by die kerk "The light of Cross" aangeplant.

Ouklip besoek Dullstroom se Epilepsie-tehuis. Broodnodige toileware is oorhandig en die inwoners is bederf met heerlike koek.

Ouklip se lede is baie ondersteunend teenoor mekaar in lief en leed. **Ons is 'n omgee-tak, altyd daar vir mekaar. So het Ouklip se lede saamgestaan en vir Susan, watiek is met kanker, 'n gehekkelde omgee-kombersie gemaak.**



FOTO 1: Dawn van Baalen en Annette Strydom sweet in die hitte, terwyl hulle die boom plant.

FOTO 2: 80ste vlu verjaarsdag.

FOTO 3: Die ou vaandel.

FOTO 4: Ouklip het 'n herwinnings bruikbare artikel takkompetisie geloods.

FOTO 5: Ouklip aangetrek volgens "Gatsby" tema. Elsie en Anphia se vyftigste verjaarsdag viering, albei verjaar in Januarie.

Foto: Vlnr.: Rina Faure, Rose-marie Jansen, Marinda Roos, Elsie Verstfeld, Dawn van Baalen, Susan Kidson, Antoinette Ybers (tans Marias)

Inspirasie-stasie met Elena Martens

STREEKSVOORSITTER MALIEVELD



“Counting time is not as important as making time count”

EK
MIS...

GRENDELTYD

Dagsé almal

Die begin van my ampstermy het ek heeltemal, maar heeltemal anders, voorgestel. Op hierdie stadium voel dit of daar iemand was wat iewers die “hold” knoppie gedruk het en dat ons enige oomblik weer gaan wegspring en vinnig beweeg soos in die verlede, maar helaas nie!

Ek sien orals mense tel en sê soveel dae van inperking!! Ek tel nie die dae en weke en maande nie, maar die feit is, dis verwoedelik lank en glad nie lekker nie. **Ek mis my VLU-vriendinne, ons saamkuier, ons saam wees.** Ek mis om te gaan inkopies doen of net in die winkels rond te loop sonder om soos ‘n gemaskerde kwaaddoener te voel, met taai en skurwe hande. Ek mis om tuinbouklubvergaderings toe te gaan want meeste van ons is te oud om bymekaar te kom. Ek mis om kerk toe te gaan want verkieslik, so vra hulle, moet jy maar huis bly omdat jy ‘n sekere ouderdom bereik het.

Wat ek wel geleer het is om ‘n Zoomvergadering by te woon, om heerlik te lag en selfs te voel asof ek midde in ‘n takvergadering is, maar dan is dit net ‘n whatsapp-vergadering. Een van die hartseerste dinge om te doen was ‘n virtuele begrafnisdienis, nie soseer omdat die persoon oorlede is nie – ja daaroor was my hart baie seer – maar die feit dat jy nie in persoon kon afskeid neem of vertroosting bied nie. **Ek het ook geleer ‘n selffoon is vir meer as net ‘n oproep maak of ‘n prentjie aanstuur vir iemand.** Dit het ons belangrikste verbindingsstuk geword met die buitelewe. Ek het geleer hoe belangrik is my medemens en hoe kosbaar is die lewe. En, ek het geleer vriendinne is genadevulkies, ja vulkies, hulle krap en dolwe en maak gelyk en plant blomme!

Dié stukkie het ek iewers raakgelees – “Counting time is not as important as making time count”. Waar nê!

Elena Martens

VROUWE LANDBOU UNIE
MPUMALANGA

MALIEVELD

GROEI TOT VOLKOME VROU

Malieveldstreek die afgelope 25 JAAR

Malieveldstreek is sinoniem met Innibos en koeksisters bak.

Maaida Miljo en Sunette Barnard is die baas beoordelaars wanneer dit by beoordeling kom.

In 2013 beoordeel hul saam met Peter Veldsman die Hulets-koeksisterkompetisie. Hulle beoordeel ook saam met Tiaan, is op die verhoog saam met Dowwe Dolla en Ghapi en leer ook die manne van die ATKV koeksisters bak. Tydens die skou van Mpumalanga beoordeel Sunette en Wendy Bam die My koekies of joune-kompetisie. Hulle ontvang dan ook tydens kongres spesiale voorskote van Rina Potgieter vir hul werk met skoolkinders in die bak van koeksisters.

Malieveldtak was deel van die ou bedeling van TLU en met die ontbondeling in 1995 gaan Malieveld aan as een van die drie streke met Jean Coetzer as streekvoorsitter. Lilian Weber neem oor in 1998. In 2000 vind die herdeling in ses streke plaas en word Santa Kruger streeksvoorsitter.

Die streek floreer en bestaan in 2004 uit elf takke waarvan Barberton, Flamboyant, Fleur de Lis, Lebombovallei, Loerie, Nelspruit en Schoemanskloof vandag nog aktief is.

Rina Potgieter word streeksvoorsitter in 2006, na haar is dit Mariette Joubert vanaf 2012 en in 2018 neem Sunette Barnard oor. Die huidige streeksvoorsitter is Elena Martens.

In 2015 word 'n nuwe streekvaandel bekendgestel deur Mariette Joubert.

Wanneer dit by gebak kom, is die Malievelders voor in die koor.

Malievelders is baie betrokke by die gemeenskap van Nelspruit.

Met die Agriskou in 2018 neem alle streke deel en word werksklasse aangebied. Lenie Groenewald bied 'n breimarathon aan en alle streke maak kersbome.

Die kongresprojek van 2018 het 6000 poppies uit Malieveld alleen, opgelewer.

Wanneer dit by gebak kom, is die Malievelders voor in die koor.

In 2015 wen Esme Venter van Barbertontak met haar Ystervark Cupcakes, die Clover-kompetisie en in 2017 is Petro Knoetze die wenner van die peppermintert.

Streeksvergadering op 9 Februarie 2018 was 'n heerlike, sestig Hippiefees.

Streeksdae is altyd 'n baie spesiale geleentheid en die mini Herfskool in 2019 was beslis 'n hoogtepunt.

Werksklasse in Mochilla-hekelwerk, Sri Lanka borduurwerk en raam in tekstuurstaptaart het groot byval gevind.



FOTO 1: Malieveldlede by Kongres

FOTO 2: Saam met Peter Veldsman

FOTO 3: Ontvangers van die poppie-projek

FOTO 4: Hulets 2015 saam met Dowwe Dolla

FOTO 5: Hulets Koeksister beoordelaars 2016

FOTO 6: Malievelders saam met Dawie Roodt

FOTO 7: Hippiefees streeksvergadering

FOTO 8: Koekie-kompetisie wenner Helena de Lange

FOTO 9: Breimarathon

Finesgetak

SAAMGESTEL DEUR: LEANDRI JOUBERT

Die tak se heel eerste vergadering het plaasgevind op **20 Julie 2011** by die NG-Kerk Lapa in Emkestraat Nelspruit. Die vergadering was onder andere bygewoon deur die stigter Maureen van der Walt, wat steeds 'n lid is. Die hoogtepunt van die vergadering was Margaret Strydom wat meer vertel het oor klerekasbeplanning en kleur-analise. Almal het saam knippies geplak vir 'n handwerkie.



In November 2012 is 'n skenking gemaak aan Annebel vir behoeftige meisies.

Nog 'n hoogtepunt was beslis die ikoniese boemelaarsvergadering wat gehou was op 14 Augustus **2013** in die klubhuis op Friedenheim. Almal het soos boemelaars aangetrek en op die gras gesit en vis-en-skyfies uit koerantpapier geëet. Saam met ons was T.J. Maree wat in beheer is van die gemeenskapsforum in Nelspruit. Ons het aan hulle 'n finansiële skenking asook nie-bederfbare kosse gemaak.

Op 8 en 9 Maart **2014** het ons deelgeneem aan die Relay for Life.

In Oktober **2015** is 'n skenking gemaak aan huis Bethlehem.

In **2016** het ons fikser lede deelgeneem aan die Colour

25 JAAR takgeskiedenis

*Vir die meeste van ons lede was Zoom
'n splinternuwe woord*

Run met baie ondersteuning van die kantlyn af.

In September 2011 het ons deelgeneem aan 'n skoenboksprojek vir skoolbehoeftes.

In **2019** neem ons deel aan die landswye bokse vir boervroue.

Vanaf 2019 het ons deurlopende betrokkenheid by Huis Tamar begin deur saam met die dames 'n heerlike sop-en-broodjie-aand, deur Finesse geskenk, te geniet. Dit is opgevolg met 'n pannekoek-aand. Die einde van die jaar het ons gehelp met bokse vir die kinders met skoolbehoeftes en bederfies.

Vir die meeste van ons lede was Zoom 'n splinternuwe woord, maar dit het ons nie afgeskrik nie en met 'n geskarrel en 'n gegiggel het ons eerste Zoom-vergadering op 13 Mei 2020 afgeskop.

Dit was heerlik om weer mekaar se gesigte te sien en ons het heerlik gesels, meestal oor Covid, en hoe ons onself besig hou in die grendeltyd. Maureen het vir ons gewys hoe om 'n rosie te maak uit lint wat weer eens in vreeslike pret ontaard het. Magdaleen Swanepoel hekel vir haar kleinkinders komberse en het ons heerlik aan die lag met haar reël dat na die winter hulle dit terug moet gee sodat sy nog 'n paar rye aan kan hekel vir volgende winter as die kinders groter is.

Huis Tamar lê baie na aan ons harte en met sommer met die **aanvang van die grendeltyd het ons vir die dames sop, brood, en sommer 'n hele paar ander noodsaklikhede geneem**. Later in die grendeltyd het ons ook n verdere 'drop en go' by Huis Tamar gedoen waar klere, linne en nog n rondte kos afgelewer is.

Verder het ons dames ook hard gewerk aan die projek vir die kongres en het ons 37 sakkies afgelewer by Watervalboven se ouetehuis.



FOTO 1: Boemelaars Vergadering
FOTO 2: Colour Run - Maureen van der Walt, Charmaine Viljoen, Magdaleen Swanepoel, Hermien Oliver
FOTO 3: Deel van Tamar uitryk Magdaleen Swanepoel Hester Lubbe en Melinda van den Berg

Flamboyanttak

SAAMGESTEL DEUR: ANNAMERIE WILKINSON

Flamboyanttak is gestig op **12 Junie 1974** om 3nm in die auditorium van die huidige biblioteek in Nelspruit. Ria Kritzinger was streeksvoorsitter van die Oos-Laeveldstreek en Lina Venter voorsitter van die Nelspruittak. Takledeegeld was R5.00 per jaar, posbusuur was R5.00 per jaar en naamplaatjies 25 sent.

Daar was baie hoogtepunte die afgelope 25 jaar. Hier word net 'n paar hoogtepunte uitgelig.

- Van die taklede woon SAVLU se 80ste bestaansjaar by in Pretoria by die Voortrekkermonument
- Flamboyant bied in 2015 en weer in 2018 die streekvergaderings aan. In 2015 gebruik ons die produk van die jaar, mielies, as tema en groen om die vergadering aan te bied en in 2018 was die tema Moulin Rouge in rooi en swart.
- In 2016/17 en 18 bied ons oggendtee's aan om geld in te samel, met onder ander Gerrie Jordaan en Altus Theart wat ons vermaak.
- Drie van ons lede woon die SA-Kongres by in Windhoek in 2018.
- In 2019 kom kuier Sonja Heroldt. Ons bied dit saam met Bergylam Hoërskool (een van die plaaslike hoërskole) aan.
- Lede wat tans nog in Flamboyant is nl. Rina Potgieter word verkies tot Mpumalanga-presidente van 2012 tot 2018 en SA vise-presidente van 2014 tot 2018 en Mariette Joubert word verkies as tesouriere van Mpumalanga van 2012 tot 2019. Rina Potgieter asook Mariette Joubert was streeksvoorsitter. Voormalige voorsitters nl. Peggy le Roux, Lina Venter en Ria Kritzinger was op Malieveldstreek se bestuur en Jean Coetzer was streeksvoorsitter.

25 JAAR takgeskiedenis

Flamboyant is uniek in die opsig dat ons jongste lid 45 jaar is en ons oudste lid 87 en die gemiddelde ouderdom is 68.

Flamboyant was by baie projekte betrokke in die gemeenskap. Hier net 'n paar onlangse projekte.

- Dashaskool vir gestremdes – ons bak kolwyntjies en gaan help die kinders om dit te versier tydens hulle pouse.
- Brei en hekel en maak sagte speelgoed wat ons by Lowveld Hospitaal uitdeel vir kinders wat 'n operasie moet kry.
- Leer Bergylam Hoërskool se leerders hekel -, brei -, naald – en borduurwerk.
- Brei en hekel eendjies om mense bewus te maak van orgaanskenking. Deel dit in die omgewing en by Lowveld Hospitaal uit.
- Brei blokkies vir Solidariteit



Santa Kruger, Elba Kruger, Ursula Goh (Wêreldbond van Vroue se presidente van Maleisië), Almarie van Rooyen en Rina Potgieter.

VLU fokus op vroue in die landelike gebiede

Dames van die Vroue-Landbou-Unie se Malieveld-streek het oelanders die Suid-Afrikaanse kongres van die VLU in Buffelspoort bygewoon. Die kongres, wat van 9 tot 11 Oktober plaasgevind het, het vanaf



Klink 'n glasie op 21 jaar: mev. Eleanor van Tonder (links), die eerste voorstander van die tak, is hier saam met mev. Jean Coetzer, die huidige voorstander van Flamboyanttak.

Flamboyanttak van TVLU vier 21 jaar

■ Irma Green

NELSPRUIT - Die Flamboyanttak van die TVLU het Dinsdag groot rede gehad om die sjambokprojeksie te laai skieloe die tak sy mondigheidsoptog.

Die huidige voorstander, mev. Jean Coetzer, het gesê die tak sien nie na nog 21 sulke jare meer nie. Sy het ook op die sukses wat die tak nog gaan behou.

Die stigtersvoorstander, mev. Eleanor van Tonder, het die geleenthed bygewoon en saam met die res van die tak gevier.



FOTO 1: Jeanette le Roux van Flamboyant en haar dogter Anita in middel is 'n dame van Dignity Foundation Sy en Anita het saamgewerk om boodskap oor mensehandel aan skole te versprei. Die poppies wat gebrei is was 6000.

FOTO 2: Flamboyanttak se voorstander Retha help om leerders te leer hekel

FOTO 3: Flamboyanttak Mrt/Apr 1995

25 JAAR takgeskiedenis

Grendeltyd was 'n onbekende terrein wat ons betree het. Die Flambojancers het soos een man saamgestaan, en maskers begin maak vir onself, mediese personeel en bejaardes. Daar is fluks gewerk. Patrone is uitgeruil, navorsing gedoen oor watter materiaal die beste sou werk, verskillende rekkies tot kinders se haarrekkies het in die slag gebly.

21 April 2020: n Baie opwindende en geskiedkundige oomblik het vir Flamboyant-VLU-dames aangebreek. Ons het die eerste digitale takvergadering gehou. Mariette het met die briljante idee vorendag gekom om die isolasie van ons vrouens te breek met Alta Bril, Mariette Joubert en Mavia du Plessis as gasvroue.

Ons Tema is Landbou. Retha lei die Algemene Vergadering, daarna het Mariette 'n gasspreker gereel Luna Grant van "Projek maak 'n verskil". Mariëtte bespreek die effek van die Koronavirus op die landbou, die uitvoerbedryf en op plase. Daarna het sy 'n demonstrasie van foto's vir ons geplaas van die heerlike piesangblatjang wat 'n kompetisie-artikel is. Rina gee borduurklas en los ook 'n stemnota om ons lus maak om verder te werk.

Flamboyant is uniek in die oopsig dat ons jongste lid 45 jaar is en ons oudste lid 87 en die gemiddelde ouderdom is 68. So die jongstes het nou kans om by die oues te leer, wat ook die geval is. Elke lid groei ook in haarself en ontdek haar talente vandat sy aangesluit het. Almal ondersteun mekaar al is dit net met 'n mooi gedagte op die whatsapp-groep of bid vir mekaar in watter omstandigheid jy jou ookal bevind. Ons probeer altyd met 'n positiewe gesindheid alles aanpak.



Rina Potgieter skryf die volgende gedig met die tak se 45 ste verjaarsdag:

*Ons 35-ste verjaardag voel soos gister ...
tyd hardloop vinnig my liewe VLU-suster.
Opgewonde flamboyante vroue bymekaar
met mooi herinneringe aan hierdie 45 jaar!*

*Ons kon lag en huil en gesels oor groeipyne -
beslis baie positiewe dinge so tussen die lyne.
VLU-Flamboyant se dames is vol ywer, passie en is toegewyd,
ons het elke geleentheid aangegryp in hierdie tyd.*

*Van ons dien op VLU-Malieveld en Mpumalanga se hoofbestuur
'n heerlike voorreg wat ons besig hou - uur vir uur!
Om op te hef en VLU uit te leef is in ons bloed en are -
mag dit so wees vir nog baie jare!*

*Projekte is saam aangepak met volop idees,
talente en kennis is gedeel en ons het ook die beste gees!
Mag daar nog vele geseende jare vir Flamboyantak wees -
jare waarin ons missie en vise deel sal bly van ons VLU -vlees.*



Fleur-de-Lis

SAAMGESTEL DEUR: JEANETTE RELLING

Die aandtak vir hoofsaaklik werkende vroue is op **17 Mei 2001** in Nelspruit gestig. Die heel eerste bestuur was: Janet Alegra (Tesorier), Elza Vorster (Sameroeper), Petro Jordaan (Sekretaresse), Elba Kruger (Voorsitter), Hester Swanepoel (Skakelbeampte)



Fleur-de-Lis se 10de verjaardag word stylvol gevier met 'n heerlike teeparty.

Fleur-de-Lis het bygedra tot die vaslegging van die rykdom, kleurrykheid en verskeidenheid deur die woord "fleur" in die Woordeboek van die Afrikaanse Taal te borg.

Betrokkenheid by die gemeenskap is belangrik.

- Is betrokke by die Kamagugu-skool vir kinders met spesiale leer behoeftes.
- Sporttoerusting en skoonmaakkmiddels word geskenk aan Victory Parkskool.
- Skenk gereeld kruideniersware en toiletware vir huis Tamar.



FOTO 1: Adri in aksie tydens die kaartjiesmaak demonstrasie

FOTO 2: Grendelgroet

FOTO 3: Verjaardagtee. Fyn en vroulik

25 JAAR takgeskiedenis

Fleur de Listak bestaan uit 'n groep uitgelese, raakvattervroue.

Fleur de Lis het in grendeltyd vier virtuele vergaderings aangebied waartydens 'n nuwe hekel- of breisteek vir die kombersblokke waarmee ons besig is vir volgende jaar se projek, aangeleer is.

Die dames het baie gou die "Grendelgons" onder die knie gekry en die vergaderings het van die opening tot die afsluiting seepglad verloop met stemnota's, emoji's en sneltikteks!

Fleur-de-Lis het op 17 Mei 2020 hul 19de verjaardag "virtueel" gevier: Elke lid het moete gedoen om 'n mooi teetafel/skinkbord te dek. 'n Spesiale eetdingetjie is gemaak en foto's van ons individuele teepartye is met almal gedeel.

Lede het baie fluks aan verskeie projekte gewerk en verskeie "ou" projekte is uitgehaal, afgestof en klaargemaak. Sommige lede het vir die eerste keer kruisesteek-borduurwerk probeer en 'n groot nuwe liefde ontdek. Kombuistoestelle het pragtige nuwe jassies gekry, werkskamers is reggepak en tot die honde is bederf! Daar is gebrei en hekel dat dit klap en Almarie het ook legkaart gebou. Bak en brou was ook baie gewild tydens die grendeltyd en heelpartye smulgeregte is voorgesit. Maskers by die dosyne is gemaak!

Fleur de Listak bestaan uit 'n groep uitgelese, raakvattervroue. Een van die tak se kenmerkendste eienskappe is dat elke lid waarskynlik meelewend is. Lede neem met oorgawe deel aan kompetisies en projekte sover as hul ander werksverpligteginge dit toelaat. **Gesellige samesyn is belangrik.**

Dit is heerlik om een maal per maand heerlik saam te kuier, van al die werksdruk te ontsnap en om nuwe vaardighede aan te leer en vrouwees te geniet.

25 JAAR takgeskiedenis

Lebombovallei is 'n vrolike, lewenslustige klomp vriendinne met omgee-harte

Lebombovallei

SAAMGESTEL DEUR: JOELENE CALDEIRA

Hanna van den Berg was 'n nuwe intrekker in die dorp en kom uit Tzaneen-area waar VLU sterk was. Sy het paar vroue bymekaar gebring in Maart 2001 by Croc River Lodge in Komatipoort en vir hul vertel van die doen en late van VLU. Heerlike eetgoedjies is voorgesit en daar en dan is 'n komitee gestig en jaarprogram uitgewerk. Santa Kruger was streekvoorsitter en het die tak kom inhuldig.

- Ons hou van bome plant in die dorp elke jaar September.
- Elke jaar bederf ons tak die oumense tydens die jaarlikse skou met 'n bederfete en 'n kunstenaar.
- Ons dra by tot 'n matriekdogter se matriekafskeidsrok.

Gedurende Mei, Junie en Julie in 2020 word whatsapp-groepsvergaderings gehou.

Elma Basson en Stella du Preez bied 'n herwinningsklas aan deur lekkergoed en skyfies se sakkies in dun stroke te skeur en dan 'n handsak daarvan te maak deur dit oorkruis te vleg.

Wendy Bam demonstreer hoe om Battenbergkoek te bak en te versier. Carla Badenhorst demonstreer 'n ontbyt burrito vanuit haar huis.

In Juliemaand was daar 'n demonstrasie om met sykouse of lang stroke plastieksakke, 'n badkamermaat te hekel.

Lede het ook deur middel van 'n video-demonstrasie geleer om ciabattabrood te bak. Dit was kostelik hoe die brode uitgekom het. Baie vroue het heerlik gebak en brou in hierdie tyd.

Paar lede besluit om 'n "lockdown" kwilt te maak deur klein borduurprente, van dit wat na aan die hart lê, uit te meet.

Maskers word ook gemaak vir omliggende boere en werkers.

Lebombovallei is 'n vrolike, lewenslustige klomp vriendinne met omgee-harte en 'n passie vir die lewe. **Ons VLU is die gom wat vriendinne bymekaar hou.** Die lus om nuwe tegnieke aan te leer en mekaar te ondersteun en motiveer is in elkeen se hart.



FOTO 1: Lebombovallei dames

FOTO 2: Tannie Hester Hughes was lekker verspot en het vir haar kleinsen 'n broek gehekel. Hy wou eerig een gehad het.

FOTO 3: Kombers vir Karel: Ons tak het vir Karel van Mosambiek 'n kombers gehekel met liefde, want sy ma en oma is orleerde en hy het nooit so mooi bers gekry nie.

Loerietak

SAAMGESTEL DEUR: IRIS KÜHN

Op voorstel van Sinie du Plessis, gesekondeer deur Lina Venter, die streeksverteenvoerdiger, word op **18 Maart 1983** die tak aan huis van Sinie du Plessis gestig. Tien stigterslede is teenwoordig en bestuur word gekies. Voorsitter: Marie Cronje, vise; Sinie du Plessis, sekretaresse/tesouriere; Susan Strijdom: skakelbeampte; Isabel Steyn.

Loerie as naam en embleem word aanvaar. Modeparade word gehou as fondsinsameling.

Loerietak is deel van Innibos-kunstefees van dag een en samel fondse in met hul koffiestal om skenkings en hulp aan die gemeenskap te bied en opheffing van die vrou te verseker.

Nuwe Loerietakvaandel word in gebruik geneem in Januarie 2014. Vyf loeries pryk nou op hierdie vaandel om groei in ledetal en kennis uit te beeld. Die vrugte duif op die vrug wat ons moet dra om 'n verskil te maak en stel voor liefde, vrede, vreugde, nederigheid, vriendelikheid en selfbeheersing.

Loerietak is baie betrokke by gemeenskap en Damascus-tuiste vir haweloses word van voedselskenkings voorsien en werksklasse aan vroue en mans word aangebied.

Ouetehuise en Kanker-organisasies word besoek en skenkings gemaak/ werksklasse gehou.

Diereversorgingseenhede word ondersteun deur medikasie en voertuig-instandhouding te verseker.

25 JAAR takgeskiedenis

Die Loeries leer, lewe en los hul positiewe voetspore verseker.

Pro-Gratia-skool vir Spesiale behoeftes: Skenkings, handvlytklasse, kookklasse word aangebied, Kersmarkte word gehou vir fondsinsameling asook h golfdag en veiling vir Orgaanskenkings ondersteuning. (Nier oorplanting)

Pret het die Loeries verseker ook en met hul 30ste verjaarsdagviering het die Loeries 'n heerlike pretdag saam met Steve Hofmeyer.

Die Korona-pandemie ruk almal tot stilstand wêreldwyd.

Die Loeries se ingesteldheid was reg, ten spyte van omgekeerde lewens. Digitale kommunikasie het 'n norm geword en ons taklede het by die kontakmetode behendig aangepas en steeds vergadering gehou en so gebeur ons opwindende Loerietak-digitale Covid-19-vergadering op 30 April 2020, by elkeen se grendeltuiste, tydens lockdown-level 5.

Baie dankie aan Ciska (Voorsitter), en helpers vir die digitale vergadering inisiatief, asook vir die stapsgewyse demonstrasies van preservering (piesangblatjang), lekkergoed (honeycomb met neute) en gebak (mikrogolf kopkiekoek).

Almal word aangemoedig om kreatief besig te bly met die kompetisie-artikels as 'n vlytige tydsverdryf.

Hierdie digitale takvergadering is beslis 'n geskiedkundige inskrywing op die Loerietak se 2020-kalender!

Die Loeries leer, lewe en los hul positiewe voetspore verseker.

FOTO 1: Loerietak koffiestalletjie by Innibos- Kunstefees

FOTO 2: Loerietaklede

FOTO 3: Loeries groet in grendeltyd

FOTO 4: Loerietak artikels

FOTO 5: Vlu Loerietak bied 'n pretoggend saam met Steve Hofmeyer tydens hulle 30ste verjaarsdagviering.



1



2



4



5

25 JAAR takgeskiedenis

*Vir die meeste van ons lede was Zoom
'n splinternuwe woord*

Querida tak

SAAMGESTEL DEUR: STELLA VISSER EN DALEEN FARMER

Henriette Schoeman, destydse SAVLU- Presidente en Rina Potgieter, streekvoorsitter van Malieveldstreek, was teenwoordig by die stigtingsvergadering op 25 Maart 2010. Rina Potgieter het die VLU aan die lede voorgestel en Henriette Schoeman het die VLU in geheel geskets. Daar was 14 lede teenwoordig. Voorstelle vir 'n naam is gedoen en daar is op Querida besluit. Die bestuur is verkies en die ledegeld is bepaal op R300.00. Daar is ook besluit op watter dag en datum vergaderings sal plaasvind. Drie lede wat by die stigting betrokke was en twee lede wat in daardie selfde jaar aangesluit het, is tans nog lede.



Stigterslede van Querida in 2010

In die tien jaar van die tak se bestaan is daar agt keer konferensie gewen met die meeste punte.

Op 9 Augustus **2011** het twee lede die tak verteenwoordig by die 80ste verjaardagviering van SAVLU by die Voortrekkermonument.

In die tak se eerste jaar van bestaan en slegs ses maande oud, het Querida al die pryse asook die Vuur-en-vlam-trofee ontvang.

In 2011 was die tak die streekkoördineerde van Helpende Hand. Nie-bederfbare goedere en klere is

geskenk aan mnr. Andy de Beer van Illios vir die mense wat hy onder sy sorg gebring het totdat hulle weer gereed is om in te skakel by die samelewing.

Die tak het drie jaar agtereenvolgens die matriekafskeidsete by die Laeveld Akademie in Witrivier aangebied. Dit is gestaak omdat dit onveilig begin raak het vir dames om so laat in die aand huistoe te ry.

Malieveld het **in 2015** Solidariteit Helpende Hand se brei-'n blok-projek ondersteun. As sameroeper van Malieveldstreek, was dit Santa Kruger se taak om al die blokkies te versamel en dit aan Solidariteit te oorhandig. Op 'n stadium was daar alreeds 3873 blokkies en 17-voltooide komberse wat vervoer moes word. Dit het meet en pas gekos om al die blokkies agter in haar voertuig te laai.

In 2016 het die tak die oudste lid in Malieveld gehad. Met haar dood was sy 89 jaar oud.

Die tak het ook in Junie 2016 aan die Alzu-eierkompetisie deelgeneem waarvan Elena Martens 'n finalis was.

Op 16 februarie **2017** borg die tak R600.00 vir 'n Mashesha-stoof wat skoner brand as wat 'n vuur met hout sou brand en hoef gemeenskappe nie ver te gaan om hout aan te dra om kos te kook nie. Dit word bemark in afgelêe plekke waar skole gevoed word en word gebruik vir die opheffing van gemeenskappe en die mense wat vir hulle moet kook.

Die tak het vanaf 2017 begin om plastiese proppies bymekaar te maak ten einde 'n rolstoel te bekom. Daar moes 450-kg proppies wees om te kwalifiseer. Dit het ongeveer 2 jaar geneem om dit bymekaar te kry en dit was 'n lang proses daarna om die stoel uiteindelik in die hande te kry.



FOTO 1: Santa Kruger se voertuig propvol gelaaai met blokkies
FOTO 2: Elena se bakkie gelaaai met proppies
FOTO 3: Alzu-eierkompetisie deelnemers

Queridatatak

Die tak het ook aan die Yellow Duck-projek deelgeneem en lede het ywerig deelgeneem en die mooiste eendjies gemaak. Heelwat is versprei en van ons eendjies is, behalwe plaaslik versprei, Kaap, Ierland, Italië, Engeland, Stilbaai, Hermanus en Kanada toe.

In 2020 word Elena Martens, voormalige Voorsitter (2019) van die tak, verkies tot Streeksvoorsitter van Malieveld.

Lockdown", inperking, grendeltyd.

In Querida-taal beteken dit kreatiwiteit, hekel-en- breityd, bak, brou en virtuele kuiertyd. Die dames van Querida sit nie vir 'n oomblik ledig tydens hierdie vreemde tyd waarin ons leef nie.

Hekel en brei is die gunsteling tydverdryf en verskeie mantels, nekverwarmers, musse, truitjies, plekmatjies en stewelboordjies sien die lig.

Om maskers te maak was eers 'n noodsaaklikheid, maar het intussen in 'n kuns verander. Ons dames het seker gemaak dat 'n redelike voorraad maskers by verskillende

instansies afgelewer word, maar daarna het die pret begin. Janetha Jooste wen die prys vir die oorspronklikste ontwerp!

Stella is dan ook die een wat die tak se wiele aan die rol hou en ons **almal gereeld nooi vir 'n virtuele koffie-afsprak, want ons is mos bekend vir ons gereelde koffie afsprake.** Die res van ons werk, maak skoon, spandeer tyd saam met die familie en leef elke dag vir die oomblik.

Van inkleur tot piouter werk, babaklere en verjaarsdag partytjies, naaldvilt, fotografie en materiaal verf, **Querida sal die swaarkry met lekkerkry klaarkry!**

Daar heers 'n hegte band tussen die lede van die tak. Almal kom met mekaar oor die weg en daar is altyd 'n gees van samehorigheid teenwoordig. Ons reël gereeld koffiedrinksessies waar daar heerlik gekuier word. Ons deel in mekaar se lief en leed en sal ver gaan om mekaar by te staan.



Daar heers 'n hegte band tussen die lede van die tak.

FOTO 1: Dromme volproppies by Elena se huis
 FOTO 2: Collage van al die grendeltyd aktiwiteite
 FOTO 3: Santa Kruger en Elena Maartens tydens 'n werkklas
 FOTO 4: Querida vier hul verjaarsdag
 FOTO 5: Queridatak lede poseer met hul hoede

Schoemanskloof

SAAMGESTEL DEUR: AMANDA VAN DER LINDE

Op 24 September 1953 word tak gestig aan huis van mev Lina Havenga, plaas Somerset, Machadodorp, onder leiding van mev. Lulu Gouws, hoofbestuurslid. Haar raad was "start where you are with what you have". Mev Havenga, verkies as voorsitter sê aan die lede: **"Dis nie 'n kuns om 'n tak te stig nie, maar om dit aan die gang te hou."**

Verskeie uitstappies is aangepak deur die jare en geesdriftig bygewoon deur alle lede. In 2004 was dit Milly's Forel-aanleg, 2005 Swazi Candles in Swaziland, 2006 Margaret Robberts kruieplaas, 2008 Graskop, Hazyview en Witrivier.

Hoogtepunte was daar ook volop: 2016 Kongres met Amorè Bekker en Jannie Moolman, 2018 vrou van

25 JAAR takgeskiedenis

*Ofskoon ons die tak met die minste lede is,
heers daar die grootste vriendskapsbande
tussen ons lede.*

koerantpapiersakke vir Kongres, 2019 in Meimaand woon vyf lede mini-herfsskool by en Marina van Eeden bied Mochilla-werksklasse aan.

In 2019 geniet ons die heerlikste afsluitingsfunksie by Janet Marais en Shannon Hartslef en in 2020 ontvang Anna Wienand haar 20-jaar lidmaatskapkenteken.

Die tak se laaste vergadering was op 19 Maart 2020 en daarna was almal vir die grendeltyd ingehok. Ons dames het hulle besig gehou met die breiprojekte en ook allerlei produkte en handwerk vir hul self en hul huise.

Ofskoon ons die tak met die minste lede is, heers daar die grootste vriendskapsbande tussen ons lede.




FOTO 1: Groep lede wat 'n onlangse vergadering bygewoon het.

FOTO 2: 20 Jaar toekenning

FOTO 3: Grendeltyd aktiwiteit

FOTO 4: Swaziland

FOTO 5: Uitstappie na Forelaanleg

FOTO 6: Elana Pieters besig met Crasy Patchwork

FOTO 7: Amore Bekker

25 JAAR takgeskiedenis

Vlamlelietak

SAAMGESTEL DEUR: KATO NEVELING

Vlamlelietak is gestig op **18 Februarie 2014** met sewe lede. Mariette Joubert, toe Malieveldstreeksvoorsitter en Rina Potgieter, toe Mpumalanga-presidente was teenwoordig en Sunette Barnard is verkies as Vlamlelie se eerste voorsitter.



Stigterslede in 2014

Vlamlelietak bestaan uit dames met uiteenlopende persoonlikhede en belangstellings

Twee lede, Sunette Barnard en Maaida Miljo was vanaf 2012 tot 2018 betrokke by Huletts se jaarlikse koeksister/gebak-kompetisies as beoordelaars en het SAVLU verteenwoordig. In die blomme afdeling by Konferensie 2019 het Dolla Ferreira en Mariaan Lourens albei in hul onderskeie afdelings eerste pryse verower.

Ons Vlamlelievoorsitter, Sunette Barnard, word verkies as Malieveld se streeksvoorsitter in 2018. Onder leiding van Sunette Barnard en Maaida Miljo was ons tak ook vanaf 2014 tot 2018 betrokke by Kansa se jaarlikse Shavaton. Die tak is vir jare al betrokke by Huis Bethlehem-kinderhuis en Huis Tamar vir mishandelde vroue en kinders.

Sommige lede het nie toegang het tot 'n rekenaar of netwerk nie en virtuele vergaderings was nie moontlik in die grenselperiode nie. Vlamlelietak het wel 'n WhatsApp-groep waar lede deurtyd in verbinding met mekaar is en is verjaarsdae en belangrike gebeure hier aangekondig.

Lede het hier ook nie stilgesit nie en is tuis maskers gemaak vir verskeie instansies. Kos en klere is ook geneem vir Huis Tamar, 'n toevlugsoord vir mishandelde vroue en kinders. Vlamlelietak bestaan uit dames met uiteenlopende persoonlikhede en belangstellings wat betrokke is by die gemeenskap en baie lekker saamkuier en werk.



1



3



4

FOTO 1: Vlamlelies hou vergadering by Halls
 FOTO 2: Vlamlelies pryk met hul pers hoede by streeksvergadering
 FOTO 3: Voorbereiding vir Streeksvergadering
 FOTO 4: Vlamlelies by die Shavathon



Barberton Grendeltyd

SAAMGESTEL DEUR: DAWN GELDERBLOM

25 JAAR
takgeskiedenis



Juliemaand woeker die dames van Barberton behoorlik. Ongelukkig kan ons weer eens nie vergadering hou nie, maar die dames hou hulself behoorlik besig huis met pragtige handwerk en gee raad en kuier so saam-saam op die whatsapp-groepie.

Ongelukkig is van ons lede positief getoets vir die Covid 19-virus en met baie gebed en ondersteuning gaan dit nou klopisselboom met hulle.

Lede hou hul besig om die gees positief te hou en die koue te verdryf en vermag die volgende: Dawn Gelderblom stel haar eie skoonheidsreeks bekend, gemaak van honderd persent natuurlike produkte en maak haar heel eerste Macramaprojek in haar lewe! **Daar word nog steeds sokkies en mussies gebreit vir CANSA tussen al die ander projekte deur.** Joelene van der Walt koop verf en plakpapier en doen haar hele kombuis self oor. Baie harde werk later, en 'n hele paar stywe spiere, is dit 'n projek waarop sy baie trots kan wees en waardig om in 'n tydskrif gepubliseer te word! Frina de Wit maak die mooiste laslappietafelkoek vir haar dogter. Marthie Lubbe gebruik ou wynbottels om die oulikste diertjies te maak en Macrame ook dat die biesies bewe. Vanessa Range maak die interessantste ligskerm met tou en gom,

Artikels deur lede gemaak in die Grendeltyd



NTT Toyota Barberton

Our Corner & General Str
Barberton 1300
South Africa
T +27 87 286 2500 F +27 13 712 3707
www.ntltoyota.co.za



3 September 2020

25 JARIGE VIERING VAN DIE VLU MALIEVELD STREEK

Die is vir NTT TOYOTA BARBERTON 'n groot vooreng om die VLU van die streek baie geluk te wens.


Die VLU het ten doel om waarde toe te voeg tot individue se lewens, maar ook om die gemeenskap te verryk. Dit word alreeds oor baie dekades gedoen. Die Malieveldstreek het die afgelope 25 jaar hieraan meegedoen. Sonder die VLU sou ons streek baie armer gewees het.

Ons is trots om met die VLU Malieveld streek geassosieer te word.

Mag U van krag tot krag gaan!

Toyota groete

Duivels Duvenage
Handelaarshoof
NTT Toyota Barberton



Inspirasie-stasie met Sophie Hugo

STREEKSVOORSITTER HOËVELD



GRENDELTYD

Na 'n vriesende winter kan ons die prag van die lente sien. Hoe wonderlik die nuwe lewe wat kop uitsteek, dis soos die geboorte van 'n nuwe baba. Ek mis net die jaar die wildtuin omdat ek altyd na kongres 'n paar dae daar spandeer het en dit die tyd was wat ek my wintersklere met my somersklere verruil het, maar hierdie jaar kom ek nie uit my wintergewaad nie.

Ja ons het 'n anderste jaar beleef, maar ek glo ons almal het baie geleer uit die tydperk en gesien dat VLU-vroue sterk vroue is, altyd 'n plan kan maak en met veranderinge en krisisse kan saamleef. Ons dink aan hoe VLU begin het: in hierdie jare het vroue geleer om die wa deur die drif te trek, mekaar te ondersteun, te bemoedig en hande te vat en die pad saam te loop en saam te staan in krisis- en veranderende tye.

Ek wil al die VLU-lede 'n wonderlike eindjaar toewens. Mag die nuwe jaar minder uitdagings hê en dat ons weer kan VLU soos in die verlede. Geniet dit as julle tyd saam met jul geliefdes kan deurbring en koester mekaar as ons mag in hierdie ongewone tye wat ons tans beleef. Pas julle op, wees altyd versigtig en bly gesond.

Aan ons lede wie leed beleef het, julle lê baie na aan ons harte, hou vas aan God se hand en Hy sal jou lei op die pad wat Hy vir jou beplan het. 'n Stywe drukkie vir elkeen van julle in die gees.


VLU-Mpumalanga, ons sien uit na ons 25ste feesviering in 2021, aangesien ons dit weens covid moes aanskuiif. Baie geluk met die groot mylpaal, mag VLU-Mpumalanga nog baie jare voortbestaan, nog hoër hoogtes bereik en nog baie lede die geleentheid bied om by VLU te kom aansluit en leer. Baie geluk van Hoëveldstreek.

Liefdegroete aan al ons lede.

Sophie Hugo

Pas julle op, wees altyd versigtig en bly gesond.

DIE WA
DEUR DIE
DRIF TE
TREK,



Hoëveldstreek die afgelope 25 JAAR

Hoëveldstreek was 'n baie groot streek, onder leiding van Ursula Greyling, van Wakkerstroom, as streekvoorsitter, en het gestrek van Piet Retief tot in Grootvlei. In 2001 is die streek gehalveer en was Ursula Smit van Devon ons streekvoorsitter. Tjoekie Nel van Bethal het haar opgevolg en na haar termyn het Annetjie De Beer oorgeneem as streekvoorsitter. Sophie Hugo is tans die streekvoorsitter. **Al hierdie streekvoorsitters leef tans nog, behalwe Annetjie de Beer.**

Die lede van Hoëveldstreek is lief om nuwe dinge te leer en hou van uitstappies en pretdae wat deur Ursula Smit begin is sodat lede mekaar ook beter kan leer ken.

Die volgende pretdae is in Hoëveld aangebied: twee rolbaldae, tempin bowling in Secunda, Line dancing wat 'n heerlik lagwekkend en ontspannende dag was. Met 'n pretdag in Devon moes elkeen 'n karakter uitbeeld en Annetjie de Beer het Charlie Chaplin uitgebeeld.

Lede geniet ook die konferensies en kongresse wat jaarliks aangebied word. **Ons Hoëvelders hou van lekker lag, ontspan en om komies te verkeer na 'n jaar se harde werk.** Tydens een van ons konferensies het ons 'n matriekleerling gehad wat Nataniël nageboots het.

Almal dink nog met 'n traan in die oog aan ons geliefde Annetjie de Beer wie in die begin van die jaar aan 'n hartaanval oorlede is. Annetjie was 'n bok vir sports, het altyd 'n grappie gehad, was altyd opgewek en vrolik en daar was altyd pret met haar. Met haar eerste konferensie as streekvoorsitter het sy die konferensiegangers vermaak om as Tina Turner op te tree. Haar gesegdes was komies en, as jy haar gevra het waar sy bly, was haar woorde "daar anderkant die klip waar die broodwa omdraai". Sy het 'n ernstige hartprobleem gehad en was telkens uitgesem, maar met die gala-aand dans sy dat die stof staan.

Balfourtak

SAAMGESTEL DEUR: SANNIE VENTER

Balfourtak is gestig op **25 Nov 1937** deur 'n paar vrouens van die hoofsaaklik boerderygemeenskap op die klein plattelandse dorpie. Die eerste voorstitter was Mev. M.Woolridge en die eerste sekretaresse Mev. Maggie van Eeden. Vele kundige dames het diep voetspore gelaat in die lyn van kennis oordra in verskeie Lewensfasette.

Verskeie hoogtepunte was daar want met VLU en flukse, vrolike, talentvolle vroue kan dit nie anders dat baie dinge gebeur en ontgin word nie. Lede ontmoet bekende persoonlikhede soos Elma Postma in 2016. Ons leer van tuinbou by ons eie kundige en entoesiastiese tuinbou-lede. Kongres en konferensies is hoogtepunte.

Balfourtak se konferensie op 5 Maart 2020 was 'n groot sukses op die plaas en gelukkig net betyds voor die Grendeltydperk van die Covid-19 begin het. Baie lekker gekuier saam met die ander takke se lede! Ons eie plaaslike

Ons Hoëvelders hou van lekker lag, ontspan en om komies te verkeer na 'n jaar se harde werk.



In ligte luim by kongres



Rika Wolmarans en Annetjie de Beer

Wat 'n fees is VLU nie! Soveel seëninge, soveel dinge om te leer en ook die voorreg om kennis oor te dra!

kunstenaars soos o.a. die plaaslike skoolhoof het vir ons 'n uitstekende sanguitvoering gehou. Ander kunstenaars soos Jan Braai vir Erfenis, Caroli de Koster, Tannie Poppie, Skrywers soos Irma Joubert, Jannie Moolman en Ds. Mariaan Beukes het ons ook almal ontmoet. Wat 'n fees is die VLU nie! Soveel seëninge, soveel dinge om te leer en ook die voorreg om kennis oor te dra!

2020 word begin deur bestuurslede te herorganiseer, maar die Covid 19-virus se onverwagse aankoms ry alle planne in die wiele en daar word **gekonsentreer op die maak van gesigsmaskers vir werkers op please en ook as geskenke vir bejaardes by aftree-oorde.** Lede is verder ook betrokke by Suikerbos- en plaaslike aftree-oorde waar inwoners bederf word met versnapering en geskenke.

Ongelukkig moet Balfour Louwtjie de Wet groet, maar drie nuwe lede sluit aan in hierdie tydperk.

Bethaltak

ONS GROET



Ysobel Snyman

BETHALTAK

Ysobel was 'n ou Bethaller. Sy het vier kinders gehad en haar eerste man, Johnny op 'n jong ouderdom aan die dood afgestaan toe haar seun 'n baba van slegs 'n paar maande was.

Ysobel was vir baie jare Bethaltak se tesourier. Sy was vriendelik en bedagsaam, maar kon ook kwaai wees en haar man staan.

Sy was vir baie jare 'n inwoner van Silwerjare in Bethal.

Ons het tydens ons laaste vergadering in Maart vanjaar van haar afskeid geneem. Ons sal tannie Ysobel onthou as 'n vriendelike en sagte dame wat altyd 'n vriendelike woordjie vir ander gehad het.

Ek het die storie gehoor dat haar seun maklik sy ma se dienste aangebied het as daar iemand gesoek is om kerrie en rys vir die krieketspan te maak. "My ma kan," het hy glo meer as een keer gesê.

En dis hoe ons haar gaan onthou – 'n vrou wie se hande vir nijs verkeerd gestaan het nie. Ons gaan jou mis, tannie Ysobel!

Huldeblyk

Anette von Wiellich

BETHALTAK

Ons sal Anette onthou as 'n vrolike omgeemens. Sy het gesien waar daar nood is en gehelp, ongeag of sy die persoon geken het of nie. Sy was 'n intelligente vrou met 'n heerlike sin vir humor. Sy was deur en deur 'n mens-mens, iemand wat haar naaste in ag geneem het.

Sy het moeite gedoen om 'n mens te leer ken en te bederf. Een van ons lede het 'n bloedrooi malva by haar gekry en sy sal dit vir altyd in haar tuin vertroetel en aan haar dink.

Sy was 'n liewe mens – baie soos die sonneblom wat haar gunstelingblom was. Ons gaan haar sonnige persoonlikheid baie mis.

die sonneblomvrou



Die Bethaltak is in **Oktober 1928 gestig**. Wyle mev. O'Connor, destydse presidente van TVLU, bygestaan deur wyle mev. Deans, hoofbestuurslid en voorstaander van Sukkelaartak, het die stigtingsvergadering waargeneem. Mev O'Connor het per trein vanaf Pretoria gereis en het vyfuur dieoggend op Bethal aangekom.

Die tak is met 12 lede gestig, met mev. Vosloo, destydse landdrosvrou, as voorsitter. Die ledegeld was twee sjielings per jaar. **Die tak het vinnig gegroei en teen 1938 was daar al 120 lede**, onder die bekwame leiding van mev. Pattie Joubert, wat van 1938 tot 1953 die tak se voorstuurster was. Mev. Joubert het ook van 1947 tot 1970 in die hoofbestuur gedien.

Van **1933 tot 1951** het Bethaltak gereeld aan die Randse Paasskou deelgeneem. Daardie jare het die TVLU nog tukuitstallings op die skou gehou. Bethaltak het drie bekers gewen.


Die tak was altyd baie bedrywig en vanaf die eerste jare het die lede konserte gereël, danse gehou en spyseniering waargeneem om fondse in te samel. Dit was 'n ryk tak.

Bethaltak het vir 18 jaar 'n kind op die Trans-Oranjeskool vir Dowes onderhou.

Mev. E Cronje dien as voorsitter en mev. A. Siebert as sekretaresse.

Die tak het vir byna 20 jaar voorgevat met die Aartappelfees en het bykans alles aangaande die fees gereël. Daar was kronings- en gala-aande waarvoor reggestaan is met spyseniering en die dames het baie keer tot twee-uur dieoggend gestaan en skottelgoed was.

**25 JAAR
takgeskiedenis**



Kreatiwiteit in Bethaltak in
grendeltyd

Niemand het kuier deur die tralies
verbied nie

Grootvleitak

SAAMGESTEL DEUR: TERSIA BOTHA

**25 JAAR
takgeskiedenis**

*Kenmerkende eienskap is
geborgenheid.*

Grootvleitak is in 1934 op die plaas, Beerlaagte, onder leiding van mev. M. Vosloo gestig.

Daar was 'n behoefte aan opheffingswerk onder die plattelandse vroue, daarom het die vroue van heinde en verre gekom met hulle perdekarre vir hierdie stigtingsvergadering wat eers 'n huisvlyttak vir Grootvlei se vroue was. Stigterslede was: mevroue M. Vosloo (Voorsitter.), S. Schabot (Sekretaresse.), S. de Bruyn, Dixon, A. Rautenbach, Marais, C. Buys, M. Buys, Winterbach en H. Huysamen. In 1945 verander die tak na Grootvlei VLU-tak met mev. Schabot as voorsitter. Stigting is waargeneem deur hoofbestuurslid mev. F. Bezuidenhout en mev. Retief, sekretaresse van die TVLU.

Tydens die eerste jaarlikse kongres van VLUM by Loskopdam, 22-23 Mei 1996, is Magdile de Kock as die eerste presidente van VLUM verkies. Grootvleitak was baie trots om die presidente in hulle tak te verwelkom.

Julie en Augustus 2007 is demonstrasie maande by Grootvleitak en leer die lede meer van papiekuns by Rina Steenkamp en Bauernmalerei by Bettie Killian.

Annetjie de Beer sorg vir 'n groot hoogtepunt vir Grootvleitak tydens Hoëveldstreek se jaarlikse konferensie wat op 17 Maart 2011 te Standerton gehou is, waar sy verkies word tot streekvoorsitter. Annetjie is baie geliefd in die streek, 'n gekwalificeerde VLU-beoordelaar en ware VLU-lid.

Grootvleitak vier graag fees en ondersteun plaaslike besighede. Annetjie de Beer, se verkiesing word gevier op Dinsdag, 29 Maart 2011, by Diamante en Goud in Heidelberg en almal het heerlik saam met hul nuutverkose, geliefde en gewilde streekvoorsitter gekuier.

Ons tak het 80 jaar jonk geword en op 6 November 2014 het Grootvleitak hierdie geleentheid gevier. Helena Meyer het slaai demonstreer en Joey Botha se kleindogter, Mariska Botha, het as gaskunstenaar opgetree. 'n Heerlike vonkelwynontbyt is aan die gaste voorgesit. Groeteboodskappe is oorgedra deur die SAVLU-presidente Henriëtte Schoeman, VLUM-presidente Rina Potgieter en Hoëveldstreekvoorsitter Annetjie de Beer.

Grootvleitak vier op 10 Oktober 2016 VLU-Mpumalanga se 21ste bestaansjaar en tree terselfertyd op as "Host-a-Cuppa For Cansa". Die lede het getooi met hulle lenterokke en 'n hoed op die kop, fleur verleen aan die funksie. Tersia Botha, voorsitter, het die heildronk ingestel op VLUM waarna Bernice Swartz en Human van der Merwe, hoërskoolleerlinge in Graad 9 aan Hoë Volkskool Heidelberg, 'n spesiale verjaardaglied gesing het ter viering van VLUM se 21ste verjaardag. Hulle het 'n staande ovatie ontvang en wat dit nog meer besonders gemaak het, is dat die twee leerlinge die tradisionele liedjie self verwerk het en nuwe betekenis daaraan gegee het. Annetjie het Grootvlei gelukgewens met hulle passie waarmee hulle VLU uitleef en ons bedank vir die funksie.



FOTO 1: Tokkie van Wyk, Annatjie Buys, Johanna van der Westhuizen en Joey Botha.

FOTO 2: Annetjie de Beer, nuutverkose voorsitter van Hoëveldstreek en Marietjie Swart, nuutverkose vise-voorsitter.

FOTO 3: Francis Coetzer, Trienie de Bruyn en die kinders besig om die Witstinkhout te plant.

FOTO 4: Die lede klink 'n glasie op VLUM se 21 jaar.

FOTO 5: Grootvleitaklede en gaste wat 'n prettige foto geniet. V.l.n.r. (agter) Joey Botha, Tersia Botha, Francis Coetzer en Isabel Bothma. V.l.n.r. (voor) Heleen Cornelius, Annetjie de Beer, Bettine Viljoen, Trienie de Bruyn en die "Host-a-Cuppa For CaF"

FOTO 6: Heleen Cornelius, Mariska Botha, Joey Botha, Tersia Botha, Trienie de Bruyn en Elmusa Hartman.

Grootvleitak

**25 JAAR
takgeskiedenis**

Hierdie was beslis 'n hoogtepunt vir Grootvleitak en nadat daar tee gedrink is en heerlik gekuier is, het die dames met groot opgewondenheid en vrolikheid foto's van hulle deur Cornelia laat neem.

Grootvleitak geniet nog al die jare uitstappies. **Op 6 Maart 2017** besoek die lede die mooi plaas van Org en Marietjie Fritz. Org word gereken as een van die beste vetplantkenners in ons land en is 'n botanikus. Hy nooi graag Suid-Afrikaanse belangstellendes en van oorse om na sy versameling te kyk. Hulle seun, Hannes, is 'n bonsaikenner en beoefen hierdie kuns alreeds van die ouderdom van 12 af.

Jaareindfunksies is altyd 'n groot hoogtepunt op Grootvleitak se kalender. Op **20 November 2017** hou ons 'n Kersafsluiting by Anna's Kitchen in Vereeniging. Ons verwelkom ook twee gaste, Mariska Botha en Elmusa Hartman. Mariska, kleindogter van Joey Botha, het pragtige Kersliedere voorgesing Daar is kersklappers getrek en glasies geklink op die Kersgety, heerlik geëet en lekker saam gekuier. Ons jaar is afgesluit op 'n hoogtepunt.

Grootvleitak sluit 2018 af met STORIES EN KLANK op Maandag, 19 November op die vooraan van hul tak se 85ste verjaarsdag. Die funksie het plaasgevind by Stories Restaurant in Frankfort. Die bekroonde Suid-Afrikaanse akteur en musikant, Lieb Bester, het die lede en gaste met sy trekkavier en klavier op luisterryke wyse vermaak. Hy het afgesluit met "Gebed" wat hy in duet saam met Mariska Botha, ons jongste lid, gesing het. Mariska het ook die verjaardagkoek gesny aangesien sy die kleindogter is van tannie Joey Botha, erelid, aan wie die funksie opgedra is.

Gemeenskapsbetrokkenheid word uitgelig op **25 Januarie 2011**. Grootvlei sluit aan by die Projek van die Jaar, "Leef nie net vir myself in 2011".

Ons Grootvleitak gee om vir die omgewing en op **16 Januarie 2017** plant ons 'n boom aan op die terrein van Laerskool Grootvlei.

Grootvleitak funksioneer in 'n klein gemeenskap,

maar ons probeer sover moontlik betrokke wees in ons gemeenskap. Grootvleitak is betrokke by Laerskool Grootvlei se herwinningsprojek. Francis Coetzer werk ook drie dae 'n week in die biblioteek van Laerskool Grootvlei waar sy die kinders help met naslaanwerk, uitneem van boeke en die orden van die biblioteek.

Kenmerkende eienskap is geborgenheid.

15 Julie 2019 vier Grootvleitak "Van Geleentheid tot Prestasie", tema van die WBPV. Uitsonderlike prestasies van lede word gevier. Magdie de Kock is op 22 April 2019 verkies as wêreldpresident van die WBPV / ACWW in Melbourne. Die bestuur en lede van Hoëveldstreek is genooi om die geleentheid saam te vier. Gaste het die geleentheid gehad het om saam met Magdie te kuier wat oor die tema gesels het en interessante gebeure gedeel het.

Alhoewel tak geen vergaderings in die gredeltyd van **2020** kon hou nie, het Tertia Botha lede gemotiveer om hulle fotografie vernuf te verbeter. Dames het geoefen om foto's te neem met die SAVLU-kompetisie se tema "Deur 'n Venster". Tertia het dit vir hulle beoordeel en wenke gegee om hulle tegniek te verbeter. Lede verbeter ook hul vaardigheid met brei en hekelwerk en verfkaste word uitgehaal.

Terwyl die wêreld agter slot en gredel is, word die werk van ACWW ongehinderd voortgesit. Magdie de Kock hou elektroniese vergaderings en aanlyn-kursusse vind plaas en alternatiewe planne word beraam om te verseker dat ACWW steeds haar posisie as toonaangewende Vroue organisasie in die wêreld inneem en die lede bedien.

Ons het geen lede gegroet nie, maar wel 'n nuwe lid verwelkom in die gredeltyd en wil graag Marina Bantjes verwelkom.

Grootvleitak se lede koester mekaar in hierdie gredeltyd. Sover moontlik probeer ons om ons besig te hou met VLU-aktiwiteite soos kompetisie-artikels. **Ons eerste prioriteit bly egter om gesond en virusvry te bly.**



1



2



3



4

FOTO 1: Joey Botha (links) en Annetjie die beer (regs) oorhandig 6 skooltassies aan 6 leerlinge van Laerskool Grootvlei FOTO 2: Lucretia Schabot, eienaar van Stories Restaurant saam met Tertia Botha en ons gaskunstenaar van die dag, Lieb Bester. FOTO 3: Mev. Sannetjie de Bruyn (Potgieter), stigerslid, ontvang haar 65 jaar lidmaatskapkenteken tydens konferensie van Hoëveldstreek op 15 Maart 2007 FOTO 4: Magdie de Kock, Johanna van der Westhuizen en Annetjie de Beer klink 'n verjaardaggglasie.

Kaalspruittak

SAAMGESTEL DEUR: MARIETJIE SWART

Kaalspruittak is gestig in **Maart 1955**. Dit is geleë oos van Standerton en die lede was woonagtig op Kaalspruitplase en ook in die Platrand omgewing. Kaalspruittak was deel van Standertonstreek.

Met ontbondeling en die herindeling van streke, het Kaalspruittak deel geword van die Hoëveld streek. Platrandtak, ons bure, is nou deel van Tambukiestreek.

Die ledetal het deur die jare gewissel tussen agt en 25. Tans is ons nege lede, waarvan die jongste 43 jaar oud is en die oudste 84 jaar.

Interessante byeenkomste is gehou. Die een wat uitstaan, is die Rose-oggend. 'n Damestee is op 9 Mei 2009 aangebied en die gasspreker was mnr. Ludwig Taschner van Ludwig's Rose, by wie ons sommer baie geleer het.

Daar is dikwels uitgereik na die gemeenskap. In 1996 was die projek: Water. 'n Tekenkompetisie is geloots by 'n plaasskool. Almal het ywerig deelgeneem. In 2011 en 2015 het ons toiletware en boekies vir Alzheimerpasiënte aan die plaaslike ouetehuis oorhandig. Gedurende 2014 en 2015 het ons sagte speelgoed gebrei en aan 'n kleuterskool en Kansa geskenk.

Die grendeltyd het op ons toegesak soos dik mis. Almal het dit gevoel, maar elkeen op 'n ander manier.

Vergaderings hou was buite die kwessie, maar die whatsapp-groep het gehelp dat ons in voeling kon bly. Enige nuus van VLU wat ontvang is, is dadelik op die groep deurgestuur. Hoe wonderlik dat ons selfs die Communiqué kon lees.

Lede het die tyd produktief gebruik deur aan kompetisie-artikels te werk. Mammas en ouma's moes inspring en tuisonderrig gee. So tussendeur is koek gebak en naaldwerk gedoen en het die kleinspan sommer praktiese opleiding gekry.

Lede het maskers gemaak vir kinders, kleinkinders en werkers, want dit word mos nou deel van ons uitrustings.

Annelise Erasmus het 'n knievervangingsoperasie ondergaan en Margaret Tonkin het ouma geword van 'n tweeling-dogertjies. Ons is saam met hul dankbaar dat alles goed afgeloop het.

Kaalspruit- en Vaalriviertakke is besig met reëlings vir die streekkonferensie in 2021. Lede hou hul besig met die maak van geskenkies vir ons gaste. Idee's word ook op die groep uitgeruil, sodat ons dadelik verder kan reël sodra ons weer vryelik kan beweeg.

Ons vertrou almal gesond sal bly en die epidemie sal vryspring. **Ons sien uit na die tweede helfte van die jaar.**

Kaalspruitelede vorm almal deel van 'n hegte vriendekring wat die tak ons bied. **Wonderlike samewerking word verkry omdat almal lojaal is teenoor mekaar en die tak.**

Kaalspruitelede vorm almal deel van 'n hegte vriendekring wat die tak ons bied.



Kaalspruit taklede saam met die kleuters van Hompie Kedompie en die sagte speelgoed en mieliesakkies.



Annelise Erasmus, Babs van Zyl, Marietjie Swart en suster Marie Coetzee van Kosmos Aftree oord met die boekies vir Alzheimer pasiente



Jacoba Biermann besig om te skilder

Secundatak

SAAMGESTEL DEUR: LIZEL MYBURGH

25 JAAR
takgeskiedenis

VLU-vergaderings is 'n plek waar almal van alle ouderdomme welkom is en geborge voel.

Mev. van Vuuren, streeksleier in hierdie gebied open die stigtingsvergadering op **18 Januarie 1978** met VLU-gebed. 32 dames is teenwoordig.

Transvaal was verdeel in 21 streke en Secunda val in die Bethal-Ermelo streek. Elke tak het verteenwoordiging op die streekbestuur.

Ledegeld word deur elke tak self vasgestel en is betaalbaar op 1 Februarie jaarliks. Tak ledegeld is vasgestel op R5 per lid per jaar. Ledegeld aan hoofkantoor beloop R2 per lid per jaar en die geld word gebruik om die TVLU-nuusbrief uit te gee.

Eerste bestuur van VLU-Secunda was voorsitter: Mev. Kritzinger, 1ste vise-voorsitter: mev. J. Spies, 2de vise-voorsitter: mev. Y. Vorster en addisionele lede: Tharina Kretchmer, Dalene Nel, Berna Davids, Elize van Deventer, Estelle Gouws en Janette Pretorius. Die sekretaresse en tesouriere word uit hierdie lede verkies.

VLU-Secunda se eerste vergadering vind plaas op 1 Februarie 1978 in die Sasol-ontspanningsklub.

Die tak poog daarna om elke vergadering interessant te maak en vir lede demonstrasies en werksklasse aan te bied. Ander jare trek lede elke maand 'n sekere kleur aan soos vooraf bepaal. Natuurlik is die koffie en tee met verversings na vergaderings ook 'n hoogtepunt en word daar lekker gekuier.

Secundatak het 'n fondsinsameling gehou met 'n skaapbraai en 'n heerlike dans daarna, musiek is verskaf deur Lawrence en Lürika Bowker. **Secundatak is baie betrokke in die gemeenskap** en lede maak geskenke vir Marietjie Sentrum, skool vir gestremde kinders. 'n Singer-naaimasjien word geskenk vir opleiding aan die dames in



Erste bestuur
Voor ry van links na reg: Sekretaries, Mevr. E. van Deventer, Voorste Vise-Voorsitter, T. Kritzinger, 1ste Vise-Voorsitter: J. Spies, Agter: Mrs. J. Pretorius, 2de Vise-V. Vorster, E. Gouws, D. Nel, Afwesige: Mrs. Y. Vorster, Mrs. van Zyl, A. Boshoff, R. Beukes.

gevangenis, met die projek "Vroue in gevangenis", klere en materiale is ook geskenk.

Die tussengangerkamer in die magistraatskantoor, is die kamer waar kinders, wie in die hof in kamara moet getuig, gehou word. Mevroue Margaret Murray en Gisella Whittaker het op die mure geteken en geverf. Die kamer is ook versier met kleurvolle gordyne en kussings om te help om die kinders kalm te hou. Speelgoed, gemaak deur lede van Secunda-VLU, geskenkte en gekoopte speelgoed, inkleurpotlode, stoeltjies en tafeltjie en 'n mat is voorsien. Lekkergoed en suigstokkies is ook voorsien, waarmee die kinders besig gehou kon word.

Lede van Secundatak het toiletwater, skoonmaakmiddels, kos en kontant geskenk vir Hospice, hulle versorg bejaardes wie nie meer na hulself kan omsien nie. Shirley was met kanker gediagnoseer en sy het die Here gevra om haar gesond te maak en dat sy dan ander mense sal help. Sy is genees en sien baie mooi om na die bejaardes, waarvan sommige nie oor fondse beskik om vir hul versorsing te betaal nie.

Ongelukkig is geen klasse of aktiwiteite aangebied gedurende grendeltyd nie, maar dames het hul beslis self besig gehou. Sophie Hugo het haar naaldwerkamer reggepak, VLU-dokumentasie uitsorteer en liaseer en het 'n blomme kandidaat gehelp met haar eksamen wat sy wel geslaag het.

Maskers is gehekel en daar is geëksperimenteer met koeksisters, Lemon Meringue en gevulde vetkoeke. Omdat alkohol verbode was, het Tracey besluit om haar eie Apple Cider te maak – darem het sy dit nie verkoop nie!

Secundatak gee om vir sy lede, ons het goeie bywoning van ons lede tydens vergaderings. Ons lede gee om vir mekaar, ondersteun mekaar, leer graag nuwe dinge en kan lekker kuier. Almal hou van uitstappies, pret en liefdevolle samesyn. VLU-vergaderings is 'n plek waar almal van alle ouderdomme welkom is en geborge voel.



1



2



3

FOTO 1: Agter mevroue Gisella Whittaker, Carol van Staden, Sorien van Garderen (onderwyseres by Marietjieskool), en Joanita Lesch (Takvoorsitter)

FOTO 2: Kindertjies van Marietjiesentrum

FOTO 3: Die skrywe van Marietjie Sentrum t.o.v. bogenoemde skenking en die kindertjies wat toekyk

Vaalriviertak

SAAMGESTEL DEUR: GERDA BUTLER

25 JAAR
takgeskiedenis

*Baie is gedoen en ons as gesinne het
mekaar weer gevind.*

In **1994 met 18 lede in tak**, begin die groot ontbondeling. Hoëveldstreek hou eerste streekskonferensie op 16 Maart 1996 wat aangebied word deur Aandgloed (ontbind) Evander (ontbind) Kinross en Secunda.

Verskeie projekte is sedert **1994-2001** aangepak o.a. Bonsai-uitstallings, demonstrasies oor interessante slaaie, grieke en poolse geregte, besoeke aan roos-, sampieplaas en kaasfabriek.

In **2002** kom spreek Nicolette Steele ons toe, 'n formidabele vrou wat ons nog steeds laat borrel soos die ENO-dae wat sy aangebied het saam met Anphia Grobler (voormalige president van Mpumalanga).

2002-2003 Vaalrivier tak besoek die 'silkscreening' fabriek in Standerton. Hierdie jaar sluit ons tak af met 'n Safari-ete. Ons kuier van 'n sundowner' tot amper vroegoggend by verskillende huise saam met ons manne en kinders.

2005-2006 Vaalrivier bied vrouedag aan op 9 Augustus. Slaapsokkies word by ouetehuis plaaslik uitgedeel nadat taklede fluks daaraan gebrei het. Lede leer ook om spiraalkrale in te ryg, kerse te maak en skaduborduurwerk te doen. Vaalrivier en Kaalspruit bied elfde konferensie aan en Vaalrivierlede is die Groenspan wat almal groen aantrek.

2010 Vaalriviertak se enigste erelid, Levy Daniel, ontvang in 2010 haar 60-jaar lidtoekenning. Sy is oorlede in Januarie 2019 en was byna 69 jaar lid. Sy het aangesluit en geëindig by dieselfde tak. Besoek buurdorp Vrede met die mooiste en interessantste winkels soos Wik en Weeg en Bonhani. Lede leer om komberse te knoop.

2011 Hierdie jaar het die VVLU-Roos bekend geword en al die lede plant VLU-rose aan. Agt lede uit tak besoek die Voortrekkermonument te Pretoria want VLU is 80 jaar oud op Augustus 2011.

2012 Vaalriviertak kry 'n nuwe kenteken. "Crisis on call" kom spreek ons toe en dames brei kombersblokkies vir kankerpasiente.

2013-2015 leer ons van veiligheid by Kasselmann-veiligheidsdienste. Ons leer papierblomme maak en om blomme uit boeke te vou. Ons hou 'n 'make over' en bederf 'n dame uit ons tak. Ons hou Konferensie! Almal is in pers geklee en ons sing en dans. Vaalrivier stap elke April vir 'PENNIES FOR FRIENDSHIP'.

2017-2019 15 September 2017 was Vaalrivier 80-jaar oud. Lede hoor meer oor bewaring van uile en lede hoor en sien en proe hoe smaak 'Kalahari truffels'.

In **2019** in Meimaand besoek tak OUMA ROOI SE KOEKSISTER-fabriek te Ermelo en word ons beloon met elkeen drie pakkies koeksisters om aan te gaan smul by die huis. Ons eie voorsitter Gerda Buter was op TV as een van 30 'kokkedore' van die land.

Dis grendeltyd in 2020 en positief die moet ons bly!

In Vaalriviertak het lede vir hulself, hul werkers en vriende maskers gemaak en is ons nou almal gemasker. Winkels kon nie voorbly om rekke te voorsien nie.

Ouma's moet onderwysers word want kinders, meestal kleinkinders, moet vorder. Tot kleinseuns is leer hekel.

Baie is gedoen en ons as gesinne het mekaar weer gevind. Huise is skoongemaak en reggepak en pa of oupa het gemaak soos vroulief dit lankal wou gehad het.

Vaalrivierlede maak ook ywerig geskenke vir hul konferensie wat hul in Februarie 2021 aanbied saam met Kaalspruitak in Standerton. Ook is lede is besig om serpe te brei, Mockmetal kershouders te maak en kunsnaaldwerk te doen. So bly lede positief.



Inspirasie-stasie met Elsie Coetzee



STREEKSVOORSITTER SUIKERBOSSTREEK

GRENDELTYD

Die jaar 2020, volgens my dagboek, "n Jaar van Wysheid" was voorwaar 'n jaar van nuwe ervaringe.

Volgens HAT is om wys te wees, om kennis te besit en dit met goeie oordeel te gebruik.

'n Afgeleide vorm van wys is ook dan wysig en in hierdie tydperk is ons normale omstandighede beslis gewysig en omgekeer.

Niemand van ons het enige ervaring of kennis van 'n grendeltyd gehad nie, maar ons moes daardeur en duidelik is VLU-vroue innoverend en kreatief. Uit al die berigte en foto's wat die afgelope maande gedeel is, is familiebande versterk, stokperdjies en kreatiwiteit tot nuwe hoogtes gevoer en het talente waarvan ons nie bewus was nie, na vore gekom.

Ongelukkig het dit ook gelei tot finansiële swaarkry en moeilike omstandighede by vele van ons lede en vir hulle kan ons net bid op uitkoms en beter tye.

Baie dankie dan ook aan alle lede wat gemeenskappe ondersteun het met maskers, kos en onderskraging waar dit so nodig was.

Intussen is die inperkingmaatreëls darem verslap en saam met die Lente kruip almal so geleidelik weer uit hul kokonne en kan ons weer begin saamkuier. Saam met die groenigheid wat in die natuur ontluik, kry ons **weer nuwe hoop en lus**.

Laat ons dan vanjaar se ervaringe en kennis wat ons versamel het, met insig toepas in ons lewe sodat ons met wysheid en oorleg en regverdigheid kan leef en wel 2020, 'n jaar van Wysheid maak.

Suikerbosstreek wil dan ook hiermee VLUM gelukwens met hul 25-ste bestaansjaar.

Mag die bestuur dan ook met Wysheid geseën word in hul besluite en mag hierdie jeugdige jong dame groei tot 'n dinamiese ikoon.


Suikerbosgroete.

Elsie Coetzee

'N JAAR VAN WYSHEID

*"Do all the good you can
by all the means you can,
in all the places you can.
at all the times you can
to all the people you can
as long as you can"*

JOHN WESLEY



Suikerbosstreek die afgelope

25 JAAR

Suikerbosstreek word gestig na die verdere ontbondeling van streke in Mpumalanga in 2005 en bestaan uit Lydenburgtak (aanvanklik deel van Malieveldstreek), Spekboomtak (Ohrigstad omgewing), Belfasttak (Vanaf Middelburgstreek), Machadodorp, Sabie en Graskop, asook Aalwyntak van Laersdrift met eerste streekvoorsitter Karen Steenekamp.

Die streek beleef 'n bloeitydperk en met verloop van tyd ontstaan nuwe takke soos die Arum-aandtak van Belfast en die Streliziatak in Lydenburg. Kannabastak stig af van Lydenburgtak aangesien dit vir lede met skoolgaande kinders moeilik is met bywoning van 'n middagtak.

Ongelukkig gaan takke ook tot niet weens verlies aan lede. Spekboomtak ontbind. In 2013 moet ook die Kannabas- en Lydenburgtakke saamsmelt en word die Hibiscustak gestig. Machadotak ontbind ook.

Dullstroom het vir baie jare 'n tak gehad, Kleinbegin, maar was reeds ontbind voor die ontbondeling weens lede wat die dorp verlaat het. In 2019 ontstaan daar 'n behoefte dat 'n tak weer gestig word en so ontstaan die Suikerbekkietak in Dullstroom vroeg in 2020.

Hoewel die kleinste streek in Mpumalanga met lede vêr uitmekaar, heers daar 'n besondere band onder die lede en word streeksdae baie goed ondersteun. In 2010 ondersteun lede die skoltassieprojek, die VLU-roos word aangekoop en in tuine geplant in 2011 en Woman walk the world staptogte vind plaas in verskeie dorpe.



Rina en Elsie sny koek
Konferensië 2016

Konferensie in machado

Die streek beleef 'n bloeitydperk en met verloop van tyd ontstaan nuwe takke.

Die afsluitingsfunksies

is nog al die jare die

hoogtepunt. Lede het al rolbal gespeel, kwekerye besoek, Dullstroom besoek en ook'n heerlike internasionale dag is aangebied. Ook word kunstenaars soos Esra Bosch besoek.

Vele werksklasse en demonstrasies word

aangebied en bygewoon en lede is altyd ywerig om die nuutste tegnieke aan te leer.

Takte kry beurte om die konferensie aan te bied waar lede positief saamwerk en pragtige dae om 'n bepaalde tema aanbied. Ons kuier onder meer in sprokiesland in Sabie, herwin in Graskop, raak nostalgies in Machadodorp, is deftig in swart en wit in Belfast en raak boheems in Lydenburg.

Projekte word in elke tak aangepak om die onderskeie gemeenskappe waarin die dorpe is, te help en by te staan.

So baat onder ander verskeie rusoorde, kinderhuise, skole en dienste by die VLU-takte van die streek en word bydraes, hulp en kos voorsien. Plastiese tafeldoekoek gaan aan SANEL, 753 poppies word gebrei vir informele nedersettings asook honderdes vir die Dignity-projek, diertjies word gebrei vir kankerpasiënte, vroetelboeke vir Dimensielyers en kersetes en bejaardesorg in alle dorpe.

Karen Steenekamp word opgevolg deur Marie Venter as streeksvoorsitter. Na haar termyn van ses jaar neem Titia Engelbrecht die leisels en tans is Elsie Coetze die streeksvoorsitter.

'n Baie spesiale tafeldoek vir konferensie is ontwerp

en borduur deur Bernina van Lydenburg waar elke tak se embleem op voorkom. Mev. Titia Engelbrecht het ook

'n moderne streeksvaandel vir die streek ontwerp en aangekoop as geskenk aan die streek met haar uittrede in 2015.



Titia Engelbrecht lei bestursvergadering

Aalwyntak

SAAMGESTEL DEUR: LINDA ENGELBRECHT

25 JAAR takgeskiedenis

*...lede hul kant gebring en
spring agter die naaimasjiene in en
maak en deel maskers uit.*

Op 22 Februarie 1991 is die stigtingsvergadering van Aalwyntak met 12 lede.

Bestuur bestaan uit voorsitter, Mathilda Nel, vise, Kitty van der Woude, sekretaresse, Marina Swanepoel en tesourier, Estie Engelbrecht.

Addisionele lede is Martha van Rooyen, Wilma Davel, Aldie van der Westhuizen en Rita Snyders, skakelbeampte, Sarita Pieterse.

- Die eerste Streekkonferensie wat gehou is was op 1 **Februarie 1994**.
- In **2005** was Kitty van Wyk voorsitter, asook vanaf **2009 tot 2010**.
- **2011** plant Aalwyntak rose by h behuisingsprojek in Roossenekal.
- **2012** bied Aalwyn die streekkonferensie aan en is dit ook die tak se 21ste verjaarsdagvieringe.
- **2014-2016** is Nanette Dreyer voorsitter en vanaf **2017-2020** Linda Engelbrecht.

Uitstappies was daar ook: Besoek Kinderhuis Belfast in 2011 waar truie oorhandig is aan die kinders, Sampioenplaas in 2012 en h uitstappie na Serengeti naby Groblersdal in 2014.

Blinkwatermeule-uitstappie vind plaas in 2013 en h behoefteige kleuterskoolklas word geskrop en uitgesorteer in 2014.

Hannetjie van der Merwe se forelkwekery word besoek in 2018, die Wolma eierplaas in 2017 terwyl ons in 2018 gaan flik en uiteet in Witbank.

Tak besoek gereeld Thanda Bantu Lodge en maak sanitêre doekies vir behoeftige vrouens.

Aalwyntak was, soos die meeste takke in Suikerbosstreek, nie in staat om vergaderings in 2020 te hou nie.

Tog het lede hul kant gebring enveral Amamda Lombaard en Annelie Fourie spring agter die naaimasjiene in en maak en deel maskers uit.

Amanda Lombaard se man sterf in die grendeltydperk en sy gaan die tak verlaat.

Amanda was h groot aanwings vir Aalwyntak en dis h groot verlies. Aalwyn wil haar dan ook hiermee alle voorspoed toewens met haar nuwe tuiste en vertrou dat sy daar net so goed gaan inskakel by die gemeenskap.

Mara Hodgkinson was in ook weer in die hospitaal agv haar stryd teen kanker. Ons wens haar ook beterskap toe.



FOTO 1: Dames by Aalwyntak konferensie
FOTO 2: Nanette Dreyer en Elsie by Mpumalanga-skou
FOTO 3: Aalwyntaklede
FOTO 4: Aalwyn konferensie
FOTO 5: Aalwynlede kuier by Kongres

Aalwyntak GROET

*Aalwyntak groet 'n geliefde lid,
Amanda Lombaard, wat verhuis.*



Amanda Lombaard se man het in 2010 'n goeie aanbod gekry om terug te kom na die Departement van Waterwese en dit is hoe hul op Roossenekal beland het. Alles was vreemd en die werkelikhed van alleenheid en eensaamheid het haar oorweldig.

Sy vertel verder. "Terwyl ek besig was om myself baie jammer te kry, klop daar iemand aan die agterdeur en hier staan 'n wildvreemde vrou voor my. Na 'n lekker koppie koffie vertel sy my van Roossenekal en al die goed wat hier te doen is. Sy vertel ook vir my van die VLU.

Nodeloos om te sê op die Woensdag by Koringhuis, stap ek ongenooid en baie benouïd by die vergadering in. Om alles te kroon was dit ook 'n dag van beoordeling. Gelukkig het niemand my by die deur uitgegooi nie en is ek in 'n kring van 'n aangename klomp vrouens opgeneem. My aansluitdatum was 1 April 2010. Daardie dag het my lewe verander. Skielik het ek tyd gehad vir vriendinne. Ek het geleer van hoe naaldwerk, brei- en hekelwerk gedoen word op die regte manier. As ek moet terugdink hoe "groot" ek geword het in die leerproses was dit wonderlik. Ek het selfs my hand aan borduurwerk gewaag. Partykeer met sukses, ander kere nie so goed nie, maar dit was 'n lekker leerproses. In die 10 jaar het ek my net twee keer gruwelik vir die beoordelaars vervies, maar verder het ek verskriklik baie van hulle geleer. Bak en brou was nou nie my gunsteling nie, maar met Mara se ondersteuning het ek tog so hier en daar probeer. Ek het selfs nou my hand aan die inlê van groente gesit, selfs nou die dag vir die eerste keer beskuit geknie en gebak. Dit is wat VLU vir my gedoen het. Ek het geleer en sou seker nog baie kon leer. Sukkel nog steeds om my hoeke in die sakke netjies te maak.

Dan is daar die konferensies en die kongresse. Dit was vir my die hoogtepunte van die jaar. Die laaste twee jaar was Connie te siek en kon ek nie reràig na die kongresse toe gaan nie, maar my hart was altyd daar. Ek het so baie mense ontmoet en leer ken.

Ek gaan julle almal baie mis. Ek gaan die uitdagings mis. Op Jan Kempdorp is daar nie 'n VLU nie maar wel VLV-Kaapland. Ek het tot 'n kontakpersoon se nommer. Sodra ek my voete gevind het en uitgepak het, gaan ek hulle beslis kontak. Wie weet, dalk is ek so gelukkig om in so 'n oulike groep en tak te beland as wat ek hier was.

Ek gaan julle baie mis. Mag julle ryklik geseen wees in julle werkzaamhede. Dankie vir alles wat ek by julle geleer het en die voorreg wat ek gehad het om deel van Aalwyntak en Suikerbosstreek te kon wees. Ek spreek God se Seën, Genade en Liefde oor julle uit.

*Die mense wat ek lief het
 Kom groei op my soos mos
 Daar laat ek hul na hartelus gedy
 En loop ek deur die wêrelد
 Beskut teen die koue -
 Die snoesigheid self:
 Ek met my moskombersie
 En as daar 'n oorlog kom
 Word die mense wat ek lief het
 'n ekstra liefdeslaag om my
 So marsjeer ek deur die wêrelد
 Gepantser teen die vuur
 Die onaantsbaarheid self:
 Ek met my menskombersie
 Maar as iemand wat op my gegroeи het
 Weg moet gaan
 Dan sit daar 'n seerplek
 Dan sluip ek deur die wêrelد
 Die kwesbaarheid self:
 Ek met my seerplek
 Wat net nie wil genees nie*

BOODSKAP DEUR: AMANDA LOMBAARD

Amanda, Aalwyntak en Suikerbosstreek gaan jou verseker mis.

Ons wens jou die beste toe in jou nuwe tuiste en mag jy daar ook gelukkig wees.

ONS GROET

Arumtak

SAAMGESTEL DEUR: ELZABÉ HOLTZHAUZEN

25 JAAR
takgeskiedenis

...soos met alles in die lewe, moes ook die Arumtak haar koppie buig en groet.

VLU-blomsaadjies word geplant in die harte van hulle lede. (Dankie Belfastak!) Twee lede moes egter bedank uit die Belfastak as gevolg van werksverpligtinge, maar hierdie VLU-saadjie wou net nie bes gee nie. Die verlange het so erg geword dat die behoefté aan 'n aandtak ontstaan het. Met die hulp van wyle Marie Venter (VLUM-voorsitter), Sonia Snyman en Elzabé Holtzhausen is die Arumblom geplant in die VLUM-tuin, want wie kan dan nou NIE sonder VLU nie?

Op 26 Oktober 2006, met net ses lede teenwoordig, het die eerste vergadering plaasgevind. Vol waagmoed en opwinding is die 'moets' en die 'moenies' bespreek, En al die artikels!! Niemand kon wag om te begin nie.

Baie doelgerig en passievول is gewaak oor die bedrywigheide, werksaamhede en groei van die nuwe tak. Gou het sy geleer om soos elke ander VLUM-tak deel te wees van al die bedrywigheide en sake van die dag en, alhoewel al die lede werkende dames was, het almal saamgespan om soveel as moontlik bydraes te maak tot die VLUM-tuin, want dit is tog lekker om almal so saam te blom!

Dorings en distels is natuurlik altyd teenwoordig. Net soos die seisoene kom en gaan het die ledetal ook gewissel. **In sy bloeitydperk spog Arumtak tog wel met twaalf betalende lede.**

Werkswinkels was ook 'n doring. Niemand wil sommer klasse saans aanbied nie. "... te donker", "te ver". Gelukkig het Arum 'n plan gehad. **Lede se eie kennismag is ontgin - PRET!! Hier en daar was daar tog iemand agter 'n bossie uitgeskrop wat bereid was om uit te help.** Drienie Alant was so 'n agter-die-bossiemens. Sy het een aand tot na tien gesit met die dames met fyne borduurwerk. Aandlug is maar dof vir die oë, maar Drienie het net aangehou totdat almal ietsie kon borduur. Dankie Drienie!

En die lekkerste? Konferensie 2014. Onvergetlik!! Dit was uiteindelik Arum se beurt om dit aan te bied. Klein takkies – GROOT blomme. Met 'n klein ledetal, maar meer as genoeg entoesiasme het almal saamgespan vir 'n keurige en aangename funksie. Dankie VLUM!

Maar ongelukkig, soos met alles in die lewe, moes ook die Arumtak haar koppie buig en groet. Vir 14 jaar het vyf voorsitters en talle lede die Arum-blom help groei en gedy. Dankie vir elke liewe een se bydrae, liefde en omgee.

Mag die ARUM-blom vir ewig in julle harte voortleef.

Mag die ARUM-blom vir ewig in julle harte voortleef.



Arum 2020



Belfast uitstappie na Lydenburg

Belfasttak

SAAMGESTEL DEUR: WELDA DU TOIT EN
MEDEWERKERS MARI DU PREEZ, EILEEN ROOS
EN ELSIE COETZEE

Onder voorsitterskap van mnr Piet Ahlers van die Belfast-boerevereeniging, is Belfasttak gestig op 13 November 1948, met 22 lede. Mev. Nellie Reynolds, 'n TVLU-staatmaker van Dullstroom en mej. Snyman van Pretoria was eregaste. Mn. Kolbe, voorligtingsbeampte het gepraat oor die behoeftes van 'n TVLU-tak te Belfast. Die bestuur met stigting was mevroue J de Haan (voorsitter), S van Heerden (vise), E Mare (sekretaresse), M Collins (tesourier), G Coetzee, J Breytenbach, F Kolbe, M Strydom, C van Pletson en M Wessels.

Baie wonderlike tye is belewe. **Bekwame dames het die leiding geneem en uitmuntende werke is gelewer wat nog vandag in huise hang of reeds vererf is.** (Die Wolraad-borduurartikel waaraan verskeie dames borduur het, hang vandag steeds in die plaaslike rusoord se eetsaal.)

In 1994 kom daar groot veranderinge in die land en ook TVLU moes verander. Waar Belfast vroeër onder Middelburg geval het, is hul verskuif na Lydenburg, en is deel van die Suikerbosstreek tans onder leiding van Elsie Coetze.

Huidige bestuurspan is Tania van Rooyen (voorsitter), Lydia Dedeckind (vise), Welda du Toit (sekretaresse en skakelbeampte), Santie Kotze (tesourier), Mariet van Rensburg (sameroeper) en Cynthia Campher

25 JAAR takgeskiedenis

Die tak is ook baie entoesiasties wanneer dit by kompetisies kom, neem ywerig deel en presteer op streekvlak.

Vroeër jare het Belfasttak gereeld opgetree as spyseniers vir troues en ander geleenthede.

Daar was ook jaarlikse internasionale dae, waaroor die dames gereeld nog praat.

Deur die jare was Belfast verteenwoordig by konferensies en meeste kongresse en wen selfs in 2004 die toekenning op kongres as tak met meeste punte!

Daar loop 'n goue draad van welwillenheid van toeka tot nou en meelewings met die gemeenskap speel nog steeds 'n belangrike rol. In 2012 word h Victoriaanse tee-oggend gehou met Stephan Welz, oudhede-kenner. Ons hou modeparades as bekendstelling vir VLU met ons eie lede as modelle

Die flukse dames van die tak het die spysenierung gedoen vir die jaarlikse Kankertee in Oktober 2016, asook vir verskeie funksies.

Kankerprojekte geniet aandag en die "Pienk-ladies" bring h besoek. Die nood van die Karoo-boere het die dames aangegep en dose vol voedsel, skoonmaakmiddels en mooi goed is bymekaar gemaak.

Belfast Rusoord, ouetehuis van Belfast, kry groot ondersteuning van ons tak.

Gedurende die laaste vyf jaar is daar fondsinsamelings gehou, van golfdae tot pannekoekverkopings. Hierdie fondse is aangewend om



FOTO 1: Belfast verjaar
FOTO 2: Belfastlede hou modeparade
FOTO 3: Eileen Roos demonstreer die maak van seep
FOTO 4: Belfast taklede klink 'n glasie op die tak
FOTO 5: Belfast besoek Alzu-eierplaas
FOTO 6: Belfast by Kongres in Numbi

Belfasttak

vir die binnehof by die Rusoord 'n groot afdak op te rig waar die bejaardes nou heerlik sit en kuier, braai, rugby kyk, musiek luister en verjaarsdae vier. Verder is daar ook beddegoed aangekoop.

Belfasttak veterane Florence Duggan, 62-jaar lid, Lollie van den Heever, 55 jaar, Eileen Roos, 44 jaar, Elsie Coetzee, 41 jaar en Marie du Preez, 26 jaar se jare lidmaatskap getuig van Belfasttak se sterk betrokkenheid met mekaar en die samelewing. **Die tak is ook baie entoesiasties wanneer dit by kompetisies kom, neem ywerig deel en presteer op streekvlak .**

Deur die jare was daar vele uitstappies, Gold Reef City, Nelspruit Botaniiese tuine, Sabie, sywurmplaas en die tempel in Bronkhorstspruit is al besoek. **Drie lede woon die 80-ste verjaarsdag van SAVLU by die Voortrekkermonument by.**

In 2017 het Joan Williams, Welda du Toit, Martie Grobler, Huiibri Kotze, Elsie Coetzee en Tania van Rooyen deelgeneem aan Alsu Tour de Farm-fietswedren in ons takhempies.

In Oktober 2017 het 'n klompie vrolike VLU-dames in 'n bussie gespring en gaan besoek aflê by Alzu se hoenderplaas. In 2019 het Belfasttak 'n heerlike uitstappie gehad na Joubert en Seuns in Schoemanskloof en die "High tea" by Walkersons in Dullstroom was h heerlike fees.

As gevolg van Covid-19 is ons almal gehok in 2020 en kan nie vergaderings hou nie. Dit skrik ons egter nie af nie want, soos ware VLU-dames is ons almal goed geïnspireerd om die beste van die tyd te maak. **Ons "kuier" heerlik saam op Whatsapp en beleef 'n nuwe ervaring van deel. Die meeste het ou artikels in kaste**

**25 JAAR
takgeskiedenis**

wat nou met nuwe geesdrif aangepak word om af te handel.

Party het ingespring om maskers te maak vir die rusoord en ander wat ook nodig het, terwyl ander begin brei en hekel. YouTube word ingespan as leermeester. Daar is groot geesdrif om soveel moontlik in die tyd van afsondering te doen. Nuwe agterkleinkinders word gebore, en huwelikshedenkings op 'n nuwe manier gevier. Ons drink almal saam tee op 'n vasgestelde tyd.

Gedurende die eerste paar weke van grendeltyd moes ons maar klaarkom met dit wat ons het in die kaste. So is vele take aangehandel en wolle opgebruik. **Die dames spon ook met hulle pragtige herfstuine en projekte in die tuin en op die stoep.**

So kry ons intussen die nuwe aanlyn Communique. Dis nou heerlik om te lees en dis so vol artikels. Dankie aan Elsie en haar span. Verder vermaak Cindy Coetzee ons met haar plasings op FB. **Dis 'n groot jammerte dat ons die jaar nie kongres kan hou nie, maar volgende jaar maak ons weer so.**

Almal kry ook maar swaar met kinders en liefdes wat in ander provinsies bly en waar daardie kuiers nog moet wag. Intussen sien almal met groot verwagting uit om weer vergaderings te kan hou. Verseker gaan dit 'n fees wees.



ONS GROET

Belfasttak groet Mari du Preez wat verhuis

BELFASTTAK

Mari wat vir 27-jaar lid van die Belfasttak was en wat nou Desember na Pretoria verhuis skryf: "Dit was 'n wonderlike voorreg om vir 27-jaar aan 'n dinamiese organisasie soos die Vroue Landbou-unie te kon behoort. Hier het ek die geleentheid gekry om vriendskappe te ontwikkel en my talente te ontdenk. Baie dankie aan almal in die VLU wat my lewe so verryk het."

Mari het gematrikuleer aan die Hoërskool Danielskuil en het daarna haar onderwysdiploma verwerf en haar BA-graad aan Unisa behaal. Sy het vir baie jare onderwys gegee in Belfast waar sy ook departementshoof in tale was.

Na haar uitrede uit die onderwys word Mari lid van Belfasttak waar sy altyd op die bestuur dien. Sy was ondere andere vir ses jaar voorsitter van die tak, was vir tien jaar op die bestuur van Suikerbosstreek as skakelbeampte en later as vise-streekvoorsitter.

Mari skryf verder: "Dit was lekker om betrokke te wees en myself uit te leef. Ek het goed presteer in die kompetisies en 'n leêr vol sertifikate kan daarvan getuig."

Gebak, gebottel, fotografie, skryfkuns en blommerangskikkings was haar fortè.

Mari was altyd bereid om demonstrasies en lesings aan te bied en haar kennis te deel op takvergaderings en tydens streeksdae. Ook kon daar altyd op haar knoppie gedruk word vir hulp met funksies en vergaderings en sy was 'n getroue bywoner van vergaderings, werkklasse en demonstrasies. Belfast verloor 'n bekware, entoesiastiese lid en liefde vriendin.



Namens die Suikerbosstreek en Belfasttak wil ons haar 'n geseënde afreetyd toewens en die hoop uitspreek dat sy en Danie baie gelukkig in hul nuwe tuiste sal wees.

Graskoptak

SAAMGESTEL DEUR: SONJA VERMAAK EN JUBILIE SMIT

Die tak is gestig deur Marie Venter en Annatjie Smit. Marie Venter was die eerste streeksvoorsitter wat Graskop opgelewer het en sy is opgevolg deur Titia Engelbrecht ook van Graskoptak. Beide het hul termyn van ses jaar uitgedien.

Ek, Sonja Vermaak, was deel van VLU-Graskop vanaf 1997 tot 2007 en dit was heerlike tye gewees saam met onder andere Adriana Smit, Ria Beetge, Marie Venter, Helen de Wit, Dinkie Ehlers, Anel Plessers, Rhene, Ronel Hugo, Annatjie Smit, Ria Smit en Christa Rieger. Elva van der Meulen en Hester Prinsloo, ook lede daardie tyd, het gehelp met beoordeling.

In daardie tyd het ons kongres gehou in die Wildtuin by Berg-en-Dal-kamp. Ek onthou hoe heerlik het ons daar gekuier. **Dinkie wat haar fyn teekoppie inpak, 'n spesiale glas vir haar wyn en 'n klein hipflask met die nodige versterkings.**

Ons het ook eenmaal die provinsiale bestuur genooi om hulle vergadering in Pelgrims te hou en het dit gereël by Alan Glade-museum waar hul heerlik onthaal is.

Vergaderings was een maal 'n maand op Woensdagmiddae en soms het dit aangehou tot laataand. Ons het 'n jaarprojek gehad waaraan ons elke maand gewerk het, streek- en provinsiale kompetisies, 'n takkompetisie en ook 'n ope-afdeling. **Die tafel het gekreun onder kompetisie-artikels. Ons tak het oor die algemeen goed gedoen op streekvlak, oor ons soveel artikels ingeskryf het.**

Ons het elke maand 'n gasvrou gehad en dan was daar ook elke maand iemand genooi om ons iets te leer. Dit was die lekkerste, van papier maak tot hoe om paslakens te maak, blomme rangskik en konfyt inlê. Elke maand het ons ook iets geleer oor 'n kruiesoort.

25 JAAR takgeskiedenis

Vlytige vrouens wat groot projekte aangepak het en nooit geskroom het om iemand anders iets te leer of te wys nie.

In daardie tyd het Vroukeur ook nog baie gefokus op handwerk en het hulle mense gehad wat spesial sulke werkswinkels kom aanbied het op die platteland. So het ons geleer servet-decoupage en seep maak.

Ons het op daardie stadium saam met die Nelspruiters in 'n Malieveldstreek geval, maar dit het later verander en toe was ons saam met die Lydenburgers in Suikerbosstreek.

Ek onthou dit as 'n tyd van lekker kuier en baie leer.

Vlytige vrouens wat groot projekte aangepak het en nooit geskroom het om iemand anders iets te leer of te wys nie.

Suikerbos-konferensie is twee keer deur Graskop aangebied, wat 'n reuse sukses was. Die streekkonferensie van 2003 was gehou in Pelgrimsrust-veldskool se saal. Harde werk gewees, maar die saal was pragtig versier. Ons het 'n regte delwersete bedien in blikborde en blikbekers. 'n Paar jaar gelede was die tema herwinning en was dit net so suksesvolle konferensie.

Graskoptak het 2011 'n aandtak geword as gevolg van lede wat almal werkend was. Daar was lede van Pelgrimsrus ook, so vergaderings is maandeliks gewissel tussen Graskop en Pelgrimsrus. Lede het ywerig deelgeneem aan kompetisies en werksklasse.

Die dinamika van die tak het verander as gevolg van lede se belangstellings. Meer is gefokus op fotografie, handvlyt, rekenaarvaardigheid en ander maniere van brei (looming). Die tak het aansienlik verklein in die afgelope vier jaar as gevolg van verhuis van lede en die gevaar om in die aand by 'n leë huis na vergaderings aan te kom. Ons is bevoorreg om steeds Dinki Ehlers as lid by Graskop te hê.

Ons geniet VLU en wat 'n voorreg om deel te kan wees van 'n organisasie met soveel dinamiese vroue!



FOTO 1: Titia saam met Dinki Ehlers FOTO 2: Graskopledere kuier by Kongres 2015 FOTO 3: Marie Venter Streeksvoorsitter FOTO 4: Titia ontvang Toekenning vir Diens

Graskoptak

25 JAAR
takgeskiedenis

My Gebed

Lieve Vader,

Terwyl ek so sit met my naaldwerkie, is ek besonder bewus van U besigwees met my lewe. Hoe U die stukkies met liefde aanmekaar werk, sodat die resultaat vir U bruikbaar en mooi sal wees.

Die ou kettingstekie herinner my aan my onlosmaaklike verbondenheid met U en my naaste.

Die stamsteek is my eenvoudige, nederige voortbestaan wat so nodig is om af te rond wat U met my bedoel om te wees.

Die kruissteek vertel van U kruis wat verlossing en 'n nuwe patroon in my lewe gebring het.

Dankie Here, vir die sig-sagsteek van U liefde wat verhoed dat ek uitrafel.

En o ja ... die soomsteek wat so in die binnekant van my lewe gewerk word - daar waar niemand sien nie, maar waar U besig is om my aanmekaar te hou.

Vergeet nie van die rygsteek wat 'n projek aan die begin moet heg en bymekaar hou nie – dankie Heer dat U my teen U vasryg terwyl U met die fynere werk besig is.

Nou wil ek veral dankie sê dat U ook borduursteke in helder, blywees-kleure op my aanbring.

U is waarlik besig met my lewe – U weet wat U beplan – ek is met verwagting in U hande.

AI is dit seer terwyl U werk, ek wil nêrens anders wees nie!

Maak asseblief van my 'n mooi lappieskombers, sodat ek ander kan toemaak met U liefde.

Amen

INGESTUUR DEUR: RUTH GELDENHUYSEN GRASKOPTAK, NOVEMBER 2001



LINKS: Graskop by streekvergadering REGS: Graskop Taklede

Hibiscustak

SAAMGESTEL DEUR: RITA VAN WYK

25 JAAR
takgeskiedenis

Lede is werklik gemotiveerd vir VLU-sake en altyd bereid om hul deel te doen.

In Januarie 2013 smelt twee takke van Lydenburg-naamlik die Lydenburgtak en Kannabastak saam en so word Hibiscustak gebore.

Twee lede van Hibiscustak, Elzebe Brits en Stella

Septon is baie lank reeds verbonde aan VLU en 'n groot inspirasie vir die taklede. Mev. Elzebe Brits was vanaf 1972 voorsitter van die destydse Lydenburgtak wat reeds in 1938 gestig was en het diep spore in die gemeenskap van Lydenburg getrap. **Mev. Brits het dan ook vanjaar haar 70-jaar lidmaatskap-erkennings ontvang.**

Mev. Septon, ook reeds 60-jaar lid, was baie jare verbonde aan die Kannabastak waar sy ook altyd op die bestuur gedien het onder andere as voorsitter en as bekwame beoordelaar, kon sy lede heelwat oor beoordeling leer. In 2019 sluit lede van die Strelitziatak ook by Hibiscustak aan.

Die streekskonferensie van 2020 wat aangebied is by Laske Nakke was 'n groot hoogtepunt vir Hibiscustak.

Hibiscus se whatsapp-groepie beteken vir lede baie en hier bemoedig hul mekaar en spog met artikels wat gemaak word. Werksklasse word met elke vergadering aangebied en lede leer graag nuwe vaardighede aan.

Hibiscustak, wat tans onder voorsitterskap van mev Annetjie Stoltz staan, is steeds baie betrokke by die Lydenburg gemeenskap: 250 kombersies

is aan Wenakkersentrum oorhandig, "Beanies" is vir kankerpasiente gebreit asook slaapsokkies vir Rusoordtehuis vir bejaardes. Katbedjies is ook gemaak en aan "Cat Rescue" oorhandig.

Hibiscustaklede het werklik hul werksklasse gemis in hierdie grendeltyd, maar voorsitter Annatjie Stoltz het wel lede raad gegee oor die brei van die kindertruitjie.

Verder het lede hul besig gehou met die maak van kompetisie-artikels asook ander projekte soos kwilting, katbedjies en kuns-artikels. Annatjie Stoltz, Rita van Wyk en Heleen de Bruyn maak maskers vir volwassenes en skoolkinders en voorskote word gemaak en geborduur vir die slaghuis.

Marina Good was in vir'n rugoperasie en Hibiscus is saam met haar dankbaar vir haar mooi herstel.

Met die verligting van die streng maatreëls besluit tak om by Elzebe Britz te vergader en was die weersiens vir almal heerlik.

Lede is werklik gemotiveerd vir VLU-sake en altyd bereid om hul deel te doen.

"Saamwerk en saambou" kan hul verseker sing!



FOTO 1: Elzebe Brits glo mens moet besig bly
FOTO 2: So word gebreit
FOTO 3: Stella Septon
FOTO 4: Hibiscus by Kongres
FOTO 5: Strelitzia-pret

Vigar en Ottak

SAAMGESTEL DEUR: ELIZE POTGIETER

Vroue Landbou Unie

'n Vroue Landbou Unie tak wat "Arende" genoem word is in Sabie gestig op Donderdag 1 September. Die geleendheid het plaasgevind by die Bosbou Mu-seum in Sabie.

Die stigtingsvergadering is behartig deur Mandie Steenkamp, SAVLU Presidente, Rina Potgieter, Malieveld-streek Voorsitter en Tita Engelbrecht, Suikerbosstreek Voorsitter.

Mandie Steenkamp, het die dames toegespreek na die stigting en gesê "Ek wens julle sterkte toe vir die toekoms."

Ryna Pretorius is gekies as Sekretaresse van die Arende tak, Susan Steenkamp as Tesourier, Elize Liebenberg as Voorsitter, en Alba Pretorius as Skakelbeampte.

Die gasspreker vir die dag was Alba Pretorius, wat die dames meer geleer het van styl en kleur. Elize Liebenberg, het gesê sy wil net "baie dankie sê aan almal wat so hard gewerk het om die dag 'n sukses te maak. Ek wil ook die VLU dames bedank wat vir ons die stigtingsvergadering behartig het en ook



Die Sabie dames op die foto hierbo is verkieks om die bestuur van die VLU Arende tak in Sabie waar te neem. Van links na regs: Ryna Pretorius (Sekretaresse), Susan Steenkamp (Tesourier), Elize Liebenberg (Voorsitter), en Alba Pretorius (Skakelbeampte).

baie geluk en dankie sê aan die nuwe bestuur."

Dames bo 16 jaar is welkom om aan te sluit deur kontak te maak met Elize Liebenberg, op 079 573 6038.

Grendeltyd

Verseker was niemand bewus van wat vir ons almal voorlê in 2020 nie.

Ons heerlike kuiertjie elke maand met 'n koffie en eetdingetjie was nie meer daar nie. Ons maak toe maar 'n ander plan en hou vergadering op ons whattsapp-groep.

In Sabie ontstaan groot nood: kos:- mense is honger en het geen inkomste. 'n Nuwe lid stel voor dat ons 'n sopkombuis begin.

Die groot werk begin dadelik, skenkers word gesoek. Vir 'n VLU-vrou is geen uitdaging te groot nie.

Ses dames begin sop en broodjies maak op Maandae, Woensdae en Vrydae vir 157 honger mense. Sabie se inwoners asook VLU-dames maak skenkings en Loggers restaurant bied etes Vrydae aan. Maalvleis word geskenk en VLU-maak kerrie en rys vir almal.

Een van ons lede wat verhuis het, het ongeveer 50 gebreide teddiebere vasgewerk en gestop wat ons toe



Visarenda glo aan besig wees

25 JAAR takgeskiedenis

Ons tak gee aan ons God al die eer want sonder Sy genade sou niks gedoen kon word nie.

Friday September 9, 2011

Nuwe Arende VLU-tak word in Sabie gestig

Michelle du Plessis

SABIE - 'n Tak van die Vroue Landbou Unie is op 1 September by die Bosboumuseum in Sabie gevestig.
Met die eerste oopslag kon daar dadelik gesien word hierdie vroue se hande vir alles regstaan. Die lang tafel, goedkoop in klakkers van die bosbouwinkel, was gevul met kleutertafelouenskes, het feeskool versprei en vir die vroue self het almal pragtig gehy.
Die stigtingsvergadering is behartig deur Mandie Steenkamp, SAVLU Presidente, Rina Potgieter - Malieveldstrukteur en voorsitter en Tita Engelbrecht - voorvoorsitter van die Suikerbosstreek. Daar was al tot die bestuur van die Nuwe Arende tak vertrekke om die uitgangsfunksie te maak. Cindy Coetzee van Liebenberg - voorvoorsitter, Ryna Pretorius - sekretaresse, Susan Steenkamp - tesourier en Alba Pretorius - skakelbeampte.
Mandie Steenkamp was die voorvoorsitter. "Elle hoede dat ik gaan van krag tot krag. Dra meukar se harte, sorg en laaste en behou die eenheid. Skinder moet van meukar nie want die enigste stigting om maklikheid, help en goeie vaders te leef en te werk te gaan. Die VLU vir hulle so belangrik is. Cindy Coetzee en Eliza Potgieter het gesels oor die invloed wat hul bestuur op die komende maande sou geveld het. Volgens hulle is die SAVLU 'n organisasie wat jou kreatiwiteit, vaardighede en kennis verbeter. Buiters die geleenthede om vriendelikappe te ontwikkel en verryke talente te ontfdek. My hulle ook kans om hul algemene en mensklike ontwikkeling te verskuif."

Elize Liebenberg, voorvoorsitter van die Nuwe Arende-tak, wil graag die volgende posisie onthaal: "Die Nuwe Arende-tak word in Sabie gestig en daarby word daar ook 'n bestuur gevorm. Rina Potgieter en Tita Engelbrecht wat die bestuur van die Nuwe Arende-tak vertrekke, sou daarvan baie gebruik maak om die bestuur van die Nuwe Arende-tak te beklaai. Ek hoop julle almal is so positief oor ek, het Elize afgelyst.
Vroue wat graag wil aansluit of net meer wil wet, kan dan ook vir Elize skakel by 079 573 6038."

GPS News

NUUS VANUIT DIE VLU KOS SPENS

Michelle du Plessis

Ten spyte van al die beperkings wat deur munisipale wetgewing opgeleg word tot opsigte van die uitdel van etes en kospakpies aan diegene wat dit so nodig het, het die VLU Arende tak van Sabie hulle aangepas by die nuwe regulasies.
Hulle verskaf etes en kospakpies aan 139 person in Sabie.
Die COVID-19 pandemie wat die wêreld getref het tot die nasionale inperking in Suid Afrika gelei het, het 'n finansiële krisis in baie huishoudings veroorsaak.
Daar is gereeld berigte oor "die mense is honger" en die daaropvolgende politie optredes.
Duisende kinders wat op skoolomstaat staan gemaak het, lei honger.
Mense in plakkertak kom aan huis en huishoudings wat op die inkomste van beide ouers staan gemaak het, is in die "geen inkomste bootjie wat nou baie vinnig sink" gedurende die

inperking.
Elize Potgieter, Voorsitter van die Arende tak in Sabie, hou deeglik boek van elke skenking kospakpie en ete verskaf.
"Ons vra 'n minimale bedrag - 10c per ete en ons teken elke maaltid wat uitgestuur word aan," het Elize gesê.
Dit is dusidlik dat regulasies hulle nie sal onderyk nie.
"Weet jy egter wat is die heel wonderlike?" het Elize gevra tydens ons gesprek.
"Ek was so moedeloos want ek het nie geweet waar ons die volgende week se bestendane vandaan sou kry nie.
Maar wat!
Ek het op my kniee gegaan ek hard gebid en gevra hulp.
En waarlik, ons is gesêende.
Ons het skenkings ontvang, sommer so uit die bloue uit.
'n Dame het ook vir ons 400 kospakpies geskenk waaroor ons baie dankbaar is.
Die mense van Sabie het hulle hart en hande oopgegaan en ons kon ons kospakpies opmaak om aan ons gesinne te

gee.
Baie, baie dankie vir elke skenking, donasie en elke persoon wat ons help om kos voor te berei.
Daar is van die restaurante wat een keer 'n week vir ons etes voorseen vir al ons mens en ek kan nie genoeg dankie sê nie," het Elize gesê.
Die hardwerkende vroue het ook gehekelde knie-kombesies uitgedeel om die koue so bietjie hok te slaan.
Baie dankie, dames, vir elke kombesie wat julle uitgedeel het!
Donasies vir die VLU kan nog steeds afgeloop word by SPAR Sabie by die bestuurder aan diens, en sal dan oorhandig word aan die VLU.
"Enige donasie, groente, nie-bederbaar produk is baie welkom en ons waardeer dit oopreg," het Elize gesê.
Die diegene wat die VLU wil ondersteun, kontak ons asseblief vir Elize op 061 190 4319 of WhatsApp 079 573 6038.

UIC/Labour dispute, need advice for free?

A unique challenge has been given by one of the most experienced CCMA Commissioners to the public. Glen Cormack is a resident of Sabie and has a passion and a heart for the underprivileged. Once again he will be the driving force behind the Blanket Drive 2020.
With the experience of 22 years with the CCMA and Bargaining Councils as a Senior Part-Time Commissioner, he has presided over 11000 labour disputes, resolving 80% through settlement by agreement between the parties.
Well, here is the exciting part! He is willing to give FREE advice on CCMA related problems/questions for donations or blankets.
This is an opportunity not to be missed.
The contact details are on the advert on page 7.
Don't lose out on this unique offer and on top of that, still do good in your community.

nadat kleuterskole weer oopgemaak het, as troosteddies vir die kleuterskool kon skenk.

Die grendeltyd was baie koud.

Almal hekel en werk vas en skenk afvalwol want hekel is mos ons passie. So kry 53 persone kniekombersies.

Ons tak gee aan ons God al die eer want sonder Sy genade sou niks gedoen kon word nie.

Ons gaan steeds aan met die sopkombuis.

Die inperking gee groot blootstelling van die Vroue Landbou Unie se werksaamhede in Sabie en het die tak tot 16 lede gegroeи.

Baie dankie aan Visarendak vir toewyding en ondersteuning. Saam is ons 'n familie en met sulke dames aan jou sy, kan daar hoog gevlieg word.

Suikerbekkie

SAAMGESTEL DEUR: FRÉDA PRINSLOO

25 JAAR
takgeskiedenis

Die Suikerbekkies is weer op volle stoom.

Grendeltyd

As gevolg van Grendeltydregulasies is geen vergaderings gehou nie.

Daar word met lede van die Suikerbekkietak gekommunikeer via Whatsapp en e-pos en lede deel entoesiasties idees vir resepte wat lei tot inspirasie.

Daar word ook fluks gehekel aan die tak se hekelpoek.

Humor was aan die orde van die dag met stories en videos wat gedeel is, soos Ammarie se Hasie en Skilpadstorie en Yvonne se Pret vir die Dag, wat idees gee vir uiters kreatiewe oefeninge vir liggaam en siel... om van die idees vir maskers vir Durban July nie eens te praat nie!

Op 31 Maart het Madalene lede genooi vir 'n virtuele teetyd om 11h00 en oulike foto's is gedeel. Foto's is gedeel van maskers wat hulle self gemaak het, helaas, nie almal ewe geslaagd nie! Van die lede is reeds ook betrokke by gemeenskapsprojekte om maskers te maak en kospakkies te voorsien in die dorp. Elsie herinner ook die Suikerbekkielede aan die kombersieprojek wat ná die kongres as welsynsprojek uitgedeel gaan word.

Op 22 April verskyn Communique, die pragtige Herfsuitgawe van die VLU en al die Suikerbekkies het sekerlik

dadelik geblaai na hulle artikel in dié uitgawe.

Paasfees was besonders met inspirasieboodskappe wat gedeel is. Annali se pragtige video wat handel oor Einstein se teorie oor die Krag van Liefde was 'n wonderlike boodskap vir almal

Op Moedersdag 10 Mei deel Yvonne 'n baie besondere Gebed vir 'n Ma en met Annelize en Salome se verjaarsdae was hul beslis, virtueel, nie alleen nie.

Ongelukkig was daar ook leed met Ammarie se pa wat oorlede is.

In Bestuursvergadering is intussen gehou en in Julie kom die Suikerbekkies vir die eerste keer in maande bymekaar en wat 'n heerlike weersiens.

Dit klets en kuier en beplanning word gedoen vir die konferensie van 2021 wat in Dullstroom aangebied gaan word. Dames leer proppe bedraad en Annelize laat ons met ander oë na harte kyk. Die Suikerbekkies is weer op volle stoom.



FOTO 1: Suikerbekkies by konferensie 2020 FOTO 2: Heerlike koek FOTO 3: Van die lede brei hondejassies FOTO 4: Suikerbekkies leer hekел

Inspirasie-stasie met

Alna

Kapp

VISE-PRESIDENT
STREEKSVOORSITTER TAMBUKI

GRENDELTYD

Ek weet verseker dat elkeen van julle wat vandag hier lees, ook deur baie nuwe, ongekende emosies moes werk die afgelope paar maande.

Soos wat die grendeltyd verleng het en die realiteit daarvan gevoel kon word, het ek besef dat, om positief te wees en te bly, uitdagend gaan wees. **Om by die positiewe deel uit te kom, het ek gou agtergekom dat daar 'n proses van aanvaarding aan gekoppel is.**

Reeds in Februarie was 2020 se kalender vol ingekleurde blokkies van opwindende VLU-dae wat sou volg. Eers toe ek daardie kalender in 'n laai bêre en 'n skoon een op die lessenaar sit, het ek geweet hierdie jaar gaan ons vat soos hy kom.

Skielik moes ons ander maniere bedink om ons kosbare VLU-lede te inspireer. Ons hou Zoom- en WhatsApp-vergaderings wat maar beperkend is, maar die kontak met VLU-vriendinne vervul darem in 'n mate die verlies aan samesyn.

Ek het besef hoe kosbaar woorde is. **'n Woord van medelye, inspirasie, hoop en liefde word die goue draad waarmee ons aan mekaar verbind word.**

Mettertyd het my gebede verander van: "Wys my wat ek vir iemand kan doen na, Vader gee my die regte woorde." Was ek soekend na woorde vir 'n hartseer vriendin, wat haar man verloor het as gevolg van die pandemie. Woorde het soveel inpak op die mense rondom jou. Woorde moet oordink en met respek ge-uiter word. Veral in hierdie tyd gaan ons woorde dalk al wees wat mense van ons onthou.

Ek sluit af, met die hoopvolle woorde, dat hierdie moeilike tyd ook verby sal gaan en dat ons weer in die toekoms saam sal kuier om kongrestafels. **Hou aan bid, hou aan hoop, hou aan droom!**




HOU AAN BID, HOOP EN DROOM!

*Waar jy nou bevind
Is nie so belangrik nie.*

*Wat saak maak, is waarheen
jy oppad is.*

OLIVER HOLMES



Die simboliek van die leuse

"Vroue wat gee groei" word sprekend op die embleem uitgebeeld deur die drie vroue wat tussen Tambukiegras sit met hul hande uitgestrek (gee, opheffend), reikend na die son, wat die provinsie uitbeeld.



Vanwaar Tambukiestreek?

25 JAAR

SAAMGESTEL DEUR: DAVIDA LAAS

Tydens die VLU-Mpumalanga-kongres in 2000 is opdrag gegee om die bestaande drie streke, Malieveld, Kosmos en Hoëveld verder te verdeel en so ontstaan Tambukiestreek amptelik met die eerste streekvergadering in 2001 met die volgende takke:

Amersfoort, Breyten, Komati, Nu Scotland, Platrand, Piet Retief, Volksrust, Wakkerstroom en twee Ermelotakke naamlik Talento Mulher en Millennium.

Takke wat later bykom is: Panbult (2002), Dirkiesdorp (2003), Adoré (2003), Kaleidoskoop (2003), Môreson (2004) en Avendster (Ermelo) (2005)

Die eerste voorsitter is Ursula Greyling vanaf 2001 – 2002. Sy word opgevolg deur Davida Laas (2004 – 2009), Amanda Shand (2010 – 2011), Elbie van der Schyff (2012 – 2015), Rika Wolmarans (2016 – 2017) en huidig is Alna Kapp aan die stuur.

Met die ontstaan van Tambukiestreek moes hulle 'n naam en eie embleem kry. Op hul eerste streeksvergadering moes die voorsitters name in 'n hoed gooï en toe daaroor stem. **Tambukie word gekies omdat Tamboekiegras so kenmerkend van die omgewing is.** Die dames besluit egter dat die spelling met 'n "u" meer stylvol lyk as met die "oe".

Takke is gevra om ontwerpe en leuse te bedink. Die wenontwerp kom van Mattie Barnette van Millennium VLU-tak. Die eerste embleem is met houtsneewerk uitgebeeld maar die stuk breek en die lede besluit om 'n banier te laat maak wat voortaan tydens konferensies gebruik word by die podium. Alet Steyn en Maggie Steyn het die masjiengeborduurde stuk gemaak wat nog steeds in gebruik is. Tydens konferensies word die embleem ook gedruk op alle kaarte wat tydens die geleentheid gebruik word. Carien Schabot het die embleem daarvoor digitaal aangepas. In 2002 hou die streek hul eerste konferensie in Ermelo.

Tambukiestreek kom gewoonlik so drie keer per jaar bymekaar vir streeksvergaderings.

Januariemaand se vergaderings word gekenmerk deur die jaar se artikels wat ingehandig word vir streeksbeoordeling. Aangesien Tambukiestreek nog nie tot op hede min-skou hou nie, beteken dit dat al die artikels op een slag ingehandig word.

Januarie-streeksvergadering is dan ook die streek se inligtingsdag waar die komende jaar se artikels se inligting breedvoerig deurgegee word met voorbeeld aan die lede oorgedra. Lede kry geleentheid om vrae te vra. Hierdie vergadering is gewoonlik die langste vergadering van die jaar en lede is opgewonde om met die nuwe jaar se artikels kennis te maak. Die laaste konferensiërlings word ook met die lede gedeel.

Die afsluitingstreeksvergadering is gewoonlik net 'n sosiale byeenkoms waar die lede net sosiaal verkeer en iets lekker saamdoen.

25 JAAR takgeskiedenis



1



2



3



4

FOTO 1: Alna Kapp(links)Rika Wolmarans(regs)
Streeksvoorsitters

FOTO 2: Amanda Shand hou haar 1ste
streeksvergadering

FOTO 3: Elbie tree uit as streeksvoorsitster

FOTO 4: Davida Laas neem oor by Ursula Greyling

25 JAAR

takgeskiedenis



2002 Alna Kapp



2006 Amanda Shand



2007 Elsie Lombard



2008 Elfrida Joubert



2009 Hennie Kriek



2010 Hannie Smith



Die Tambukievrou van die Jaar is 'n spesiale toekenning wat oorhandig word aan die vrou wat nie net entoesiasties deelneem aan VLU nie, maar ook 'n besondere bydrae lewer aan haar gemeenskap. Die Tambukievrou word met 'n CV van haar tak genomineer. Die Tambukievrou beywer haar dan in die jaar waarin sy verkies is om 'n projek te loots, hetsy 'n liefdadigheidsprojek of 'n projek om 'n bydrae tot die streekskas te maak.

Lede wat hierdie gesogte toekenning ontvang het is die volgende:

- 2002 **Alna Kapp** Platrand
- 2003 **Kathy Lotz** Amersfoort/Oorlede
- 2004 **Leana Uys** New Scotland
- 2005 **Christel Ohlmesdal** Millennium
- 2006 **Amanda Shand** Adoré
- 2007 **Elsie Lombard** Adoré/Oorlede
- 2008 **Elfrida Joubert** Wakkerstroom
- 2009 **Hennie Kriek** Amersfoort
- 2010 **Hannie Smith** Millennium
- 2011 **Sarie Rabe** Wakkerstroom
- 2012 **Rena Potgieter** Volksrust
- 2013 **Davida Laas** Millennium/Volksrust
- 2014 **Sarita Bosman** Amersfoort
- 2015 **Elbie van der Schyff** Piet Retief
- 2016 **Buksie Bam** Amersfoort
- 2017 **Lenie Groenewald** Talento Mulher/Robyn
- 2018 **Carien Schabort** Platrand
- 2019 **Liese Pieterse** Wakkerstroom



2005 Christel Ohlmesdal



2018 Carien Schabort



2017 Lenie Groenewald



2016 Buksie Bam



2015 Elbie vd Schyff

2004 Leana Uys en
2014 Sarita Bosman
Ma en dogter

2019 Liese Pieterse



2019 Liese Pieterse



2011 Sarie Rabe



2012 Rena Potgieter



2013 Davida Laas



Amersfoort Tak

SAAMGESTEL DEUR: MARGARET VAN NIEKERK

25 JAAR
takgeskiedenis

Geskiedenis van Amersfoort VLUTak.

Amersfoort is die derde oudste tak in die voorheen Volksrust streek. Die vrouens het reeds in die vroeë veertigs maandeliks bymekaar gekom om kennis uit te ruil en het in 1948 besluit om 'n tak te stig, onder leiding van Hester Roux. Die vergaderings het agter in die winkel van Tannie Gas Neser plaasgevind.

In die later jare het, onder die leiding van Mev. Katy Lotz, 'n pistoolklub, bloedoortappingsdiens en 'n blomme klub ontstaan. Die Distriks Landbou Unie het 'n bioskoopsaal gekoop en die tak het daarheen verskuif. Die tak het gegroei tot 66 lede. Deur die jare het die tak vele funksies gehou, dames oggende gereel, uitstappies meegemaak en by vandusies tee gesink.

In 1964 is Mev. Katy Lotz gekies as Streekvoorsitter en in 1976 as SA Presedente, waarvoor Amersfoort trots is.

Die Konferensiebeker is die volgende jare gewen deur Amersfoort Tak.

1977 voorsitster, Bettie Lotz, 1981 Chrissie van der Merwe, 1982 Orpa Jacobs, 1983 Orpa Jacobs, 1990 Minke Lotz. 1993 ontvang Amersfoort die Shell wisseltrofee vir die Tak wat die meeste fondse ingesamel het vir die Katy Lotz kinderfonds. 1995 weer die meeste punte opkonferensie met Lilian de Jager as voorsitster, 2000 met Buksie Bam as voorsitster, 2010 wen ons weer in Amersfoort onderleiding van Lezelle Smit.

Algemeen:

2017 Buksie Bam Tambukie vrouw van die jaar.

2020 wen Margaret van Niekerk die Bernina Bernette naaimasjien asook is sy Skakelbeampte van die jaar en Elana Pieters is die Tambukie Voorsitster van die jaar.

Amersfoort spog ook met 1,2,3de plekke op Kongres vlak asook by SAS.

Grendeltyd

Amersfoort kon geen vergaderings gehou nie. Van die dames het nie rekenaars nie, dus kon daar geen internet vergaderings ook gehou word nie. Dames mis mekaar vreeslik, maar ons maak gebruik van Whatsapp boodskappe en stuur foto's van artikels en van ons doen en

late en hoop om weer binnekort vergaderings te hou.

Rina van der Merwe en Elsie Stander maak nog gereeld sop en broodjies vir minderbevoorregtes.



FOTO 1: Buksie Bam se gehekelde Mandala.

FOTO 2: Elsie Stander van Amersfoort VLUTak hekel troos komberse.

FOTO 3: Annamart van der Merwe van Ermelo Privaat Hospitaal met maskers wat gemaak en geskenk is deur Sarita Bosman. Sekretaresse van Amersfoort VLUTak Tambuki streek

FOTO 4: Sarita Bosman met nog voorbeeld van maskers wat sy maak.

Kaleidoskooptak

SAAMGESTEL DEUR: ELZETTE FARR

Kaleidoskoop se dames was besig tydens "lock down". Rika Wolmarans was h筋 besige bytjie. Sy het maskers gemaak en uitgedeel aan mense wat nie gehad het nie, het aan die VLU-projekte gewerk en het saam met Babie Jacobs, ook vir die ander lede van Kaleidoskoop 'n video oor "crazy patch" gemaak.

Marietjie Roodt het ook aan haar VLU-projekte gewerk. Jenny Meyer het oor hierdie tydperk juffrou geword en haar kleinkinders begin help met huiswerk. Elzette Farr het deur hierdie tydperk gewerk van die huis af, so daar was min tyd vir haar om aan VLU aandag te gee. Hannetjie Botha het van die geleentheid gebruik en vir aanlyn kursusse ingeskryf en ook aan haar projekte gewerk.

Ons het ook ons eerste Whatsapp vergadering gehou, wat 'n heeltemal nuwe ervaring was. Van die dames het in die donker vergadering gehou want Piet Retief het ook beurtkrag in hierdie tydperk ondervind.

Kaleidoskoop het 16 geword op 28 Junie. Die tak is op 28 Julie 2004 gestig, aangesien daar 'n behoefte in Piet Retief ontstaan het vir 'n tak vir die werkende vrou. Die huidige Piet Retietak was daardie tyd die enigste VLU-tak in Piet Retief. 'n Paar dames het weggebreek en dadelik is nog lede gewerf totdat 'n tak met twaalf lede gestig is. Soos 'n kaleidoskoop sy kleure uitstraal, so word Kaleidoskopers se talente op verskeie maniere uitgestraal. Hulle deel mee in hekelwerk, kunswerk, naaldwerk, handwerk, breiwerk, skryfwerk en blommerangskik.

...die Robyne doen nie 'n projek halfpad nie.

Robyntak het in die grendelyd twee whatsapp-vergaderings met groot pret gehou en net weer besef dat waar daar 'n wil is, daar 'n weg is. Ons is nog 'n jong tak en klein groepie wat baie erg is oor mekaar en het dit moeilik gevind om nie te kon kuier nie. Baie van die dames het ook nie goeie sein nie omdat hulle op please woon en dit het die kontakhou as groep moeiliker gemaak, maar ons het gewag en weer probeer tot ons almal kon saamlag en gesels.

Ons het ook een nuwe lid by gekry in hierdie grendelyd, aangesluit deur whatsapp-vergadering wat weereens bewys dat dit gedoen kan word. Was ook groot voorreg om Alna Kapp deel te hê van elke vergadering en haar boodskappe het die dames diep geraak. **Maskers maak was aan die orde van die dag en daar is +- 200 maskers gemaak en aan verskeie organisasies in die omgewing uitgedeel.** Daar is raad gegee oor artikels en video "clips" is aangestuur totdat dit reggekry is, dan is daar gespog met foto's tot groot vermaak van almal. Daar is

25 JAAR takgeskiedenis

as hulle eet, dan eet hulle, as hulle huil dan huil hulle, as hulle werk dan werk hulle

Kaleidoskooptak het as een van die 10 takke in die Tambukiestreek hande gevat en van Tambukie 'n magtige streek gemaak. In die afgelope 16 jaar is daar verskeie punte in gebring. In 2007 en 2020 was twee dames, Babie Jacobs en Rika Wolmarans onderskeidelik die lid met die meeste punte in die Tambukie-streek

Kaleidoskoop was ook al in 2012 die wenners met die meeste punte. Verder bly hulle onder die eerste vyf plekke in die streek. Kaleidoskoop neem hande met Helpende-hand. Ons werf vir hulle twintig nuwe lede en ontvang R10 000.00. Skenk ook klere, wat HH weer verkoop vir fondse. **Kaleidoskoop begin ook 'n breiklas, waarin ons Rinkel Kinkel se graad RR leer brei het.**

Kaleidoskoop het 'n onbty aangebied, waarmee 'n gestremde man, sy eie klerereeks kon bekendstel aan die publiek. Die klerereeks staan bekend as die "Huppel Kruppel" reeks. Die gelde wat geïn is, is gedeel tussen hulle en Kaleidoskooptak. **Kaleidoskoop se beleid is "as hulle eet, dan eet hulle, as hulle huil dan huil hulle, as hulle werk dan werk hulle".** Ons geniet ons tak in al sy fasette van kleur wat ons uitstraal. Ongelukkig het die veranderings van die samelewning ook sy tol geëis. Dit is nou gevaarlik vir die dames om in die aand uit te gaan en skole vra ook baie meer van ouers. Ons het nou gekrimp tot ses lede, min maar met tonne mannekrag, daarom gaan ons in 2021 die konferensie aanbied in Piet Retief.

Robyntak

SAAMGESTEL DEUR: SUSAN VAN WYK

ook 'n vinnige masjienborduurklassie aangebied natuurlik met die nodige covid maatreëls in plek - moet noem, dit was moeilik om nie te druk met die groetslag nie. **Verskeie artikels is reeds voltooi en ons was hartseer toe die nuus deurkom dat die kongres gekanselleer is, maar verstaan ook dat ons mense se veiligheid eerste kom.**

Vir fondsinsameling het ons so bietjie klei getrap, maar vinnig is daar wins op naartjie verkope inbetaal en het ons ook weer begin om te kyk of ons Solidariteit se debietorder-projek van stapel kan stuur om sodoende die tak se fondse aan te vul. Ons weet ook dat dit 'n moeilike tyd is vir almal, **maar die Robyne doen nie 'n projek halfpad nie.** Robyne sien uit na die eerste normale vergadering, maar is ook aan die wonder oor hoe normal gaan verloop in die toekoms. Elke lid word in gebed gedra en vertrou dat ons Hemelse Vader ons die nodige krag en leiding sal gee om van hierdie tak 'n sukses te maak in alle omstandighede.

Piet Retief

SAAMGESTEL DEUR: URSLA POLS

h WhatsApp-vergadering is gehou op 16 Junie 2020 en lede het hul met allerlei take besig gehou.

Sonja du Toit het maskers gemaak vir al hulle plaaswerksters, Lizette Ehlers hekel handskoene, 'n 3D-deken en maak tuisgemaakte pasta en suurdeegbrode.

Jeanine Herrington, Magriet Galt, Cheryl Herrington en Estelle Klopper werk hard aan verskeie brei-en hekelproyekte terwyl Flox Vorster tyd spandeer aan haar Spaanse studies.

Tambuki se takke skenk elke jaar 10% van die tak se fondsinsameling aan iemand in die gemeenskap wat hulp benodig en ongeveer R1000 word geskenk.

**25 JAAR
takgeskiedenis**

Willana Claesen het weer gehelp om kos in te samel vir minderbevoordele families.

Ursula Pols is betrokke by die Gemeenskapsdienssentrum vir Bejaardes en Tambukie-lede brei slaapkouse vir 'n kinderhuis in Middelburg Mpumalanga.

Piet Retief groet Karin McEnery wat Nelspruit toe trek.

Mariet Galt word Oumagrootjie gedurende grendeltaid en Elanie Gerber skenk geboorte aan 'n pragtige babaseun.

FOTO 1: Verse n Klank aand: item gelewer deur Jeanine, Santie en Helena FOTO 2: Ystervrou inwording : Jeanine, Estelle, Helena, Mariet, Daleen en Sonja FOTO 3: Ope tuine: Helena, Dalleen en Sonja FOTO 4: Tambuki tak verower toekennings : Daleen, Sonja, Helena en Willanas



Platrandtak

SAAMGESTEL DEUR: CHANTELLE JOOSTE

Stigtingvergadering vind plaas op **1 Junie 1967**.

- **Bied Tambukie streek se 17 de Konferensie aan.**
- **Platrandtak vier 50 ste bestaansjaar**
- **Gereelde streekswenners**
- **Bedien plaaslike Gemeenskap soos Ouetehuis, rolstoelpiek en Standerton konsentrasiekamp**
- **Boksie vir 'n boervrou**
- **Skenking van voer, water en kos aan droogte gebied**
- **Positiwiteit en geesdriftige deelname is kenmerkend van tak.**

Platrandtak het tydens Juliemaand inperkingsvergadering gehou. Dit was heerlik om van almal se doen en late te hoor, wat almal maak en om mekaar se lief en leed te deel.

VLU Platrand vier 50ste bestaansjaar



Die lede het hierdie geskiedkundige geleenthed saam met die streeksvoertreter in Standerton gevier. Agter, van links na regs, is Babsie Baan (voormalige voorstander van die Tambukietak), Kathy Kruger (voormalige voorstander van die Platrandtak), Petrus Joubert (31 jaar lid), Lena du Plessis (49 jaar lid), Alina Kapp (49 jaar lid), Linda du Plessis (49 jaar lid), Nel Pretorius (49 jaar lid), Ingrid Pretorius (voormalige voorstander van die Platrandtak) en Jacoba Hermans (6 jaar lid).

Voor is Corien Schubert (21 jaar lid), Chantelle Jooste (5 jaar lid), Stephanie Schutte (nuwe lid) en Elize van der Schaff (Mpumalanga-skaktoernooi). Regs is Standerton se heel eerste streeksheuseur nadat die Platrand-tak op 1 Junie 1967, as deel van die Transvaalse Vroue Landbou-Unie, deur Merrile Plessis gevestig is.

*Dames help om voedselnood te verlig
“Sop in n bottel” skenkings aan gesinne in Standerton.*



Wakkerstroomtak

SAAMGESTEL DEUR: RONAY DELPORT

Wakkerstroomtak word in **1928 gestig** en bestaan uit lede oud en jonk.

Ledewerk graag aan artikels en poog om hul vaardighede steeds te verbeter en groter sukses te behaal. Dit het geleid tot deelname in elke afdeling by 2019-kongres, 'n besondere prestasie.

Die tak doen ook haar deel in die gemeenskap en bedsokkies is hierdie winter vir die Dana-tehuis gebrei.

Almal is ook baie opgewonde oor die soja-projek wat geloods word en is ernstig besig om resepte uit te toets.

Elke maand kom die dames bymekaar om aan hul half klaar projekte te werk en dan word daar raad en advies uitgedeel. Wakkerstroom-vrouens hou van gesellig

saamkuier. Hulle ruil graag advies en raad uit en is ongeag ouderdomsverskille, groot vriendinne.

Die Wakkerstroom VLU-dames het gedurende die tyd van inperking mekaar op hoogte gehou van lief en leed wat in hulle lewens aangaan, projekte wat hulle aanpak en idees gedeel deur Whatsapp. Advies is gegee en soms sommer net gesels. Sommige van die dames het agter hulle naaimasjiene ingespring en maskers begin maak, ander het nuwe resepte getoets of sommer net die mooi in die moeilike tyd probeer raaksien. **Al die dames is dit eens dat die inperking oppe en affe gebring het in hulle lewe, maar dat hulle by stokperdjies kon uitkom, nuwe goed probeer en ook tyd saam hulle huisgesinne kon waardeer...**



1



2



3

FOTO 1: Wakkerstromers besig met vergadering
 FOTO 2: Wakkerstromers se mooi kwilterk

FOTO 3: Jean en Davida van Volksrust orhandig flesse namens die tak aan Heleen van Helpende Hand

Talento Mulher

SAAMGESTEL DEUR:
 ELSA DE VILLIERS

“To live a creative life, we must loose our fear of being wrong”

Op **19 April 1999** kom dertien dames bymekaar om 'n aandtak te stig en noem die tak Talento Mulher wat "talentvolle dames" beteken.

Spoedig het 'n lekker sop-en-sjerrie-aand gevolg en daar word hard gewerk om Tambukistreek se konferensie aan te bied.

73 Kinders word ook op 'n uitstappie na Badplaas geneem met De Wits van Ermelo wat die brandstof borg.

In Augustus 2019 word 'n lekker Boeredans gehou.

Talento Mulher se dames gee om vir mekaar en kan lekker saamwerk en kuier. Daar word lekker gelag tydens werkklasse waar baie gesellig saamgekuier word.

Hul leuse is “To live a creative life, we must loose our fear of being wrong”

Salignatak

SAAMGESTEL DEUR: ELBIE VAN DER SCHYFF

Salignatak behou kontak met lede deur gereeld whattsapp-boodskappe te stuur. Sodoende bly almal op hoogte met lief en leed in die tak want almal beleef maar hulle eie drama met die dat normaal beslis nie meer normaal is nie.

Lede eksperimenteer met die inmaak van vrugte en groente en kook ook konfyt, om nie eers te praat van die baie brood wat ook gebak is nie, grotes, rondes, gesondes en wie weet wat nog alles. Maskers word gemaak, een lid het vir die hospitaal in Richardbaai gemaak. Elkeen was op een of ander wyse betrokke met die maak van maskers, selfs al het hulle jare gelede aan 'n masjien geraak. Beslis 'n positiewe ervaring. Lede is ook betrokke by die uitgee van voedselpakkies.

Brei en hekel is altyd gewild gedurende die koue maande en bedsokkies en musse is gemaak wat gegee is vir die plaaslike huis vir bejaardes, Huis Immergroen. Lede het ook komberse en sommer net lekker artikels gemaak.

Met inperking by die Greendoor Gastehuis is "Crazy Patchwork", hardangerprojekte en skilderprojekte aangepak. Lede is ook aangemoedig om artikels te maak. Lede borduur ook om hul besig te hou.

Ons ervaar dat lede regtig deur 'n baie moeilike tyd gaan en dat hul mekaar se ondersteuning broodnodig het



FOTO 1: Crazy quiltwerk FOTO 2: Herwinning projek FOTO 3: Saligna Stigtingsvergadering
FOTO 4: Alna Kapp besoek ons tak sam met Thandeka

Volksrust

SAAMGESTEL DEUR: DAVIDA LAAS

Met die instelling van die beperking wat Covid-19 teweeg gebring het, het die nood in Volksrust, soos ook in baie ander dorpe, geweldig toegeneem.

Daar was reeds 150 behoeftige gesinne en getalle het daagliks toegeneem. Ons VLU-tak het op die idee gekom om leë bottels met 'n voedsame maaltyd te vul. Dit sou

die nood in Volksrust, soos ook in baie ander dorpe, geweldig toegeneem.

dan in samewerking met CMR/Helpende Hand aan die gesinne uitgedeel word. So 'n "Fles van hoop" word gevul met rys, droë groente (lensies, erte, gort) en soppoeier. Hierdie inhoud word in twee en half liter water gekook tot gaar en kan vir 'n gesin van ses 'n maaltyd wees. **Die opgewondenheid en dankbaarheid waarmee Helpende Hand hierdie flesse ontvang het, was vir ons 'n riem onder die hart.**